

كريم حشام

يو-تيرن



TURN

نسخه حصرية لموقع فور ريد
من صديق الموقع Amr hassan



لنحميل كتب pdf مجاناً
www.4read.info

يو-تيرن

یو-تیرن

الاء فور رید
کریم لہشام

الاء فور رید

الإهداء

الإهداء الدائم والأبدي في أي كتاب ليا .. ماما .. ست الحبايب
إبراهيم علي .. المصور اللي صور الصورة اللي ع الغلاف دي
الناس اللي هتقرا الكتاب سواء عجبها أو معجبهاش، شكراً.

الإهداء الدائم والأبدي

إهداء خاص جدًا جدًا

زيزي .. حبيبتي قبل ما أعرفها من ساعة ما ربنا كتب عنده إنها
تكون ليا وأكون ليها

خطيبتني بعد ما عرفتها وحببتها، ويا رب تكون مراتي قريب أوي
وشريكتي في حياتي وفي الكتاب ده

أينعم اسمي لوحده ع الغلاف، لكن الكتاب ده هي وأنا كتبناه
مع بعض.

دايما كانت قناعتي أني لو عايز أخلي حد يعيش حتي بعد ما
يموت لازم أكتب عنه

وأنا عايز قصتنا دي تفضل حتى بعد هي وأنا ما نمشي من الدنيا
دي

عشان كذا قررت ما أكتبش الكتاب ده لوحدي، حبيت تكون
معايا فيه، بأسلوبها وطريقتها وروحها وجنانها وعفرتها
وعصبيتها وكل العفاريت اللي كانت بتطلع وإحنا مش لاحقين
نخلص الكتاب

الكتاب ده كتبناه سوا، ويا رب نفضل سوا..

المقدمة

مجنون بيحب في مجنونة .. والعقل معاهم في أجازة
مجنونة الدنيا وملعوننة .. بتجمع وتفرق ياما

مجنون وشايفها فوق الدنيا .. أجمل من أجمل بنت بنوت
مجنونة شايفاه فارس وأمير .. وكأنه بطل شايل نبوت

مجنون بيسبل لعنيها .. وشايفها تملي في أحلامه
مجنونة بتضحك أدامه .. ضحكها بتسعد أيامه

مجنون مش عارف آخرتها .. والدنيا طريق صعب بيمشيه
مجنونة وراضية بنصيبيها .. وحالفة لتفضل ماسكة إيديه

مجنون وبيحلم يحضنها .. وياخذها ويهرب بيها لبعيد
مجنونة تملي تسلم له .. وبتحلم يوم يجمعهم بيت

مجنون بيعافر ويجرب .. والدنيا بتمشي تلتطش فيه
مجنونة بتحلم علي آده .. وبتحلم تبقي عشانه وليه

مجنون بيحاول مش قادر .. عايز يستسلم مش عارف
مجنونة سؤالها علشانه .. أبقى أنا جنبك وتقول خايف؟

نفسى أما العمر
ياخذ منا حلاوة الشكل
يسيب حلاوة الروح
وأفضل اشوف الضحكة الحلوة

زي ما كنت بشوفها زمان
نفسى أخذك ونطير لبعيد
وأقفل روحي وقلبي عليكى
نفسى أفضلك شمس وضلة

زي ما كنت تملي زمان
نفسى أبقالك نور ف العتمة
نفسى آخذك نركب مراجيح

وإنتى تقولي: يا خويا اتهد
نفسى آخذك نجري ونطنطط
بس الصحة بقت ع الأد
بقولك إيه:

طيب تيجي نروح السيما؟
وإنت تجبلي غزل بنات

وتأكلني ف مطعم شيك
وتجبلني فستان بفيونكة
وإنتي تسيبي إيديا وتجري
وأجري وراكي ف نص الشارع

طيب تيحي نزور أهالينا
وإنت يا خويا مستعجل ليه
كلها خطوة ونبقي هناك
ياللا نعيش كام يوم فاضلين
طيب ياللا نروح السيما

الإف فور ريد

- حبيبي ممكن تناولني الدوا ده من جنبك

- عنيا، لحظة هجيلك مائة وأجيلك

يحاول أن ينهض من فراشه دون أن يستند على عكازه، ولكنه لا يتمكن وقبل أن يقع يمسك بعكازه المستند إلى الحائط، ينظر إليها وهي شبه نائمة، يراقب تقاسيم وجهها التي عشقها في شبابه، ضحكتها الجذابة كانت هي أول ما لفت نظره فيها، ضحكة آسرة، تأخذك إلى عوالم بعيدة من هذا الكون، تأخذك إلى موسيقى تعزفها فرقة أوبرا عالمية لا يمكن لأذنك أن تتوقف عن سماعها ولا أن تدندن معها، هي الحياة بكل معانيها وأحلامها وآلامها وسعادتها وحزنها، هي من هي، وهو من هو. كيف استطعت أن تحتويني بهذه الطريقة، كيف تمكنت من أن تأسري روحي، وتجذبيها نحوك، فلا ترى في الحياة إلا أنت، كيف استطعت أن تجعلني الشمس والقمر والنجوم كلهم بين يدي فقط عندما تبتمنين، فتبتسم الحياة لي، تنزاح كل همومي وآلامي وأوجاعي ومشاكلي ولا ترى عيناى سواك، سوى تلك الابتسامة التي طالما حسدني عليها الكثيرون. استفتت من أحلامي القديمة، وذهبت لأحضر المياه.

- اتفضلي
- تسلم إيدك يا رب
- بألف هنا وشفا
- صحيح عايزة أحضر أكل الولاد جاين النهاردة صحيني
قبل ما ييجوا بساعة
- لأ ما تحضر يش خليكي مرتاحة هنبعت نجيب أكل من
برة وخلص، ما هم كلهم مقضيينها أكل شارع طول
النهار إن كان عيالك ولا عيال عيالك، المهم ما تتعبيش
نفسك إنتي.
- يالا ربنا يحميهم يا رب ويخليك ليا دائما.
- يا ستي كفاية علينا أوي كدا، حلوين ٧٢ سنة زي الفل
إحنا هننهب.
- ما تقولش كدا ربنا يباركلي في عمرك.
- ويباركلي فيكي يارب.

قام الجد استعداداً لاستقبال أولاده وأحفاده، هم نور حياته
بعدها، هم من يملؤون هذا البيت فرحاً وضجيجاً وضحكاً ولعباً،

ينتظر يوم الجمعة بفارغ الصبر حتى يأتوا، لا يعرف ماذا كان ليفعل لولاهم ولولا وجودهم في حياته.

عندما كان صغيراً لم يكن يحبذ فكرة الإنجاب من الأساس، فكما كان يخبرها دائماً أنها "وجع دماغ"، ولكن اختلف الأمر عندما أنجب طفله الأول آدم، ثم ابنتهم الثانية هنا، بعدها أدرك كام كان مخطئاً عندما كان يعتقد أن الأولاد هم مجرد وسيلة لتعذيب المتزوجين في الأرض، وأدرك فداحة تفكيره أيضاً عندما جاء أحفاده.

لديه أربعة أحفاد: ولدين وبننتين، هم كل ما له في الحياة، هم نور عينيه وراحة قلبه وسروره، ولكن لا أحد يسبقها إلى قلبه أبداً، فهي عشقه الأول، وحبه الأخير، ورفيقة دربه، مَنْ رأت معه أجمل أيامه، وأسوأها، مَنْ تنعمت بأمواله، وعانت أياما كثيرة لأنهم لم يكونوا يمتلكون ما يكفيهم لآخر الشهر، كانت أفضل أصدقائه، وأحن خلق الله عليه بعد أمه.

توجه إلى دورة المياه، إغتسل وتوضأ ليصلي العصر، وأثناء صلاته دعا الله أن يشفيها ويعفو عنها ودعاه ألا يستردها قبله، فهو لن يتحمل لحظة واحدة بدونها، وإن أصابها مكروه سيلحق بها علي الفور، فحياته خلقت كي يعيشها معها، يفرح معها، يحزن معها، يرى الدنيا بعينها، هي كل شيء، وكل شيء بدونها لا شيء.

- يالا تعالي عشان نقعد ثوا..

- ثوا تاني يا زياد مش ناوي يبني تقولها صح اسمها سوا

مش ثوا، يالا طيب نروح بره..

خرجت وأحفادها يتقافزون حولها ويمسكون بجلبابها،
سلمت على أولادها وجلست بجواره، فأمسك يدها بحنو
بالغ وقبلها:

- حاسة إنك أحسن دلوقتي؟

- يعني شوية الحمد لله..

- ألف سلامة عليكى..

فقطاعتها هنا وهي تبتم ابتسامه عريضة:

- يا لهوي يا بابا، أنا مش متخيلة إن في اتنين بيحبوا بعض

بالمنظر ده بعد كل السنين دي، الناس بتتجوز ويقعدوا

سوا سنتين ويكرهوا بعض ويزهقوا وميقوش طايقين

يبصوا في وش بعض، إنتم إزاي حلوين كدا.

- أشرحها لك إزاي دي بس، عارفة يعني إيه تبقي روحك

عايشة في الدنيا بس عشان نصها الثاني عايش، يعني إيه

لو صحيت الصبح لقتها مكشرة اليوم كله يتقفل والدنيا
كلها تكشر في وشي، حتى لو زعلها مش مني، ويعني إيه
لما بتضحك كل مشاكل الدنيا بتهون لمجرد إنها
ضحكت! دي حاجات كدا الجيل المهيب بتاعكم ده
ميفهمهاش.

- ماشي يا بابا إحنا هننزل بقى نتفسح شوية ونسيبك
الولاد ساعتين كدا، يسلك إنت وماما على ما نيجي.

- ماشي خدوا بالكم من بعض.

قام الجد وأحضر الأبياد الخاص به، ثم فتحه وجلس بجوارها...

- تعالي تعالي أما نستعيد الذكريات ونتفرج علي صورنا
القديمة

- إيه داااااااااااا يا ددو عايزة أتفرد معاتم..

- تعال يا زياد إنت ونور اتفرجوا على تيتة وجدو وهما
صغيرين، وتعالي إنتي جمبي يا كتكوتة ددو

- الله يا جدو كان شكلكم حلو أوي..

فقالته الجدة:

- جدكم طول عمره شكله حلو..

واحتضنت يده وأمالت رأسها على كتفه، وأغمضت عينها وهي تستعيد أجمل أيامهما معاً.

فقال له زياد:

- جدو ماما بتقول إن إنت وتيتة عيشتوا قصة حب

حلو.

- قصة حب جميلة، تحب تسمعها؟

- والله نفسي من زمان أنا ونور نقولك كدا بس ماما كانت

دائماً تقول بلاش تتعبوه بالكلام..

- طول ما أنا هتكلم عن جدتكم يبقى مش هتعب ولا

هزهق أبداً، تعالوا أما أحكيلكم..

جلس زياد ونور أمامهما على الأرض، رافعين ناظريهما إلى أعلى،

وهما ينظران لهما بإعجابٍ شديدٍ وهي تحتضن يده وتنام علي

كتفه ...

- بص يا سيدي، أنا كنت طفل عادي خالص، كان شكلي

حلو وجميل ولوني أبيض من دلوقتي كمان، كنت أول

طفل في العيلة، مش مهم أحكي كتير عن أيامي وأنا
صغير؛ لأنها مش هتفرق معاكم في حاجة أوي فقصتي
أنا وتيتة، هبدأ من ساعة ما كبرت وقبل ما أعرف تيتة
بكام شهر، لأن اللي قبل كدا مش هيهمكم أوي برضه،
حياتي مفيهاش حاجة كتير تتحكي يعني ...

- إلحق يا جدو تيتة نامت.

- إيه ده، زيزي إنتي نمتي، طول عمرها بتنام في أي حنة
وفي أي وقت، كالعادة، المهم ...

- طب يا جدو قوم دخلها جوة..

- لا.. سييها نايمة على دراعي هي بتحب تنام كدا، نكمل
ولا هتقاطعوني تاني؟

- لا خلاص كمل..

- طب لحظة، زيزي اصحي عشان نحكي للولاد الحدوتة
بتاعتنا، منا مش هحكيها لوحدي يعني..

بعد محاولات عديدة استيقظت، استيقظت لأنها أرادت أن
تحكي هذه القصة معه لأول مرة، ليست المرة الأولى التي

يحكيها، ولكن هذه المرة أرادت أن تشاركه إياها، خاصة
وأن من سيسمعها أحفادهما وأقرب الناس لقلبيهما.
وجلس الأطفال يستمعوا، وهو يستعيد تلك الأيام ...

الأحاديث فور ريد

استيقظت ذلك اليوم في بيت صديقي مهند، مهند الذي طالما
اعتبرت بيته بيتي والعكس، أهله هم أهلي، وأهلي هم أهله
أيضاً، أيام كثيرة عشناها سوياً، منها الحلو ومنها المر، مشاكل
كثيرة مررنا بها، منها ما استطعنا تجاوزه ومنها ما لم نستطع،
أيام كثيرة، كنت قد بدأت أشق طريقي في مجال الكتابة، لم يكن
لي جمهور عريض في البداية، ولكنني استطعت أن أبنى قاعدة
جيدة نوعاً ما، على الأقل كبداية.

استيقظت في هذا اليوم ولا أفكر سوى في الفتاة التي كنت
أحادثها ليلاً لها صوتٌ رقيق للغاية، أحببت لو سمعته مراراً
وتكراراً دون سأم ...

- مهند بقولك إيه عايز أنزل أسحب فلوس، في فرع قريب
منكم؟

- مش عارف بس أظن آه.

- طيب افكر مكانه عشان محتاج الفلوس ضروري.

- هو بعد المزة اللي كلمتها بليل هتحتاج لحاجة، والعة

معاك يا عم.

- طب نلم روحنا عشان أمك غالبًا سمعانا، ويالا نازل
الفرع قبل الزحمة.

اتجهت أنا وهو إلى فرع شركة المحمول القريب من منزله
لسحب بعض الأموال، كانت الشمس حارقة، وكنت قد نزلت
من منزله بشورت وشبشب شبه مقطوع وقميص ليس به أي
علامات الآدمية، وشعر منكوش، وبعد عشر- دقائق من السير
المتواصل وصلت إلى الفرع ...

و قابلتك إنت لقيتك بتغير كل حياتي ...
معرفة إزاي أنا حبيتك معرفة إزاي يا حياتي ...
و كأن جميع الأسئلة التي ترتبط بالحب خلقت لتكون دون
إجابة، فكيف ولماذا ومتى "سر" لا يعرفه إله هذا الغامض ..
هذا الحب الرقيق حين يأتي كموجة بحر خفيفة تدغدغ أناملك
لتغريك لتحتضنها وتأمين لها، يأتي مفاجئًا كالأم، مسيطرًا
كالمرض، خاطفًا كالموت، غريبًا عنك كغدك الذي لا تعرفه و
لست واثقًا من قدومه ولكنك تنتظره .. ليغير كل حياتك.

كانت حياتي تسير بشكل روتيني جداً فما أفعله اليوم هو نفس ما فعلته البارحة وهو نفسه ما سأفعله غداً دون جديد أو مفيد

....

- مش يالا يا زيزي؟

كان هذا صوت مديرتي في العمل، والتي تقطع دائماً حديثي مع مخيلتي دون شفقة أو رحمة، لأعود ليومي الروتيني الجديد الذي قد بدأ لتوه بهذا الصوت الذي سيغرد الآن قائلاً:

"اخلصي يالا واقفلي الأغاني وقومي اشتغلي" ..

ها قد بدأ يوم روتيني كالمعتاد، أجلس أنا ومديرتي بالعمل لا شيء مختلف "شحن بـ عشة جنية أو تجديد باكة أوسبي مودرن أو دفع فاتشورة" لأحسب بداخلي "USB Modem" لو سمعت اسمها وهو يتقال كده كانت شنقت نفسها قبل ما تتمرط كده، حسبني الله" ..

أو السؤال الذي يجعلني أريد أن أشنق نفسي بسلك كهرباء قبل إصابتي بسكتة قلبية : "هو إنتو سنتشيرال؟!"

عميل تلو الآخر.. لا شيء يتغير سوى عقارب الساعة...
يا شركة حرامية يا نصابين يا زباله..

- إيه ده في إيه؟

- شكله شيفت ما يعلم بيه إلا ربنا

فين مدير الفرع أنا عايز المدير اللي هنا خليه يطلعالي..

- يلا يا رضوى هتوحشيني ده شكله بيتغذي على بني

آدمين..

- رضوى مين!

- إنتي رضوى.. مش إنتي مديرة الفرع قابلي بقي..

- مديرة مين!

فين المدير هنا إنتي؟

- لأ..

- لأ إيه يا رضوى تخليتي عن منصبك في ثواني كده فين ال

Loyalty

- لو عليتي صوتك هخصملك يومين..

- بقيتي مديرة دلوقتي يعني ماشي، اتفضل يا فندم

مشكلة حضرتك إيه؟

- إنتي المدير؟..

- لأ أنا مش المدير بس لو حضرتك عايز المدير ...

- هيبقوا تلت أيام..

- أنا بتسرق دلوقتي وعايز حل..

- طب قولي رقم حضرتك..

- *****٠١

- بس ده شبكة تانية حضرتك..

- يعني مش إنتو الحرامية..

- لأ يا فندم..

- طب أنا آسف..

- لا ولا يهملك، شوفتي في مينيت خلصت معاه..

- قصدك كان هيخلص عليكي..

- بصي هو في الآخر توفيق من عند ربنا بس إنتي

خوفتي..

- لأ طبعاً مخوفتش..

- يا شيخة!..

- أنا قطعت الخلف..

- يلا أهو مفيش حد في الفرع أحمدك يا رب..
لم تنته الجملة لأجد شخصين يقتربان من باب الفرع "يا راحة ما
تمت" ..

- خديهم إنتي يا رضوى، ولو خناقة اخصمي عادي
معنديش مشكلة

- اتفضل يا فندم، محتاجين نعمل إيه؟

- سحب كاش من خطي..

- اسم حضرتك؟

- كريم.

وأثناء ما كانت رضوى منشغلة بال Transaction كانت مخيلتي
تفكر

"ممنمنمنم مش ده كريم هشام؟ شكله هو؟ أسلم ولا أنفض
ممنمنمنمنم"

لا أعرف عنه الكثير، شاعر، أرى اسمه أحياناً في ال Homepage،
إحدى صديقاتي المقربات من أكثر معجباته، تحدثني عنه كثيراً،
ودائماً ما تنتهي كل جملها عنه بكلمة "بتاع بنات" ..

لتقطع رضوى حديثي مع مخيلتي قائلة: اسحبي الفلوس
للعميل ..

لأستغل الفرصة سائلة: اسم حضرتك إيه؟

- كريم.

- كريم إيه حضرتك؟

- كريم هشام.

- أنا عارفك مش إنت اللي بتكتب؟ أنا زيزي سيف

النصر..

- آه إزيك....

ليقطع حديثي هذه المرة صديقه قائلاً: لو سمحتي جديلي
باقة الكنترول..

فورا ريد

- بس ده مش معاد التجديد حضرتك..

ليرد بسخافة: اعتبريه Customer request وأنا ممكن ألغيها
وأجدها عادي على فكرة..

تمالكت نفسي- قائلة: هو لو عشان خاطر كريم ممكن
أعملها لك..

- لأ طبعاً ملييش دعوه بـ كريم أنا customer..

- تمام، اتجددت يا فندم..

فرداً كريم بابتسامة : شكراً..

غادر كريم وصديقه الفرع وبتوبيخ من مديرتي: تحت أي ظرف
مينفعش تكسري الـ rules ولا حتى عشان الأستاذ عمر الشريف
اللي قابل أستاذة فاتن حمامة صدفة.

لم أتحدث كثيراً عن تلك الصدفة سوى للبعض، وكانت كلها
كالتالي:

- يا بنتي أنا جالي النهاردة كريم هشام..

- الشاعر بتاع البنات ؟

- عارفه مين جالي النهاردة ؟

- مين ؟

- كريم هشام..

- الشاعر؟

- آه..

- بتاع البنات ده عارفاه..

لم يكن يفاجئني الرد كثيراً؛ فكثيراً ما كانت تتردد هذا الجملة
على مسامعي من الكثير حتى أصبح اسم كريم هشام = بتاع
بنات.

فقاطعها زياد مازحاً وهو ينظر لجده:

- أيوا بقى يا جدو يا Monster .. أمال ماما بتتخانق
معايا لما أصاحب ليه؟

- يا حبيبي سييني أكمل عشان أنا بـ(انسى) بسرعة..

- خلاص آسف، كملي يا تيتة..

- النهاردة جالي الفرع واحد كده شاعر اسمه كريم
هشام..

- آه.. وبعدين؟

- ولا حاجة يا سيدي كل ما أحكي عنه لواحدة صاحبتى
تقولي ده بتاع بنات..

- برنس يعني..

- برنس! هو ده ردك..

- إنتي إيه اللي مضايقك هو أنا اللي بتاع بنات ولا هو!..

- مش موضوع مين اللي بتاع بنات موضوع إن إنت شايفه برنس..

- آه طبعاً برنس عايش حياته

- طب إيه مش بتعيش حياتك زيه ليه؟

- إنتي يا بنتي نكدية ولا بتحبي النكد؟

- إنت اللي كلامك ينرفز يا يوسف..

- يوووووووووووووه طب اترفزي براحتك وأما تخلصي-

نرفزة ابقني كلميني..

رد فعل يوسف كان طبيعياً جداً، فاعتيادي على هذه الردود كان يجعلني أشك في الأمر إذا كانت ردة فعله مختلفة.

كان يوسف أخاً لإحدى زميلاتي وزميلاً لي في نفس الجامعة، ولكنه كان يكبرني بعامين. بدأ تعارفي بـ(يوسف) في مشاجرة بيني وبين شخص آخر فتدخل هو ليحل الموقف، وحينها عرفت أنه أخو أسماء زميلتي، وكانت أولى جملة لي: "شكلك شلق بس ميبانش عليكي". كان يوسف يتحجج كثيراً لبيادرتي الحديث متسائلاً عن مواعيد محاضراتي ليخبر أخته بها أو عن الدروس التي علينا مراجعتها أو مواعيد الـ quizzes. لم يكن يوسف يمثل

لي أي شيءٍ سوى زميلٍ لعامٍ كاملٍ حتى عرض عليّ صديقه
الارتباط بي فتدخل يوسف "ليفركش الموضوع" وليقنعني أن
صديقه لا يناسبني إطلاقاً. بالفعل كان كذلك ولكنني تعجبت
لاهتمامه فأخبرني حينها أنه يحبني ويريد خطبتي، ولكنه كان
ينتظرنني أن أنهي دراستي حتى يخبرني. فكان يوسف يعلم أنه لا
يشغل تفكيري سوى دراستي. لم تختلف معاملتي ليوسف كثيراً
بعد أن أخبرني أنه يحبني، وعلى العكس اختلفت معاملته هو،
فأصبح يعاملني وكأننا مرتبطان بالفعل. كان ينتظرنني بالقرب
من منزلي ليوصلني إلى الجامعة، ويرسل لي رسائل أثناء
المحاضرات "عارف إنك مركزة بس حبيت أقولك وحشتيني" -
"الدكتور ده عينه زايفة لو كلمك هاجي أتخانق معاه" - "أنا
عارف إن مكنتش في مكان فاضي غير ده بس لو ممكن تبقي
تقعدني جنب بنات بس في المحاضرات". لم أحب يوسف
لشخصه، ولكنني أحببت اهتمامه الزائد عن الحد ربما لعقدة
اهتمام ما أو لأنه لم يكن يمل من هذا الاهتمام، حتى إن كانت
ردة فعلي على هذا الاهتمام "تنفيض" على حسب قوله.

أنهى يوسف دراسته بالجامعة، وقبل دخوله الجيش طلب
مقابلتي وحينها أخبرني أنه يريد أن يتقدم لخطبتي حتى يكون
مطمئناً عليّ وهو غير موجودٍ معي؛ فحسب اعتقاداته أن
"الدبلة" ليس لها أي معنى للفتاة التي ترتديها ولكنها تعني لمن

يحاول الاقتراب منها أنها "محجوزة". لم أكن أحبذ فكرة يوسف في خطبتي قبل دخوله الجيش، لا أعرف لماذا فلم يكن في حياتي أي شخصٍ آخر، ولكن شعرت في هذا القرار بعدم الثقة في أنني سأظل "Single" حتى ينهي يوسف جيشه.

وافقت على خطبتي ليوسف، وبعد دخوله الجيش لم يتبق لي منه سوى "دبلة" لا تعني سوى أنني "محجوزة".

الأنا فور ريد

الأنا فور ريد

خرجت من الفرع، واتجهت مع مهند إلى منزله، وكالعادة لم
أسلم من سخريته ...

- عاملي فيها إنت مشهور والناس عارفاك..
- ما لك ياض.. ما تتظبط كدا..
- والمفروض بقى إني مصاحب واحد مشهور وكدا يعني..
- يبني إنت بتجر شكلي وخلص، أنا فتحت بوقي
دلوقتي، وبعدين ما إنت عارف إن الموقف ده بيتكرر
كثير يعني عادي مش حوار، خalina نروح عشان نشوف
أمك هتفطرنا إيه ولا مش هنفطر في يومك ده.
- من إمتى ياض جيت عندنا وما كلتش إحنا خيرنا
مغرقك..
- طب اتفضل أدامي..
- ماشي يا عم ال famous..
- يلعن أبو رخامتك..

مهند هو الصاحب والاعون والسند في هذه الحياة بالنسبة لي،
لطالما قالت لي أمي "لو طلعت من الدنيا بصاحب واحد صح
تبقى كسبان"، وها أنا قد فزت في تلك الجولة.

كان كل تركيزي في تلك الفترة على كتابي الجديد، الذي لم أكن
أعرف حتى هذا اليوم ماذا سيكون اسمه، كانت هناك صعوبات
كثيرة في نشره، فلم يكن جاهزاً تماماً، كما أن دور النشر - أيضاً لم
تكن توافق بسهولة خاصة أنني جئت متأخراً كالعادة، وبعد
مجهودات واتصالات كثيرة تمكنت من الوصول إلى اتفاق مع
إحدى دور النشر الشبابية.

وأثناء وجودي عند صديقي، اتصلت بي فتاة كنت عرفتتها منذ
فترة، لم تكن علاقتنا تطورت بعد، ولكنني فوجئت بها تتصل بي
لتطمئن علي، تحدثنا قليلاً على وعد أن نكمل حديثنا ليلاً عندما
أعود إلى المنزل.

لم تكن تمثل لي سوى واحدة ممن أعرفهن، وهن كثيرات، كانت
علاقتي كثيرة ومتشعبة، أحياناً كان هذا الأمر يضايقني، وأحياناً
أخرى أكون سعيداً للغاية.

إذا تحدثنا من الناحية النفسية والمنطقية فلا يوجد رجل لا
يسعد من إعجاب الفتيات به وكثرتهن حوله، ولا توجد فتاة
مهما كان مدى التزامها لا تسعد بنظرات الإعجاب بها، طالما أنها

نظرات إعجابٍ فقط وليس نظرات تحرش، وهذه حقائق علمية مثبتة لا ينكرها عاقل، ولكن كما للأمر إيجابياته، له سلبياته أيضًا.

طلبت مني تلك الفتاة (ريهام) أن نتقابل، وبالفعل تقابلنا وقضينا يومًا جميلة سويًا، أكلنا وشربنا ولعبنا ورقصنا في إحدى الملاهي الليلية المعروفة، كان يومًا جميلًا، وكانت ريهام أيضًا جميلة، طلبت مني أن نذهب لقضاء باقي اليوم في منزلها، فهي تعيش وحدها، وافقت وتحركنا.

فقاطعه زياد مرة ثانية قائلاً بحماس:

- أووووووه let's begin، بص بقى يا جدو إحنا ندخل تيتة ونور جوة وتحكي لي الحقة دي براحتنا بقى على رواقه كدا.

فقالت نور:

- ما تتلم يا زياد جرا إيه مش في بنات قاعدين.

فقال الجد وهو يضحك:

- يبني إتلم هو إنت مفيش فدماغك غير الكلام ده، ما لك شبهى وأنا صغير كدا ليه.

فنظرت له زيزي بطرف عينيها، فتراجع عما قاله:
- مش أوي يعني، متبصليش كدا طيب، المهم أكملك

كلامي ...

طوال الطريق كنت أفكر فيما أفعله، هل هو خطأ أم لا، هل يستحق أصلاً ما أبذله من أجله سواء كان وقتاً أم أموالاً أو لا، منذ فترة غير قصيرة وأنا أفعل ما يحلو لي دون أي اعتبارات، الشيء الوحيد الذي كنت متأكداً من صحته في هذه الفترة أنني كنت أصلي بانتظام، مهما كانت أفعالي وأخطائي، كانت الصلاة هي الأمر الوحيد الذي حافظت عليه، لم أكن أريد أن أقطع كل صلة لي مع الله، حتى إن كنت أكثر أهل الأرض معصية.

أمسكت ريهام بيدي واحتضنتني، حتى كاد دركسيون السيارة يفلت من يدي من كثرة النشوة، جمالها، رائحتها الجذابة، كل شيء فيها يغري أي رجلٍ مهما كانت درجة تحكمه في نفسه. وصلنا إلى المنزل، سعدنا سوياً وجلست على كرسي في الصالة، استأذنت أن تبديل ملابسها.

ظللت كما أنا، حتى حدائي لم أخلعه، كنت شاردًا لا أفكر في أي شيء، أفكر فقط أنني أريد أن أرحل من هنا، لا أريد هذا الكثير من الأفكار راودتني في الربع ساعة التي غابت هي فيها.

راودتني جميع الأفكار، بدءاً من علاقة جنسية رائعة مع فتاة
يتمنى الكثيرون لو ينالون منها نظرة، دعنتني إلى منزلها، مروراً
بما سأشعر به بعد ذلك.

كنت قد قرأت في إحدى الدراسات أنه عندما يقيم الرجل علاقة
جنسية، يميل إلى أن يكون عنيفاً مع مَنْ كانت معه لإحساسه
بالذنب بعد ذلك، إلا أنني لم أكن يوماً عنيفاً، ليس هذا من
طبعي إطلاقاً، فأنا شخص يتحرى الهدوء والسلام في كل أمور
حياته، وطالما أستطيع حل أموري دون مشاكل فأنا أسعى لذلك،
ونادراً ما ألجأ للعنف في جميع أموري.

وأثناء شرودي هذا خرجت ريهام وهي ترتدي قميص نوم يشف
أكثر مما يخفي، كنت أرى جسدها كله تقريباً، وقفت أمامي
وهي تبتسم وتنتظر مني أي مبادرة.
وقفت أمامها قائلاً:

- أنا عايز أمشي..
- نعم؟
- عايز أمشي الكلام واضح..
- أمال جيت معايا ليه م الأول وعشمتني..

- مدام جبتييني يبقى هتعرفي تجيبي غيري وأحسن مني،
بس أنا همشي دلوقتي..

- يعني أنا نص الولاد اللي أعرفهم بيجروا ورايا، وأنا
أختارك إنت منهم كلهم وتقولي أمشي إنت هتستعبط..

- لأ مش هتستعبط أنا بتكلم بجد..

- ولا إنت خايف لحد يعرف وشعبيتك تروح..

- إنتي واحدة عارفة كويس إني مبيهمنيش حد ولا بيفرق

معايا حد والناس كلها عارفة عني إني بتاع بنات

ومقضيها وخارب الدنيا كمان..

- أمال خايف من إيه إن شاء الله..

- خايف من ربنا، بجد مش بهزر .. بعد إذنبك.

تركته واقفة في وسط الصلاة وهي في ذهول، خرجت وأغلقت
الباب خلفي، لم أتحرك من مكاني، سمعتها تبكي، كانت تشهق
بمعني أدق، وددت لو دخلت واحتضنتها واعتذرت لها، ولكني
كنت أخشى من ضعفي، أنا إنسان قد أتحمك في نفسي مرة وقد
لا أتحمك مرة، ولم أرد أن أترك باباً لهذا، فقررت أن أرحل.

ركبت سيارتي وتحركت، لم أعرف إلى أين أذهب، قررت أن أعود إلى المنزل، سألتني أمي عندما عدت أين كنت فأخبرتني أنني كنت مع أصدقاء لي، توضأت واصلت العشاء ثم نمت وأنا أدعو الله في سري:

"يا رب بلاش تعاقبني في حد أحبه أوي، مش هستحملها والله ..
يا رب"

بعد أن أكمل الجد تلك القصة، نظرت إليه نور بإعجابٍ شديدٍ، وكأنها كانت تنتظر تلك النهاية، أما زياد فنظر له بإحباطٍ شديدٍ متممًا:

- يا خسارة، دا أنا لو كنت إتفرجت على Movie فيه رقاصة كنت هتبسط أكثر من كدا ..

ما إن أكمل جملته حتى وجد يد نور تضربه على ظهره بقوة، فنظر إليها مبتسمًا ولم يعقب.

الإله فور ريد

مرّ يومان على آخر مكاملة هاتفية بيني وبين يوسف، أعلم جيداً أنه لو مرت عشر سنوات لن يبدأ يوسف في محادثتي، ليس كبرياء ولكن كبر، والفارق بينهما كبير، ففي نظر يوسف من يضعف أولاً يتصل أولاً، وهو لم يعتد أن يكون ضعيفاً وخصوصاً "قدام ست". لو يعلم كم تمنيت أن أخبره أن هذا ليس ضعفاً بل "حب".

كان كبريائي يمنعني كثيراً من محادثته، ولكنني سرعان ما كنت أهدأ وأعاود الاتصال به "عشان المركب تمشي" ..

الإف فور ريد

- إزيك؟

- كويسه، إنت كويس..

- آه، الحمد لله..

-

-

- ساكت ليه؟

- عادي، اتكلمي لو عايزة..

- منا عشان كنت عايزة اتكلمت..

- وإنتي كان ممكن متعوزيش؟

- أفهم من كده إنك مكنتش عايز عشان كده متكلمتش!

- زيزي أرجوكي أسلوب اللف ده مبحبوش إنتي عارفه إني

مكنتش هتصل وأديكي اتصلي خلاص بقى..

لا أحب مجادلة يوسف كثيراً، فحتى إن تجادلنا لساعات لن يقتنع إلا بما كان مقتنعاً به منذ الثانية الأولى "جزرة وقطمها جحش" أسمعها منه كثيراً.

تعبت حقاً.

كان موضوع ريهام هه ثقيلًا، لم أكن قادراً على أن أحمله بداخلي لفترة طويلة، كان يجب أن أتكلم، أن أحكي عما حدث، كنت أريد أن أستمع لصوتٍ آخر ليخبرني أنني تصرف التصرف الصحيح.

عندما حكيت لأحد أصدقائي كان رده متوقعاً للغاية:

- تصدق إنك عيل حمار، حد يبني يجيله فرصة زي دي

ويقول لأ، أنا لو مكانك كان زماني مخلي صوتها واصل

لإسكندرية م اللي هعمله فيها.

وبالتأكيد كان هذا هو آخر نوع من البشر أريد أن أحكي له عما بداخلي، وفي تلك الفترة كانت هناك صديقة قريبة مني للغاية، ولم تكن تصرفاتها معي تدل على أنها مجرد صديقة، ولكنني لم أكن أريد للموضوع أن يتعدى تلك النقطة.

حكيت لها كل ما حدث، لم ترد علي في البداية، وظهر على صوتها الضيق، أدركت فوراً أنها شعرت بالغيرة ...

- كريم ممكن تقفل دلوقتي..

- ليه؟

- لو سمحت اقفل عشان منخسرش بعض..

- يبنتي أنا جيت جنبك؟

- يوووووووووووه ما تعصبنيش بقى، لو سمحت سيبنني

دلوقتي.

لم أكن سعيداً بذلك، فبينما إحساس الحب تجاهي يتنامى بداخلها، كنت أحاول صد جميع محاولاتها، وأحياناً كنت أضطر لأكون صريحاً معها، وبالتالي كان من الممكن أن أجرحها بكلامي دون قصد.

كان كل همي هو وضع اللمسات الأخيرة لكتابي، كانت هي من تساعدني وتجشعني كثيراً، وقفت بجواري حتى أتممت تجميع الكتاب ومراجعتة، كانت تُقسِم لي أنه سينجح وأنه سيغيّر لي شكل حياتي.

كنت أعرف أن ردودي عليها وطريقتي يجرحانها كثيراً، ولكني لم أكن على استعداد أن أخدع أي شخص، أو أدخل في علاقة لا أريدها أو أعرف أنها حتماً ستنتهي أجلاً أم عاجلاً، طلبت منها أن تبتعد عني ولكنها كانت ترفض ...

"أنا حابة أبقى جنبك حتى لو إنت مبتحبنيش، أنا عايزة أفضل قريبة منك لحد ما تحب بجد وتطلب مني أبعد عنك، لحد ما ده يحصل أنا معاك ومش هسيبك لحد ما تبقى أكبر كاتب في الدنيا كلها".

لم أستطع أن أبعد عنها أكثر من ذلك، ولكنني ارتحت عندما اقتنعت أنني أريدها كصديقة لا أكثر، كانت أحياناً تسيطر علي نفسها وأحياناً أخرى لا تستطيع، وفي إحدى المرات تقابلنا كي نتناقش في أمر الكتاب، ما إن رأيتني في الشارع حتى جرت علي واحتضنتني بقوة وسط ذهولي، ثم قبلتني على فمي متبوعة بـ "وحشتني".

ظلت هذه الفتاة في حياتي، وظللت أنا محور اهتمامها حتى قررت الرحيل، قررت ألا تبقي لأكثر من هذا، ومع أول فرصة سفر أتيت لها ودعتني في هدوء ورحلت. حزنت على رحيلها، وتمنيت لها الأفضل دائماً، أن تجد من يحبها حقاً ويقدرها حق قدرها، أما أنا فكنت قد أغلقت بداخلي كل المنافذ إلى قلبي، يكفيني هذا.

انتظر زياد حتى إنتهى، ثم قال:

- معلش يا جدو تعقيب صغير بس..

- تعقيب جبتها منين دي!!

- ركز بس، هو لسة في حريم تاني في القصة عندك ولا إيه ظروفك؟ إنت كنت فاضي يا جدو ولا إيه؟

فقال له هامساً:

- بص هو بيني وبينك فيه، بس يعني مش وقته هبقى أحكيلك عنهم كلهم بعدين لما تيتة تقوم عشان دول عايزين أسبوع عشان أحكيلك عنهم.

- إشطة يا Monster، عارف يا جدو أنا هاخدك مثل أعلى، آه والله..

- سيبي نفسيك بس وأنا هبوظك أكثر ما إنت بايظ..

فقاطعتهما زيزي:

- بتقولوا إيه مش سامعة؟

- لا يا حبيبتى ولا حاجة.. ده عايز فلوس عشان ينزل يلعب البتاع الجديد ده مش فاكر اسمه إيه.. إنتى عارفة عيالك ماسكين إيديهم شوية، إنت تعرف يا زياد إن على أيامنا كان فى بتاع كدا اسمه "بلايستيشن" زي اللي بتلعبوه إنتو دلوقتى، وجدك بقى كان لعيب، وتيتة كانت بطيخة وكنت دايمًا أسيبها تغلبني عشان ما تفضلش زعلانة، وأحيانًا كنت بسيبها تغلبني عشان ألقى حد يعشيني مش أكثر.

- زي ما أنا بسيب نور تغلبني ساعات كدا..

فنظرت له نور وهي تضحك قائلة:

- خلاص ياعم متسبنيش أغلبك تاني هتدلني ولا إيه..

فتدخلت زيزي فى الحديث قائلة:

- طيب ممكن تسيبني أنا بقى أكلم شوية إنت هتاكل الكلام كله لوحدك.

- إتفضلي جنابك..

"ماذا يخطر ببالك الآن؟"

سؤال صعب ولكن إجاباته كثيرة على "الفييس بوك"، وللجميع حق الإجابة، يمكن لما يخطر ببالك أن يكون شخص ما، شيء ما، أو ربما شعور ما، ولكن ليس كل ما يخطر ببالك يمكنه أن يكتب، ففي نظري ليست الـ "Status" سوى رسائل نرسلها تارة إلى من يقرأ ويهتم، وتارة إلى من يقرأ ولا يهتم، وتارة أخرى إلى من لن يقرأ ولن يهتم، وبمجرد الضغط على زر "Post" عرف الجميع ما يمكنه أن يكون يخطر ببالك الآن أو أنك أون لاين الآن.

الآن
- إنتي عاملة أوف ليه يا جزمة..

- عشان أمثالك ميدخلوش يشتموني..

- من غير رغي كثير المعرض الأسبوع الجاي وكلنا رايعين وهتيجي معانا..

- مش عارفه هشوف..

- بقولك هتيجي مفيش هشوف دي..

- مش بمزاجي يا خلود ما إنتي عارفه..

لم تكن نبرة صوت يوسف تدل على الموافقة نهائياً، ولكني لم يكن ببالي حينها سوى أنني سأذهب وحسب.

فقاطعتها نور:

- طب إنتي ليه يا تيتة كنتي معاه مع إنه كان باين من

الأول إنه وحش؟!!

- بصي يا نور، مينفعش تبقى أحكامنا ع الناس متسرعة،

مممكن حد يبان في الأول وحش، وهو فعلاً وحش

ويفضل وحش، وممكن حد يبان وحش بس هو جواه

جميل، محتاج بس حد يساعده إنه يطلع الشخص

الجميل اللي جواه، وعلى فكرة في أول معرفتي بجدك

مكتش حلو ولا حاجة، بس أنا اللي صبرني عليه إني كنت

متأكدة إنه مش كدا، ومش وحش، وجواه حاجات

حلوة كتير وكنت مصممة إني أطلعها كلها.

كان معرض الكتاب قد فتح أبوابه، وكان مولودي الأول يشق

طريقه وطريقي معه نحو بداية أردت ألا تنتهي أبداً "سيلنترو

إسكندرية"، أول كتبي، ثلاثة سنوات من الكتابة أراها تتجسد

ولكنها كانت موجودة، وفجأة وجدت البنات يتهافتن على كيس
الحلوى ويتقاسمنه بينهن، فقالت لي:

- إيه ده وأنا مليش..

ففتحت الكيس وأخذت منه علبة شوكولاتة وذهبت إليها:

- إتفضلي دي بتاعتك.

- شكراً..

- إزيك؟

- الحمد لله وإنتي..

- الحمد لله، إيه بتشتري كتب ولا إيه؟

- لا أنا منزل كتاب هنا وبوقعه وكدا..

- آه آه ده أنا كنت عايزة أشتريه هو وكام كتاب تانيين..

- طب تعالي معايا نروح نجيبه..

- لا لا مش لازم أنا هبقى أجيبه..

- لا تعالي بس هنروح سوا مش هتعرفي تروحي لوحداك

هتتوهي..

- بيني متخافش هعرف أروح..

- لا تعالي بس معايا..

لم أعرف سر إصراري على اصطحابها، ربما أردت أن أكون معها وحدنا، ما أنا على يقين منه أني لم أكن حريصاً على بيع نسخة زائدة من كتابي، وبالتالي لا يوجد سبب سواها، هي وحدها.

ذهبنا لنشترى الكتاب، ثم أخذته منها قبل أن تضعه في حقيبتها، فقالت:

- إيه ده بتاخده مني ليه ده كتابي!..

- لحظة يا زيزي لحظة..

- هات كتابي..

- ما قلت لحظة هو أنا هاخده وأجري منا عندي منه

عشرين نسخة في البيت .. اتفضلي كتابك أهو

- شكراً ياعم..

- العفو يا ستي..

- هروح لأصحابي بقي..

- ماشي روعي..

ظلمت أروح وأجبيء في المعرض، أوقّع الكتب وألتقط الصور
وأحدث مع أصدقائي، وبعد فترة قابلتها مرةً أخرى، فقلت لها:

- اشتريتي كل الكتب اللي عايزاها؟

- لا في كتاب لسة مجبتهوش..

- طب هاتي اسمه وهجهولك ومتوقع من صاحبه كمان،

مش إنتي شغالة في نفس الفرع؟

- لأ نقلت الفرع الثاني..

- طيب هعديه عليكى..

- طيب ماشي..

- طيب إيه؟

- إيه إنت؟

- هعديه عليكى بس افرضي ملقتكيش..

- تليفونك بيزمر..

- آه هيفصل شحن..

- طيب خد الشاحن ده إشحن بيه..

- بس مفيش مكان فيه فيشة..

- لأده مش محتاج فيشة..

- يا سلااااااااااا ما شاء الله تكنولوجيا وتطور وكدا، طيب

هاخده وأعديه عليكي كمان شوية.

- ماشي..

- طب هاتي رقمك عشان يعني لو ملقتكيش أو كدا..

- آآه طيب، الرقم أهو..

- حلو أوي..

- سلام..

- سلام..

ففور ريد

افترقنا ولم يتبق بعد هذا اليوم أي شيء منها، ولكن معها كتابي،
ومعي رقمها، الذي لم أتصل به نهائياً، حتى إني لم أكن أتذكر أنه
معي أصلاً، ولم نتحدث بعدها، ولكن بقي شيء منها بداخلي،
شيء رأيت في عينيها، لم أستطع تحديده.

وهنا قام زياد صارخاً وهو يضحك بقوة:

- هو الـ power bank كان اختراع أيامها دا إحنا على

كده متهنين، أما موبايلاتنا بتشحن لوحدها طول ما

حواليها أي كهرباء، بس إنت كنت بتحكها يا جدو زى ما
كنتوا بتقولوا على أيامكوا..

- بحكها، يبني إنت بتكلم جدك مش واحد صاحبك في
الشارع!

- معلش أنا آسف! إنت بس فاجئتني..

- يبني مش كنت شاب ومقضيها وبنات وبتاع، ولا أنا
يعني اتولدت عندي ستين سنة.

- لا بس صايعة الحركة بتاعة هاتي رقمك دي، يا ريتني
كنت بكتب وعندي فائز زيك.

- يبني أنا مكنتش بكتب عشان أشقط.. على فكرة إنت
فاهم الموضوع غلط.

- بس بقى يا جدو وأنا اللي كنت فاكرك، أتاريك، كمل
كمل..

- لا أنا هسيب تيتة تكمل على ما أعمل أنا حاجة
نشر بها..

- زيزي إنتي فين؟

- في المعرض.

- كل ده في المعرض الساعة بقت ٦ هتروحي إمتي؟

- هروح مع صحابي ربع ساعة وماشين..

- زيزي اركبي وروحي..

- حاضر يا يوسف ربع ساعة بس وهنروح كلنا سوا.

- سمعتي بقول إيه روعي حالاً..

- يعني الربع ساعة دي هتفرق معاك منا بروح من شغلي

الساعة ١١، وبعدين هروح معاهم أحسن ما أروح

لوحدي.

- خمس دقائق هكلمك ألاقيكي في التاكسي، سلام..

لم أكن أريد ليوم المعرض أن ينتهي؛ فنادرًا ما أخرج مع أصدقائي وكان هذا اليوم فريدًا من نوعه فقد رأيت أشخاصًا كثيرة لم يسبق لي رؤيتهم، وصادفت كريم هشام للمرة الثانية، ورأيت مجموعة لا بأس بها من المعروفين "فيسبوكيا". اعتذرت

لأصدقائي قائلة: "هيتنكد عليا لو قعدت ثانية واحدة كمان
تتعوض تاني بقى". عدت إلى المنزل مسرعة، فوجدت والدي
غاضباً وبشدة ولا أعرف السبب ...

- كنتي فين يا زيزي؟

- في معرض الكتاب يا بابا منا قايلالك..

- ومقولتيش ليوسف..

- لأ طبعاً قولتله إشمعنا..

- أصله اتصل وسأل عليكي..

- ليه؟

- معرفش، كلميه..

أفعال يوسف الغير مبررة كانت دائماً ما تغضبني!

- روحتي..

- آه، لسه واصله هو إنت كلمت بابا ليه؟

- عشان أعرف وصلتي ولا لسه..

- ومكلمتنيش أنا ليه..

- معرفش.

- يعني إيه معرفش إنت

- بتعمل كده ليه؟ ليه بتبوظ عليا كل يوم حلو؟

- كان حلو عشان مكنش معايا صح!

- هو في حتى وحش معاك أصلاً عشان يبقى في حلو مع غيرك..

- يعني إيه؟

- يعني بطل أسلوبك ده خلي كل حاجة ما بينا تبقى بينا

لوحدينا بلاش تدخل حد.
ده باباكي مش بابايا.

- يا سيدي.. ولا بابايا ولا باباك ولا أي حد.

- إنتي عايزة تتخانقي وخلص..

- أنا تعبت م الخناق أصلاً.

- الخناق ده إنتي السبب فيه طول ما إنتي بتتصرفي على

مزاجك ومبترجعيليش يبقى هرجع للي يعرف يشكك

لحد ما تبقى في بيتي وأشكك أنا.

- تشكمني! هو أنا جايه من كباريه، أنا كنت في المعرض
يا يوسف وقولتك قبل ما أروح.

- وليه أصلاً تطلبني تروحي مكان مش هكون معاك في فيه؟

- طب وإنت وافقت إني أروح ليه؟

- عشان أشوف هتروحي ولا لأ..

- إيه الجو ده؟ أنا مبحبش الطريقة دي..

- ليه في طريقة حد تاني حبيتها عشان كده مش حابة

طريقتي!..

- إنت إزاي تقول كده؟

- لو هتعيطني اقفلي وخلصي عياط وابقى كلميني أنا مش

ناقص نكد..

أصبح وجود يوسف في حياتي كوجود الرادار على الطرق
السريعة لا يرصد سوى الأخطاء فقط حتى وإن كانت غير
مقصودة. أصبحت أشعر وكأن دبلته ليست سوى "كلبش"
يربطنا معاً، وكل منا ينظر في الناحية الأخرى. شعوري أنني ما
زلت صغيرة ولي حق العيش مثل جميع الفتيات في عمري

"أخرج وأتفسح وأتنطط"، وشعور يوسف أن هذا لا يعني سوى
عدم الاهتمام به.. أنى أستطع أن أشعر بالسعادة في حين أنه
"محبوس".

- ها خلصتي عياط؟

- أنا آسفة!..

- يا سلام..

- بقولك آسفة.. خلاص بقى أنا كنت مخنوقة وبقالي فترة

كبيرة مخرجتش ولا شوفت أي حد، وبعدين أهو يوم

وعدى.. وحلني بقى على ما يتكرر..

- وإنتي ناوية تكرريره؟

- آه طبعاً، بس وإنت معايا حلو كده؟

- آه حلو..

- مفيش وحشتيني..

- مش أما أحس إني واحشك الأول..

- أكيد يعني أنا بقالي قد إيه مشوفتكش.

لم أكن فعلاً أشعر بالاشتياق ليوسف. فقد اعتدت ألا أراه وألا نتكلم سوى مرات قليلة جداً أحاديثنا بها مكررة ولا تختلف أو تطول إلا حينما نتشاجر.

عند تلك النقطة كان الجد قد عاد وهو يحمل صينية بها أربعة أكواب من الشاي باللبن:

- اتفضلوا، الشاي باللبن ده مشروبي المفضل أنا وتيته،

نكمل بقي...

الإفخوري ريد

- كنت فين النهاردة يبني؟

- كنت في المعرض بوقع الكتاب وكدا..

- والعة يا معلم توقيعات وصور ومعجبات ومقضيها..

- عارف ياض قابلت مين النهاردة؟

- مين؟

- فاكر البنت اللي قابلناها وأنا بسحب فلوس من الفرع

اللي جنبك؟

- أنهي دي كان في إثنين؟

- عارف اللي إنت قلت عليها رجمة مبتحبهاش؟
- اوعا تقول هي..
- لا بقى اللي كانت جنبها..
- اللي رخمت عليا دي..
- لأ معلش إنت اللي رخمت مش هي .. ودي مش قضيتي دلوقتي..
- طب وبعدين حصل حاجة يعني؟
- لأ عادي كلام عادي مفيش حاجة مهمة..
- يا عم فكك أهى واحدة زي اللي بتعرفهم كل يوم هتفرق إيه يعني، يومين وتعرف واحدة غيرها ومن كل بستان شجرة يا عم الدنجوان..
- يمكن.
- يمكن إيه..
- يعني يمكن يكون كلامك صح ويمكن لأ، بس هي عجباني..
- ما إنت بتعجبك بنات كتير..

- لأهي دي بالذات عجباني في حاجة غريبة مش عارفلها
سبب!

- فكك م الهري ده هنلعب بلايستيشن النهاردة؟

- وش يا معلم..

- ع المشاريب؟

- ع المشاريب.

أعتقد أن الخطأ في هذا الأمر بسببي، الجميع يتعامل مع علاقتي
العاطفية باستهتار شديد، ربما لأنني أنا من أتعامل معها باستهتار
أولاً فانتقل هذا الإحساس لكل من حولي.

لم يكن هذا بخاطري أبداً، ولكن قد تتعرض لمواقف لا يمكنك أن
تخرج منها بسهولة، مثل أن تحب أحد ثم يموت أمام عينيك
مثلاً، حادثة كتلك لا يمكن أن تمر عليك مرور الكرام، ستظل أمام
عينيك لسنواتٍ طويلة، وكما قلت لأحد أصدقائي ..

"كثر الفراق ببعودك ع الوجد لحد أما متبقاش حاسس أصلاً،
وترتبط وتسبب وإنت مش حاسس إن في حد دخل أو خرج من
حياتك، ومبيبقاش في حد فارق معاك، وقلبك بيموت تدريجياً،

لحد ما يموت خالص، وساعتها كل الناس بالنسبة لك بيقوا
عبارة عن صور متحركة لا أكثر ولا أقل".

سمعت أمي تتحدث مع شخصٍ ما على الهاتف قبل ذلك، وهي
تقول له:

"أنا ابني مبيد خلش علاقة وهو مش جد، بس هو مبيعرفش
يختار، بيختار بسرعة، والسرعة دي بتخليه يفر كس على
طول، معرفش هو مستعجل على إيه"

لست عجولاً، ولكني اعتدت أن يكون هناك دوماً من هو مهتم
بي، قد يكون هذا مرضاً نفسياً، أو قد يكون له تفسيرٌ في علم
النفوس، لا أدري، ولكني أعترف بعيوبي ومميزاتي، وأعرف ما الذي
أريده والذي لا أريده، أعرف جيداً أنني شخص يحب الاهتمام،
أحب أن أكون أنا المركز والأساس.

روتينية كل شيء حتى وجود يوسف أو "وجود عدم وجوده" أصبحت تجعلني أبحث عن أي شيء آخر يشغلني ويملاً فراغي، حتى إنني أحياناً كنت أتخيل وجود أشخاص آخرين أتحدث معهم. أو أتحدث مع صديقاتي على الهاتف لساعات وأخترع مواقف خيالية أيضاً بيني وبين يوسف لأقصّها عليهم، فأنا أمام الجميع أعيش قصة حب وهمية كما هي في الواقع "وهمية". لا أعرف لماذا كنت أرفض أن أقص حتى على أقرب صديقاتي أو أيا من أقاربي حقيقة ما بيني وبين يوسف. حتى يوسف لم يكن يعلم أنني أقصّ عليهم ما لا يفعله وما كنت دائماً أريده أن يفعل. فعندما أتشاجر معه ويدافع عن نفسه قائلاً: "أنا معملتش حاجة" - كنت أتمنى أن أردّ عليه قائلة: "ده اللي إنت عملته إنك فعلاً معملتش حاجة أنا يمكن ساعات بغلط بس إنت مبتطبطبش إنت بتعاقب وبس وأنا باجي بالطبوبة، الطبوبة بس".

كانت القراءة من أهم وأكثر المسليات في حياتي، فلم أجد غيرها يستطيع أن يأخذني من روتينية أيامي التي لا تنتهي. وأثناء اختياري لكتاب أقرأه مرّ عليّ اسم (كريم) بعد أن رأيته في المعرض للصدفة الثانية على التوالي، يوم قررت أن أقرأ كتابه بعد

فترة لا بأس بها من يوم المعرض، فوجدت في أول صفحاته
توقيعه:

" فرصة نضيفة آخر حاجة ..

كريم هشام ..

" ٢٣-١-٢٠١٤ "

ابتسمت حين رأيت توقيع كريم الذي شاهدته للمرة الأولى
حينها، ولكن ما كان يتردد في عقلي هي كلمة واحدة فقط:

"بتاع بنات"

ترددت هذه الجملة كثيراً يوم المعرض، فقد سمعتها من كل من
رآني مع كريم حين اصطحبتني لشراء كتابه في نصيحة منهم
بالابتعاد عن الذئب البشري ومحطم قلوب العذارى كريم
هشام.

لم أهتم كثيراً بما قيل لي؛ فـ " أنا مخطوبة وهو مجرد كاتب
واشترت كتابه عادي لا أكثر ولا أقل".

بعد معرض الكتاب مرت أيام كثيرة، مشاكل تنتهي وتبدأ غيرها،
وبطبيعتي أنا شخص سريع الغضب، سريع الإحباط، لصبري
حدود ضيقة للغاية، وملول جداً، كلها أشياء لم أستطع معالجتها
بسهولة.

عرفتُ الكثير من الفتيات، علاقات تبدأ ثم تنتهي دون أي مشاعر، اعتدت ألا اتعلق كثيرا بالأشخاص بعد أن مررت بأحداث غير سعيدة، اعتدت ألا أغضب عندما تتركني إحداهن، ودائمًا كان الرد حاضرًا ...

"برحتك عايزة تمشي امشي محدش بيمسك في حد عشان يقعد معاه" .. ودائمًا ما كانت "تمشي"، ودائمًا ما كنت أذهب للعب البلايستيشن في نفس اليوم.

كنت قد وصلت لمرحلة نفسية سيئة للغاية من اللامبالاة، اللارغبة، اللاحب، اللاشعور، اللاكل شيء جميل في النفس البشرية، كانت حياتي تتلخص في نقطتين: علاقات عابرة والعمل، حتى العمل لم أكن أهتم به كثيرًا، لدرجة أنني شتمت مديري في إحدى لحظات غضبي، وكاد هذا يتسبب في رفدي ...

- إنت يعني مش فارق معاك حاجة..

- آه مش فارق اعمل اللي تعمله..

دائمًا ما كانت معاركي مع مديري تنتهي بتلك الجملة، ويعلم الله كم كنت صادقًا حينها، وكم كنت غير عابئ بشيء، ماذا سيحدث أكثر مما هو مكتوب لي من قبل أن أولد، لا شيء.

لم تكن لدي يوماً رغبة في الانتحار أو حتى الإقدام عليه، لم أكن أحب تلك الفكرة، لحياتي موعد ستنتهي فيه، وحتى هذا الموعد سأعيش، لا أعرف نوع الحياة التي سأعيشها تحديداً، ولكني سأحاول على الأقل، سأحاول أن أكون سعيداً، سأحاول أن أعتاد على ما يكدرني، وسأحاول أن أتعامل معه بشكل مختلف، أحتاج لتغيير نظام حياتي، أحتاج لتغيير خطتي وأولوياتي، والأهم أحتاج لتغيير طريقتي في الحياة، وخاصة مع الجنس اللطيف بأكمله .. وقد فعلت.

إتخذت الكثير من القرارات بخصوص هذا الموضوع، وكان القرار الأساسي هو "هتلم وهبطل عط" .. كنت قد وصلت لمرحلة متقدمة من كره الذات، لم تكن لدي القدرة على احترام نفسي- حينها، كان أصدقائي يرون أن ما أشعر به زائد عن الحد وغير مبرر، ولكن بالنسبة لي كان الأمر مختلفاً، وكان ردي عليهم واحداً لا يتغير ...

"طول ما إنت وسخ ربنا مش هيرزقك بواحدة نضيفة، فأنا عايز أنضف عشان ربنا ميعاقبنيش في واحدة أحبها أوي وبعدين تختفي وملقهاش".

بعد فترة غير قليلة، استطعت أن أعالج نفسي- بنفسي- ازداد تحكمي بنفسي كثيراً، حاربت كثيراً كي أحيي قلبي من جديد،

وأختها، هل هي "هبلية" مثلاً، أو قد تكون مريضة فلا يجب أن أسخر منها، خفت أن أهاتفها عندما انتهيت من عملي، ولكن لا بأس لن أخسر شيئاً، هي زميلة دراسة قديمة لا شيء أكثر من هذا.

ضحك زياد بقوة، وهو يقول:

- إيه يا جدو البت العبيطة دي..

- بت، يبني دي زمانها عندها أحفاد زيك كدا إتلم شوية

واحترم اللي أكبر منك، الواد ده طالع كدا ملين..

لتقاطعه زيزي، وهي تبتسم:

- بدمتك مش عارف طالع ملين، العرق دساس يا عم

الحبيب، وإن انت الله ينور لسانك كان بينقط سكر،

مكنتش بتطلع منك العيبة.

- تريقة دي صح؟

- بصراحة آه..

- طيب.

"أخيراً بقي دنا نفسي أقول لنفسي كفارة"

كانت هذه ردة فعلي بعد أن وافق يوسف أن أخرج مع صديقتي المقربة التي لم أرها منذ خمسة أشهر بعد محاولات عدة وقسم أنني لن أتأخر. ندى هي أكثر أصدقائي قرباً مني وأكثرهم أيضاً ابتعاداً، تعرفت عليها في البداية كمجرد زميلة عمل حتى أصبحت "My Soul Mate" كما أناديتها. فهي بالفعل توأم روحي، تشابه ردود أفعالنا وطريقتنا في الكلام حتى أحلامنا يجعل البعض أحياناً يظن أن هذا نتيجة لصداقة عمرها أعوام كثيرة. ربما لهذا سبب أننا مواليد نفس البرج، و "عقريية" الطباع تطغى على أفعالنا فننتصرف كما لو كنا شخصاً واحداً، لم أكن أوّمن بهذه الخرافات حتى قابلت ندى وحينها أدركت أن للأبراج أو ربما للعقرب تحديداً ظروف أخرى. تزوجت هي قبل خمسة أشهر ومن وقتها لم أرها. كانت تعلم أنني غير راضية عن هذه "الجوازة"؛ فأنا ضد الجواز بدون حب وحينما عارضت زواجها ردّت عليّ قائلة: "قولي لنفسك". رغم أنني لم أكن أحكي لندی كثيراً عما يدور بيني وبين يوسف إلا أنها كانت تعلم كل شيء دون أن أتفوه بكلمة واحدة، يكفيها أن تنظر إليّ وترجم كل شيء كما أفعل معها تماماً.

- وحشتيني.

تاني قالي لو كويس اتجوزيه متخيلة الوجة؟ متخيلة قد
إيه؟.. أهو كل الوجة ده ولا حاجة جمب إني نمت على
سرير واحد مع حد مبحهوش، ولا حاجة جمب إنك
متقدريش تديله أقل حقوقه عليكي أو تديهاله وإنتي
مغصوبة، ولا حاجة جمب إنك كل يوم بتقومي وتنامي
وتعملي نفس الحاجات اللي أي واحدة بتعملها لجوزها
بس عشان مش بتحببه بتعملها وإنتي حاسة إنك
خدامة، والفرق اللي بينك وبينها إنه بينام معاكي آخر
اليوم وبردو عشان مش بتحببه بتفضلي قرفانة من
نفسك وبتفكري في الانتحار ١٠٠ مرة بس بيصعب
عليكي نفسك مش عايزة تموتها كافرة وهي أصلاً
ملحقتش تعيش، زي ما إنتي مش بتحكي أنا مش بحكي،
مش بحكي إن أشرف عشان يعرف ينام معايا "اغتصبني"
..عارفه يعني إيه جوزي اغتصبني.. تفتكري ده لو كان
أحمد كان هيبقي ده حالي معاه، عارفه إن أشرف
ملهوش ذنب بس أنا مش عايشة يا زيزى أنا بقيت زي
اللي لابس بدلة حمرا ومستني معاد إعدامه عشان

يرتاح، أنا هفضل مع أشرف وهكبر وهخلف وولادي
هيكبروا زي ما كل الناس بتعمل بس عمري هيضيع وأنا
مش مبسوطة ومش هعرف أبقى مبسوطة، لو
مبتحبيش يوسف سيبه والحقى نفسك بدل ما تندمي
ألف مرة أما تشوفي عمرك بيضيع و...

- كفاية يا ندى!

- مش كفاية لحد ما تفوقى..

- فايقة يا ندى، أنا هقوم أمشي عشان اتأخرت.

وقع كلام ندى عليّ كالرمال التي تُرمى علي المحكوم عليهم
بالموت وهم أحياء. تذكرت كل ما بيني وبين يوسف من يوم
عرفته. لم يكن يتردد في مخيلتي سوى آخر جملة قالتها لي ندى
قبل أن أغادر:

" إوعي تعيشي يوم وإحساسك ميت بكل حاجة حواليني،
هتتعودي، هتبقى عايشة لأنك بتتنفسي وبس! إوعي "

وعلى عكس ما أرادت مني ندى أن أفعل، فقد قررت أن أعطي
ليوسف ولنفسي فرصة أخرى لإحياء ما مات بيننا من مشاعر،
قررت أن أحبه.

لم أفكر كثيراً، أمسكت بهاتفى وكتبت رقم يوسف، وقبل أن أتصل به ضغطت على Edit وغيرت اسمه إلى "حبيبي" ثم اتصلت به:

- ألو

- وحشتني..

- ألو

- وحشتني..

- ألووووووووووو

- مش سامع ولا إيه الشبكة عندك وحشة؟

- لأ سامع إنتي بتكلمي مين؟

- بكلمك إنت وبقولك وحشتني..

- هي دي ليا؟

- آه..

- طيب! إيه متصلة ليه؟

كاد رد يوسف أن يقتل كل ما أردت أن أحييه حتى قبل أولى محاولاتي

- آه إن كان عاجبك.

فنظرت لهما نور وهي تضحك بخبث قائلة:

- والله العظيم إنتو so cute إنتو الاتنين، أنا بس لو ألقى واحد يحبني زيك كدا يا جدو هتشعبط في رقبتة.

فنظر لها زياد بطرف عينيه هامسًا:

- وحياة أمك لما نقوم من هنا.

كان الصمت هو سيد الموقف بعد الجملة الأخيرة، حتى قطعتة نور، وهي تقول:

- بس أنا متأكدة يا تيتة إن مفيش حاجة من دي كانت

بجد، لا هو وحشك بجد ولا بتحبيه بجد، إنتي كنتي

بتحاولي تعملي اللي عليكي للآخر عشان محدش يرجع

يلومك بعد كدا.

أتصلت بهريم كما طلبت مني، صادف أنها كانت قريبة مني فطلبت مني أن أذهب لأجلس معها هي وبعض أصدقائها ثم ستتركهم لنجلس وحدنا، لم أمانع واتجهت للزمالك، دخلت الكافية وبحثت عنها بعيني حتى وجدتها ...

- كرييسيسيسيم إزيك منور..

- إنتي لسة بتضحكي من ساعة ما سبتيني الصبح، لأ كدا

كثير..

- ما تخفش أنا مش هبلة، يا عم أنا واحدة بتحب تضحك

وتهزر كثير، هنكد على نفسي ليه، أنا أحب أخلص شغلي

وأخرج وأتفسح وأقابل أصحابي وأتنطط وممكن أرقص

وأضحك كثير أوي، بدمتك في حاجة تستاهل؟

- الصراحة لأ..

- يبقى فك كدا، تعال أعرفك على أصحابي..

عرفتني على أصدقائها، كانوا أربعة أولاد وست بنات هي واحدة

منهن، كنت جائعاً فطلبت طعام لي، لم أستطع أن أنخرط

وسطهم كثيراً، لم أحبهم، هم لا يشبهونني، لا في طريقة الكلام

ولا التصرفات، رغم أن المعروف عني أنني أستطيع التعامل مع جميع الشخصيات من أول الوزير حتى الغفير، ولكني لا أحب التعامل مع من لا يشبهني خاصة وإن كانت المسافة بيننا بعيدة للغاية، ربما تكون من عيوبي أن ما بداخلي يظهر على وجهي، لا أستطيع أن أخبئ مشاعري، وقد تكون من مميزاتي، لا أدري تحديداً.

كانوا يتحدثون عن أمورٍ كثيرة، كلها لا تهمني تقريباً ...

"شوفتي آخر صورة لعمر و دياب واو تحفة"

"أنا رايحة حفلة حماقي حد هيحي معايا"

"بقولكو يا بنات إيه رأيكو نروح ديسكو نرقص ونتبسط

بس أنا مش هشرب عشان مامي منعاني م الشرب"

كلها جمل من هذه النوعية، وعند نقطة معينة لم أحتمل كثيراً،

فناديت على مريم:

- مريم بقولك إيه هو أصحابك كلهم كدا؟

- يعني إيه؟

- يعني هي دي أقصى طموحاتهم في الحياة؟

- يا سيدي كل واحد ودماغه..

- على رأيك بس كدا الجو ده مش أنا خالص..

- يعني إيه؟

- يعني مش واكل معايا؟

- واكل؟

- يعني مش هارش خالص الليلة دي، العيال دي سيس

جدا، بصي أنا مبحبش أحكم على حد ومقتنع إن كل

واحد برحته، بس أنا مش هعرف أتعامل معاهام يعني،

معرفش أنا أقعد مع ناس كل مشاكلهم في الحياة عمرو

دياب وحماتي، بصي خرينا نقوم من هنا.

وأثناء حديثي معها قاطعنا أحد أصدقائها موجهًا حديثه إلى:

- ما لك يا هندسة كدا مش داخل في القاعدة ليه؟

- لا والله مفيش، سايبكم برحتكم بس.

- يا راجل دوس معانا كدا وفكها، بتشتغل إيه؟

- بشتغل مترجم.

- يا راجل حد يشتغل مترجم ما جوجل ترانسليت موجود

يعني بتنجز شغلك عليه بسرعة هاهاهاها..

- بكتب شعر وقصص..

- آه كلام فاضي يعني..

- آه بظبط أنا بكتب كلام فاضي، زي دماغك بالظبط.

قام في محاولة للإمساك بي، ولكني طرحته أرضاً بحركة سريعة:

- بص يا روح أمك، تنطيط عليا مبحبش، وواحد دماغه

وسخة زي دماغك ما أحبش إني أتكلم معاه، ولو فكرت

تمد إيدك عليا تاني لو حصل واتقابلنا صدقني

هقطعها لك فاهم ولا تحب أخلي عمرو دياب يجي

يعملك زيارة في المستشفى؟

تركته ورحلت من المكان مسرعاً، لحقت بي مريم في محاولة

لتهدئتي، تركتها ومشيت، ولكنها لحقت بي مرةً أخرى وركبت

بجواربي في السيارة.

سرت بالسيارة بسرعة حتى وصلت إلى إحدى المناطق على

كورنيش النيل، نزلنا من السيارة فوقفت بجواربي:

- ما لك يبني في إيه؟

- مفيش حاجة.

- شخصيتك مكنتش كدا زمان.

- هو يعني في حد بيفضل على حاله يا مريم؟

- طب صلّ على النبي كدا.. تعال نقعد ونضرب كوزين
درة أكننا اتنين حبيبة.. تعال وفك كدا، هو عيل تافه أنا
عارفة بس هم دول أصحابي هعمل إيه، معرفتش حد
غيرهم.

- أحسنك تبقي من غير صحاب لو دول صحابك.

تحدثنا يومها كثيراً، **حكى** كلُّ منا للآخر ما حدث في السنوات
الأخيرة، أخبرتني **عن** دراستها في الجامعة الألمانية، كانت سنوات
الدراسة عادية للغاية، **مرت** فيها بتجربة عاطفية واحدة انتهت
بأن حاول هذا الشخص التعدي عليها **مما سبب** لها أزمة نفسية
كبيرة، وكانت تتعالج لدى طبيب نفسي لمدة عامين حتى شُفيت
مما كانت فيه، منذ هذا الحين قررت أن تكون سعيدة، أن
تسعد في كل لحظات حياتها، أن تعيش تلك الأوقات حتى
النهاية.. أما أخوها فهو ناشط ثوري، قُبض عليه عدة مرات،
وتعرف الأجهزة الأمنية طريقهم إلى بيتها ليعتقلوا أخاها من
حينٍ لآخر حسبما تقتضي الظروف، أما أبوها فهو رجل أعمال
مشهور، ولكنه لا يعتني بهم ولا يعطيهم إلا القليل من المال

منذ أن انفصل عن أمها، ولذلك اضطرت للعمل حتى تساعد والدتها في مصاريف البيت.

شعرت أنني تسرعت في الحكم عليها، اعتذرت لها عن وجهة نظري التي بنيتها بناء على أول مقابلة بيننا، وتقبلت اعتذاري، حكيت لها أيضاً عما فعلته بي السنوات الماضية وعن عملي وأهلي، وانتهى اليوم نهاية رومانسية للغاية.

مرت أيام عديدة ونحن نرى بعضنا يومياً، كنا نقترّب كل يوم أكثر من ذي قبل، حتى جاء يوم واعترفت لي أنها تحبني، لم أقاوم كثيراً؛ فهي جميلة وراقية ومثقفة ومرحة وبها الكثير من الصفات التي يستعصي على أي رجل أن يرفضها، كانت هناك بؤادر علاقة عاطفية في الأفق، ولكنني كنت أريد أن أكون حذراً؛ حتى لا أكرر أخطاء الماضي.

لم يظهر لي أي بؤادر سيئة، إلا أنني لاحظت أنها تطلعية بعض الشيء، وهذا ما أكدته لي أمي عندما رتبت مقابلة بينها وبين أمي ليتعرفا على بعضهما البعض، فقالت أمي ليه:
"البنت دي مش هتنفعك، اسمع مني".

تعاركت مع أمي ظناً مني أنها تفتري عليها.

لطالما مرت مواقف كثيرة بيني وبين أمي في هذا السياق، تخبرني بشيء ما وأعاندها ثم أكتشف أنها على حق في النهاية، وهذه

المرة عاندتها أكثر من أي مرة سابقة، لم أجد ما يعيب الفتاة
حقاً، كانت تفعل لي كل شيء، ولكنني كنت حذراً، لا أعرف لماذا
ولكنني لم أكن أنوي أن أتورط عاطفياً حتى أكون على يقين مما
أنا مُقدمٌ عليه.

الإله فور ريد

لظاما كنت أوّمن أن اليقين لا يوجد سوى اليقين بالله وأن الموت قادم لا محالة، أما اليقين بأي شيء آخر فهو أمر خاطئ، كلها احتمالات لا أكثر ولا أقل، لا يمكن لأي شخص أن يضمن أي شيء، سواء استمرارية علاقة ما أو استمرارية عمل معين، قد ينتهي كل شيء في لحظة، وأتذكر أنني عندما أظهرت خوفي من تلك العلاقة وتوابعها وأنا لا أضمن استمراريّتها لأحد أصدقائي، قال لي:

"إنت مش مغسل وضامن جنة، مفيش حد ضامن حاجة، اتنين بيعشقوا بعض سنين ويكافحوا ويتجوزوا ويتطلقوا بعد ست شهور، واتنين يتجوزوا جواز صالونات ويحبوا بعض ويكملوا حياتهم لحد ما يموتوا سوا وهم بيحبوا بعض، لا ده كان عارف إنه هيطلق ولا ده عارف إنه هيكمل، شوف إحساسك بيقولك إيه ودوس معاه".

كان إحساسي متبلداً، لم يكن يخبرني بأي شيء على الإطلاق، وهذه علامة غير مبشرة إطلاقاً.

"طول عمري ماشي ورا إحساسي، وطول عمره بيحبني ورا، ممكن أجرب أمشي عكسه يمكن يجي معايا صح المرة دي".

وفي إحدى المرات كنت أتحدث مع مريم عن أمور متعددة
وشعرت أنها ليست كعادتها:

- ما لك؟

- مفيش.

- يعني إيه مفيش؟

- مفيش حاجة يبني كويسة؟

- بس دي مش عوايدك.

- معلش تعبانة شوية.

- مريم عايز أسألك سؤال.

- خير؟

- إنتي بتحبيني بجد؟

- ممكن تسييني أفكر؟

"وسيببتها تفكر يا جدو دنا لو منك كنت سمعتها العيب"

ردت الجدة، وهي تضحك قائلة:

- لو هنا كانت متوحمة على جدك فيك مكنتش هتبقى
زيه كده حتى لسانه الفالت يا ربي.

فابتسم الجد:

- بس عمره ما قدر يفلت عليكى حتى بعد ٤٦ سنة.

نظرت لهم نور في رومانسية شديدة:
كده مش هتلاحقوا تكملوا لك ٤٧ يا جدو أنا ماسكة نفسي
عشان محسدكوش بالعافية.. دنا من ساعة ما اتولدت مشوفتش
بابا بيقول ماما يا حبيبتى غير وهو عايز منها حاجة.

ثم تابعت:

- وعرفتى تتغيرى عشان يوسف يا تيتة ولا معرفتيش؟

قررت وفعلت ما قررته، فمن يومها لم تتغير معاملتي مع
يوسف حتى إن كانت ردود فعله مخيبة لكل آمالي، ولكني
كنت أخبر نفسي أن عمره بأكمله يستحق أن أضحى من أجله
ولو بشهور قليلة.

بدأت أن أخبر يوسف بما يضايقني منه بكل صراحة، ورغم
تنكره كثيراً من عيوبه إلا وأنا كنت أشعر أن هذا الكبرياء

يساعدني، فهو يجعله يشعر بالخجل من أن يكررها ثانية حتى لا أواجهه بعيبه مرة أخرى وينكشف أمره، فكما كانت جدتي تقول: "قول للحرامي إنك عارفه وعمره ما هيسرق وإننت شايفه" ونجحت حكمتها.

لم يكن يوسف فارس أحلامي فهو ليس بحالم أو رومانسي. أو حتى طموح فكان روتيني، ثابت وأفعاله متوقعة لسنوات قادمة، ولكنني كنت أحاول جاهده أن أغير نفسي. وتطلعاتي لأجله، وهذا أسهل بكثير فلم أطمح قط في تغييره هو؛ فإذا قررت السماء أن تنزل لتجلس على الأرض لكي تستريح لن يقرر يوسف أن يغير أي شيء فيه، فهو مقتنع تماماً أنه "برنس" فارس أحلام الكثيرات، فهو "جاهز من مجاميعه مش تاعبك في حاجة شقتي موجودة وشغلي عند أبويا موجود لخمسين سنة قدام يعني متطمنة وإنتي معايا" كان مفهوم الاطمئنان عند يوسف لا يخرج أبداً خارج دائرة "الفلوس"، ولم يخرج عندي أنا أبداً من دائرة "الحب"، فالحب لا يُقدر بثمن وفي نظر يوسف يمكن لكل شيء أن يُشترى بالمال حتى الحب. ربما سبب هذا ثراء أبيه الذي لم يحرمه من شيء قط، فجعل كل شيء عنده سهل أو بالأحرى بلا قيمة ف "اللي بيروح قرشك بيجيلك ١٠٠ غيره" كانت تلك حكمته المفضلة.

كثرة المحاولات الغير مجددة في تغيير وضع العلاقة بيني وبين يوسف جعلت بداخلي يقين أن الوضع سيبقى كما هو عليه، وعلى المتضرر الدعاء إلى الله "يا يريحه يا ياخده والتانية أريح". ورغم يقيني هذا إلا أني تابعت محاولات...

- ألو

- أيوه يا حبيبي..

- إنتي فين؟

- في البيت.

- بتعملي إيه؟

- بفكر فيك..

- طيب، عايزه حاجة مني؟

- عايزه ربنا يخليك ليا..

- ماشي، في حاجة تاني

- عايز تقفل؟

- لأ عادي لو عايزه تتكلمي اتكلمي..

- أتكلم إزاي وإننت مش مديني فرصة أتكلم؟

- ليه قافل بوقك؟
- لأ يا يوسف قافلني كلي أنا بقالي فترة بحاول أتغير معاك للأحسن وأعمل كل حاجة عشان أرضيك ولا بخرج ولا بكلم حد ولا بعمل أي حاجة تضايقك...
- وإنتي المفروض إنك تضايقيني يعني!
- لأ بس المفروض إنك تحس بياني بحاول وتقدر ده..
- أقولك برافو يعني!

برافو!

- أمال أقولك إيه؟ أقولك بطلي أفورة اللي إنتي بتعمليه ده طبيعي، وإن في ناس بتعمل أكثر من كده من غير ما تحسس اللي قدامها إنها بتعمله جميلة. إيه المعجزة البشرية اللي بتعملها أما بتقوليلي بحبك ولا بتسمعي كلامي ولا بتهتمي بيا منا أمي بتعمل كده لأبويا بقالها ٢٨ سنة أهو مبشوفهاش بتعمل اللي إنتي بتعمليه ده.

الإف فور ريد

صدمتي في ردة فعل يوسف هذه جعلتني أتمنى لو
أني أستطع أن أغلق الهاتف في وجهه.. إلى الأبد، لا
أدري لماذا لم أفعل وتابعت حديثي معه:

- طب أنا بقولك بحبك وبسمع كلامك وبهتم بيك.. إنت

بقي بتعمل إيه؟

- أنا راجل..

- يعني إيه؟

- يعني الراجل بيشتغل وبيجيب فلوس عشان يكفي

بيته، وطول ما هو مكفي اللي معاه يبقى ملهاش عنده

حاجة تاني، والحاجات التافهة اللي إنتي بتقولي عليها

دي يقعد مع مراته بعد الغدا يتفرجوا عليها في فيلم

قديم ولا في مسلسل تركي وبعدها تقوم تعمله العشا

ويدخلوا يناموا.

- حاجات تافهة! وإيه بقي الحاجات المهمة بالنسبة لك

الفلوس والأكل والنوم؟

- ده لحد الجواز بعد الجواز بقي هيبقوا فلوس ونوم

وأكل؟

أغلق يوسف الهاتف في وجهي. لم أندم فقد عنيت الكلمة بكل ما تحمله من معنى.

كانت نور مذهلة تمامًا:

- إيه يا تيتة ده، ده كان قليل الأدب أوي..

- ما هو جدك كان قليل الأدب برضه، بس قلة أدب عن قلة أدب تفرق.

- يا سلاام..

- مش قصدي، بس ممكن حد يقول جملة زي دي هزار وإنتي بتحببيه فبتعديها وإنتي عارفة إنه عمره ما هيعمل كدا، وممكن حد يقولها بهزار زي يوسف، بس إنتي عارفة ومتأكدة إنه جدّ ولو وصل الموضوع لكدا هيتصرف كدا فعلاً، بصي الموضوع كله عبارة عن شوية ثقة، لو موجودين كل حاجة هتبقني كويسة، لو مش موجودين مهما حصل مفيش حاجة هتمشي كويسة.

- والله يا تيتة كلامك حلو، هينفعني يعني بعدين.

نظرت الجدة إلى زياد السارح في ملكوته وهو يعبث بهاتفه
المحمول، ثم نظرت إلى نور نظرة فهمت معناها، فنظرت إلى
الأرض خجلاً، وفجأة ضربت نور زياد على كتفه ...

- بتهيب إيه مش تركز معانا..

- جرا إيه إنتي كل شوية تضربيني، أنا ساكتك عشان
إنتي بنت.

- يا عم اقعد، وسيب الزفت ده وركز معانا هنا.

فأمسك الجد بكوبه، وشرب منه كمية قليلة وهو يستعيد
ذكريات ماتت، ولكن ذكرها وآثارها لا تزال بداخله، علامات
تركها الزمن ولم تمنح ...

حسنت قصة مريم بداخلي، لم أكن في انتظار ردا منها، فأيا كان
ردها كنت متأكداً أنه سيكون مخيباً لآمالي، غير مقنع، وغير
حقيقي، ستحاول أن تبرر أو تأجل ردها عليّ، فلو كان ما
بداخلها حقيقياً وصادقاً لكانت ردّت عليّ وقتها، لا يوجد شيء
اسمه "سيبني أفكر" عندما يتعلق الأمر بالحب، فهو حب أو لا
حب، فقط، لا يوجد حل وسط في هذه النقطة تحديداً.

الحب الحقيقي لا يسبقه تفكير أبدًا، لا يسبقه تأني أو انتظار، لأنه عندما يأتي فهو يصيبك مرة واحدة دون أن تشعر أو تدري أو تعرف من أين أتاك، هو يصيبك فقط، فجأة يصعقك فتتأثر به ويمكث بداخلك في انتظار أن ينمو، أو تتركه يذبل.

غابت عني لمدة يومين لم أعرف عنها شيئًا في انتظار أي مكاملة منها، أو أي تعليق حتى، ولكن هذا لم يحدث، فقررت أن أنهي الأمر على طريقتي الخاصة.

اتصلت بها فردت علي:

- أيوا يا مريم..

- إزيك يا كريم، كنت لسة هكلمك.

- لا والله طب كويس، خير كنتي عايزاني في إيه؟

- يعني كنت عايزة أقولك بس ممكن تديني يومين كمان أفكر؟

- لا والله فعلاً، يومين تفكري، هو الموضوع صعب أوي للدرجة دي؟

- أنا محتاجة وقت.

- أمال بحبك اللي اتقالت منك ستين مرة في أسبوع دي كانت إيه؟

- ما هي كانت بجد بس أنا حاسة إني ...
- أنا كمان والله كنت حاسس إن في حاجة غلط، في حاجة جوايا مكنتش مستريحة خالص، وأنا هريحك، فكري، فكري برحتك جدا وخدي وقتك.
- ياااااااااه ريحتني..
- وأول ما توصلني لقرار يا ريت متكلمنيش لأن ساعتها ميهمنيش أعرفه، عايزة حاجة؟ سلام..

كانت هذه هي نهاية القصة التي لم تدم طويلاً، كنت سعيداً، هذه هي المرة الأولى التي تنتهي فيها علاقة ما ولا أحزن أو أشعر بذنب، كنت على يقين أن لهذه القصة نهاية قريبة أو هكذا تمنيت، لم يخالفني شعوري هذه المرة، وبالطبع تذكرت تعليق أمي، ضحكت، وارتحت ورميت الأمر كله خلف ظهري ومضيت، وتذكرت جملة قيلت لي من قبل ...

"خد اللي تعينك على الدنيا، مش اللي تبقى هي والدنيا عليك، وخذ اللي تحبك لنفسك مش لحاجة تانية، وخذ اللي شايفاك أول حاجة في حياتها مش تاني حاجة، غير كدا ما تفكرش تتجوز أبداً".

مرت ثلاثة أسابيع على انفصالي عن مريم، لم تكن القصة مؤثرة، لم أكن قد تعلقت بها أو تمكّن حبها من قلبي، ولذلك كان نسيانها سهلاً، وما جعل الأمر أكثر سهولة هو أنني تيقنت أنها لم تكن تحبني، فكما عرفت بعد ذلك بطريقتي الخاصة أنها قالت لإحدى صديقاتها ذات مرة:

- بينتي أنا بس كنت حابة أرتبط بواحد معروف وليه

جمهور ويعني أعيش الجو ده شوية، ولما سألني

بتحبيني معرفتش أكذب بصراحة وهو هرش الموضوع

وخدها من قاصرهما ومشني.

فتاة مثلها لم يكن هناك أي داعي كي أحزن عليها ساعة واحدة،

حمدت الله على أن الموضوع لم يأخذ أكثر من وقته.

وبعدها بفترة، وفي يوم لا أتذكره طلبتني أمي كي أذهب إليها

وآتي بها من العمل إلى البيت، وعندما ذهبت وتأخرت هي في

النزول تذكرت أنني أريد سحب أموال من الفرع القريب،

فاتجهت إليه وليس في مخيلتي سوى الأموال التي سأحصل

عليها، ولكن عندما دخلت، وجدتها تجلس أمامي، زيزي،

ابتسمت، فابتسمتُ، تحركتُ ناحيتها، فعدلت من وضعية جلوسها لتراني جيداً.

- إزيك.

- إزيك إنت عامل إيه منورنا..

- المكان منور باللي شغالين فيه، كنت جاي عايز أسحب فلوس..

- طيب إديني رقمك...

لحظات مرت وهي تعمل أمامي وأنا أشاهدها، عينيها، ابتسامتها التي أحببتها منذ رأيتها في المرة الأولى. أنهيت ما أريد وخرجت.

مررت عليها مرات عديدة بحجج مختلفة...

"إزيك، عايز أشحن بعشرة"

- "إيه الأخبار، بقولك إيه ما تشوفيلي كدا الباقه هتتجدد

إمتي"

- طب ما تشوفها من علي موبايلك.

- لأ أصلي مش بعرف.

- يا راجل ..

- آه والله ..

"سلامو عليكمو، بقولك إيه والنبي عايز أشحن بتلاتة جنيهه"
حجج كثير لم تكن تنتهي، وفي كل مرة كانت تقابلني بتلك
الابتسامة التي أحببتها وتعلقت بها، كنت على يقين أنها لم تكن
تبتسم لأحد من العملاء مثلي، بالطبع لم أكن أراها بعد أو قبل
ذلك ولكن كان هذا هو يقيني.

"دو دو دو هي تيتة تانت بتضححت إزاي حلوة وهي تنانها
وقعانين تده"

ضحك الجد بشدة وهو ينظر إليها قائلاً: تيتة كانت حلوة
وهتفضل طول عمرها حلوة حتى لو من غير سنان خالص.

قبلته الجدة في جبينه قائلة: ده عشان جدكم نظره راح بس
وبقى بيشوف بعيون قلبه إنما لو لبس النضارة...

فقاطعها قائلاً: هشوفك أحلى عشان هشوف في ملامحك أجمل
سنين عمري اللي قضيتها معاكي.

شهر من الانقطاع التام بيني وبين يوسف لا يحدثني إطلاقاً ولا يرد علي مكالماتي، ولكن طلب من والدي أن أرسل له رسائل إذا خرجت لعملي وعندما أعود ويتأكد هو بطرقه الخاصة وكالعادة ممنوع منعاً باتاً -الخروج دون إذنه وأثناء وجودي في العمل اتصل بي يوسف:

"ولاد الكلب قفلولي خطي مش عارف أستقبل وبكلمهم مبيردوش اتفضلي شوفي"
هشوفهولك يا يوسف حاضر.

وأثناء ما كان يوسف معي على الخط جاء كريم إلى الفرع وسلم علي كعادته أخبرني أنه يريد أكواد تجديد باقة الإنترنت الخاصة به فأعطيتها له ثم رحل.

- مين اللي كان بيسلم عليكي ده؟
- ده كريم هشام.
- كريم هشام مين؟
- حكيتك عنه قبل كده الشاعر اللي جالي الشغل القديم.

- بتاع البنات مممممممممممم وده جايلك ليه؟

- ما إنت سامع بيجدد باقة النت

- وحياة أمك إنتي هتستعبطي؟

- في إيه يا يوسف؟

- إنتي فاكراني طرطور قومي وروحي ع البيت

- ليه؟

- مفيش شغل ليكي تاني..

- في إيه يا يوسف محصلش حاجة لده كله إنت بتعمل

- كده ليه؟

- لو مقومتيش وروحتي حالاً يا زيزي مش هيحصلك

كويس افتكري الكلمة دي.

قالها وأغلق الهاتف في وجهي كما يفعل دائماً لا أعرف ماذا كان يدور برأسه حينها، ولكن مهما حدث بيننا لم يكن يستدعي كل هذا...

فلم تكن زيارات كريم المكررة والمفاجئة والمليئة بالحجج بالنسبة لي سوى صدف ربما مقصودة أو لا، فهو لا يعرف

مواعيد عملي بهذه الدقة حتى يأتيني فيها، إذاً هي بالتأكيد مجرد صدف لا أكثر بلا أي نوايا أخرى سواء إعجاب أو "شقط". و"محصيلش كويس" تماماً مثلما قال يوسف فلم أعد إلى المنزل كما أمرني بل أكملت يومي عادي ثم عدت، فوجدته أمامي. شعور الخوف الذي إنتابني حينها كان بإمكانه إيقاف دقات قلبي المتسارعة إلى الأبد، كما تمنيت وقتها. ماذا عساه أن يفعل؟ ماذا قال لهم؟ بماذا أخبرهم؟ كثيراً من التساؤلات التي لا تنتهي ولم يوقفها سوى صوت أبي وهو يقول "مسمعتيش كلام خطيبك ليه؟".

وقبل أن أجيبه قاطعني يوسف قائلاً: "قبل ما تردي علي سؤال باباكي قوليلي كنتي فين الأول؟ وصلك؟"

أي عدم احترام ووقاحة تلك؟ كيف لك أن تتهمني بشيء كهذا وأمام والدي؟ وكيف لوالدي أن يسمح؟ أعلم أنه هو السبب فقد كان خطؤه، فلدى والدي عقدة يرجع سببها إلى "حماه" الذي تسبب في انفصاله عن والدي بسبب تدخله المستمر في حياتهم، فقرر أنه سيعوض "جوز بنته" ولن يتدخل في حياته قط حتى إن كان مخطئاً ف"الراجل مهما غلط الست بتسكت

وبتستحمل عشان المركب تمشي " كانت هذه نصيحتة لي ولكني لم أقتنع بها قط "لو كان كده ليه ماما مشيت ومستحملتش عشان المركب تمشي! ليه سابتنا وسابت كل حاجة ونزلت راحت مركب تانية! ليه أنا كمان منزلش من المركب اللي كلها هم وأركب مركب تانية تفرحني وتسعدني مع راجل يحبني؟ ليه لازم أفضل في المركب بعد ما عرفت إنها هتغرق؟ ليه لازم أغرق معاها؟" لا إجابة.

لم أتحمل سؤال يوسف فوجدت نفسي أبكي وأجيبه وأنا أنظر لوالدي:

"مين ده اللي وصلني إنت بتقول إيه؟ إزاي تقول كده؟"

- شغل العياط ده مش هيخيل عليا لما قولت روحي مروحتيش ليه؟

- أنا مغلطتش عشان أروح.

- أنا أما أقول حاجة تتسمع.

- مش هسمعها طول ما هي مش من حقاك زي ما مش من حقاك تزعقلي وأبويا قاعد ولا تظلمني ولا تظن فيا ظن وحش...

- حقي ونص طول ما إنتي فاكراني طرطور وبتقرطسيني..
- ولما إنت شايف إني مخلياك طرطور مكمل معايا ليه؟
- أقولك أنا لأنك عارف إني صح وجواك عارف إنك غلط
- بس رافض تعترف بده، أنا زهقت من عيشتي ومن
- حياتي ومن كل حاجة، أنا حاولت أغيرك وأغير نفسي-
- عشان أحس بأقل حقوقي أنا عليك، وهي إني أحس إني
- بني آدمه من حقها تعيش وتتبسط بس دي مش
- عيشة، أنا حتى النفس اللي بتنفسه بقى بيخنقني أنا
- مبقيتش قادرة وتعبت سييني يا يوسف سييني أنا
- تعبت... **المفهوم ريد**
- أسيبك عشان تدوري على حل شعرك..
- لأ تسييني؛ لأنك لو قبلت تفضل معايا بعد ظنك فيا
- تبقي مش راجل..
- لم يرد يوسف عليّ فقط "ضربني بالقلم" وخرج.

مرت عليّ أيام كثيرة متشابهة، كانت كل نشاطاتي مقتصرة على حضور الندوات والأمسيات الشعرية والحفلات والكتابة وبعض الجلسات التي يحضر فيها معالج نفسي أو خبير ما لمناقشة موضوع معين.

واظبت في الآونة الأخيرة على حضور الجلسات التي كانوا يتحدثون فيها عن المشاكل الاجتماعية والنفسية التي يعاني منها المجتمع. وكانوا عادة ما يناقشون أحد الأمراض المزمنة، والتي ستظل مزمنة طالما أن حواء وآدم على هذه الأرض، مرض أسبابه غير معروفة ومن قال أن أسبابه معروفة فهو حتماً يكذب، هو المرض الوحيد الذي لا تعرف كيف أصابك ومتى ولماذا، وعواقبه أيضاً مجهولة تماماً، مجهولة أكثر مما كانت الأمريكتان مجهولتين للرحالة الإيطالي الشهير كريستوفر كولمبوس، حتى أن دواءه غير معروف حتى الآن، على الرغم من التقدم العلمي والنفسي- في جميع المجالات وعلى كافة المستويات، إلا أن دواءه لا زال يحير الجميع، كباراً وصغاراً، إناثاً ورجالاً، هو المرض الذي يجعلك تنام كثيراً، وأحياناً لا تنام أصلاً، تفكر أكثر من أي وقت مضى، يجعلك تضحك وتبكي في نفس اللحظة، يباغتك حينما لا تكون في انتظاره، ولا يأتيك عندما تنتظره ولا تجده عندما تبحث عنه،

هو دائماً بالقرب منك ولكنه لا يأتيك عندما تريد أنت ذلك، بل عندما يريد هو أن يصيبك في مقتل، إنه مرض يُسمى "الحب".

كانت المناقشة هذه المرة عن التمسك والحب الحقيقي والزائف، وكالعادة كانت الآراء تختلف من شخص لآخر ومن تجربة لأخرى، وكالعادة أيضاً كان المحاضر يعطي مساحة لكل شخص كي يعبر عن رأيه في الموضوع، ثم يعقب هو في النهاية. كان التعليق الأول من نصيب شاب لا يتعدى عمره ٢٥ عاماً، فقال:

"حب حقيقي إيه يا جماعة، مفيش الكلام ده، دلوقتي كله بيشتغل كله، وكل واحد بيضحك على واحد ويوهمها بالجواز وبتاع ويقضيها شوية وبعدين يفك منها، هو الشباب لاقى يصرف على نفسه لما هيفكر يتجوز، يا جماعة اعقلوا الكلام يعني، وبعدين تمسك إيه، البنت من دول تبقى عايزة واحد جاهز ومتريش وتمام التمام، إنما تقعد بقى تكافح وطوبة فضة وطوبة ذهب، لأ مبقاش في الكلام ده ولو قلنا في يبقى بنشتغل نفسنا".

فقاطعه رجلٌ آخر في الأربعينيات من عمره:

"بص يا بني هقولك علي حاجة، أنا مجتش هنا عشان أنا عندي مشكلة عاطفية، أنا مراتي ماتت بقالها سبع سنين، ويادوب لسة

خارج من حالة الاكتئاب اللي كنت فيها من شهرين ثلاثة
وبحاول أعمل أي حاجة تلهيني شوية، مراتي كانت بتزعل عشان
أنا بزعل وبتفرح عشان أنا بفرح، بتضحك عشان شايفة وشي
بيضحك، وبتعيط لما بتلاقيني مكتئب ومهموم، معايا فلوس كنا
بنعيش، معييش فلوس كنا برضه بنعيش، كان شايلاني أكثر ما
أبويا وأمي شالوني، عارف جماهير الزمالك لما بتقول (معاها لآخر
الكون .. العمر عشانه يهون) أهو مراتي كانت عاملة زي
جماهير الزمالك وأنا كنت الزمالك، فمتحكمش على كل الناس
من تجربتك إنت".

فقال المحاضر:

"تاني يا جماعة هكرر، مينفعش نعلم ونحكم على كل التجارب
من خلال تجربتنا بس، الحب الحقيقي اللي بنتكلم عنه هو إنك
بتوهب روحك وقلبك وعقلك وحياتك للشخص اللي إختارته ده،
يبقى هو كل حاجة وأول حاجة وأي حاجة تانية بتيجي بعده،
هو زي ما الأستاذ قال، بتفرح وتزعل عشان البني آدم اللي
معاك، بتفضله على نفسك فكل حاجة، قلبك طول ما هو عايش
بيقوله "بحبك"، ما بيفكرش فيها، هي بتتحول من كلمة بتتقال
باللسان لدقات قلب ما بتقفش، وممكن تسمعوا أغنية محمد
فؤاد (الحب الحقيقي) هتنفعكم في الحالة دي".

ضحك الجميع تعليقًا على الجملة الأخيرة ورحلوا على وعد بقاء
آخر، وكالعادة لم أعقب، لم أكن أحضر تلك الجلسات لأتحدث
ولكن لأستمع فقط، تذكرت حينها تلك الكلمة اللعينة التي لم
أنساها يومًا.

"إنتي بتحبيني بجد؟

ممکن تسييني أفكر؟"

وبتلقائية شديدة وجدت نفسي أقول بصوت واضح:

- أما إنتي طلعتي واطية صحيح!..

فانتبه الجميع لما قلت، وساد الصمت في القاعة لشوان
معدودات، وفجأة غرق كل من حولي في نوبة ضحك
هيسيرية، لم أعرف لماذا ضحكوا ربما على رد فعلي، ولكنني
كنت سعيدًا، فضحكهم كان نابعًا من قلوبهم الحزينة
والمكسورة، كان ضحكهم "بجد" وليس ضحكًا "أصفر ملوش
معنى".

رحل يوسف دون مجادلة منه ودون ندم مني...

"اللي بيحب بجد بيقاوح عشان اللي بيحبه بيحاول لآخر نفس
فيه مبيمشيش حتى لو اتقاله امشي، مبيستسلمش مهما كانت

الظروف كلها ضده، مبيقساش مهما اللي قدامه غلط... وأنت حتى مقاوحتش عشان تحاول إنك تفضل... جوايا أو معايا...".

الكثير من المشاكل التي لا تنتهي سواء في العمل أو في المنزل منذ أن تركت يوسف، "إنتي افتريتني وربنا هيوريكي" كررها أبي كثيراً... لم أكن أرد كنت أكتفي بأن أنظر إلى السماء وأدعو الله "يا رب والباقي وحدك تعرفه"... أيامي كلها سواء، أذهب إلى العمل ثم أعود للبيت لا أفعل أي شيء، وأحياناً كنت لا أذهب إلى عملي لفتراتٍ طويلة متحججة بالمرض، لا أفكر في أي شيءٍ آخر ولا أكلف نفسي حتى عناء التفكير، وصلت إلى مرحلة لا بأس بها من "تكبير الدماغ" في كل شيء لا أفعل سوى ما أريد وليذهب الناس والمجتمع إلى الجحيم أو بمعنى أدق:

"عبوهم كلهم، اللي هيتحاسب مكاني يبقى يحاسبني".

أصبح أكثر ما يشغل بالي في هذه الأيام مشاهدة عقارب الساعة وهي تزيد أيامي يوماً تلو الآخر، كان الموت هو الشيء الوحيد الذي أنتظره، حاولت الانتحار مرة وبعد أن فشلت لم أكررها، ليس يأساً ولكن يقيناً أن "الجنة عند ربنا أحلى وأنا مش هموت كافرة عشان أدخلها وفي نفس الوقت مفيش حاجة أعيش عشانها فهعيش ليه، خليني مستنيه"، مُستسلمة على غير عادتي أصبحت لا أقوى على أي شيءٍ حتى التنفس فكان أكسجيني

عدوًا لي يطيل عمراً أريده أن ينتهي، كانت كل الظروف تقف ضدي وتعاندي بشدة، حتى أقرب الأقربين لم يكن هناك من يساندني، ربما رغماً عنهم، ربما لانشغالهم هم أيضاً بما هم على يقين أنه أهم من تفاهاتي أو أهم مني أنا شخصياً، ربما لأسباب كثير، ولكن النتيجة واحدة، أني كنت وحدي.

ابتعدت عن كل من أعرفهم، لم يقتنع أي ممن حولي بسبب ابتعادي وعزلتي ولكني لم أهتم، فلكل داء دواء، ودوائي هو الابتعاد عن الجميع كما اعتدت دائماً، فالشعور بالرغبة في الانعزال لا يقتصر على شعورك بالوحدة؛ لأنه ليس هناك أحد حولك بل يكون أقوى حينما يكون الجميع حولك ولا أحد يهتم، هذا هو ما لا أطيعه.

أصبحت باردة بعض الشيء، توقفت شعوري بالأشياء من حولي، لم أعد أستمع لنصائح أي شخص حتى صديقتي المقربة كانت تخبرني كثيراً أنها تشعر باليأس حين نتحدث..

- إنتي بقيتي كده ليه؟

- مش عايزة حد يزعل عليا لما أموت.

- بطلي هروب، لسة في ناس كويسين، وأكد هتلاقي اللي

فيهم اللي يرتبط بيكي ويحبك.

- مممممم وبعدين يحبسني تحت اسم إنه راجل.. كل حاجة بإذن حتى النفس اللي بتنفسه.. كل حاجة لأ وميصحش ومينفعش.. كل حاجة جوا الدايرة بتاعته ولو خرجت براها أبقى فجرت.. مجرد جارية هتشتغل وتنصف وتمسح وتربي وتكبر وتقيد صوابها العشرة شموع لحد ما تتحرق وتموت وقصاد ده كله ولا حاجة! عشان ست! وعشان أم المركب تمشي! وعشان تعيش! لو هي دي العيشة يبقى الموت أريح بكتير!...

- مش عارفة أقولك إيه!..

- متقوليش، ادعيلي..

- هدعيلك، ربنا ...

- ياخدني، مش عايزة غير الدعوة دي.

"تيتة ممكن سؤال" ..

اتفضلي يا نور ..

- إنتي ليه مخدتيش اللي عمله يوسف على إنه غيرة
وخدتيه على إنه إهانة، أصل أنا بصراحة شايفة إن
الغيرة شعور طبيعي طول ما الواحد بيحب.

ردّ زياد على نور، وهو بيتسم:

- لأ إزاي يا نور مش الغيرة دي خنقة وتحكم زيادة عن
اللزوم ..

فقلت الجدة:

- أديكو رديتوا على بعض أهو، الغيرة يا نور أما بتبقى من
حد بتحبيه بتبقى فعلاً حب وبتقبلها وبتبقى على
قلبك زي العسل مهما كانت زيادة عن اللزوم زي غيرة
جدك اللي كانت سبب أغلب مشاكلنا سوا، إنما أما
بتبقى من حد مش بتحبيه وعارفة وواثقة إن حبه ليكي
مجرد حب امتلاك مبتشوفيهاش غير خنقة وبس.

فترة من اللاشيء مرت في حياتي، فترة باهتة ليس فيها أي جديد يُذكر أو قديم يُعاد.

لم أنس زيزي، لم أنس ابتسامتها أبدًا، وكنت على يقين أن زيارتي لها ستتكرر، وستكون مختلفة عن سابقاتها.

وعندما ذهبت إليها ذات مرة دون أي ترتيبٍ كاملعتاد، قالت لي إن ما أريده سيأخذ بعد الوقت، فما كان مني إلا أن قلت لها:

- مش مستعجل خدي وقتك..

- بس تعرف كان في جمل في الكتاب بتاعك حسيتها مش

واقعية أو مش حقيقية ممكن تكون من تأليفك، خيال

يعني، بس مفيش منها..

- زي إيه؟

- مش فاكرة بس عدت عليا حاجات كدا..

- أكيد في حاجات خيالية بس في حاجات كتير واقعية، إيه

رأيك تبقي تبعتيهالي..

- كدا هتخليني أقرأ الكتاب تاني بس ماشي، وهبعتك

كمان الحاجات اللي عجبتي..

- هستناكي..

أردتها ان تبدأ بمحادثتي أكثر مما أردت معرفة رأيها في الكتاب،
لم أعتد أن أبدأ أنا بحديث مع البنات، ليس لأنني "مغرور" كما
يُشاع، ولكن حتى لا يقال "حكاك" .. وبالتالي فالوصف الأول
أفضل كثيراً من الوصف الثاني.

مر وقتٌ طويلٌ ولم ترسل لي أي شيء!..

لم أتصل .. ولم أرسل لها..

انشغلت بأشياء كثيرة ومشاكل أخرى أكثر، حتى إنني نسيت الأمر
كله.

نظر إليه زياد وهو يعبث بكوبه قائلاً:

- أيوا بقى، اديني في الساسبنس، أظن كدا بقى كل واحد
فيكو خلص من علاقاته القذرة القديمة وهندخل في
الحلو..

- قذرة يا ابن الكلب يا حيوان، ما تحسن ملافظك ياض
إنت..

فنظرت الجدة إليه قائلة:

- يعني هو هيجيبه من برة..

فردَّ عليها الجد غاضباً:

- يا تقولي كلمة عدلة يا تخشي تنامي.

- زعق فيا كمان زعق..

- والنبي ما أقدر يا حلو إنت..

فقاطعهما زياد، وهو ينظر إلى نور قائلاً:

- قومي يا نور طيب إحنا ننزل نجيب أي حاجة ونبعثلهم

اتنين مانجا، إنتو هتعاكسوا بعض أدامنا، عيب اختشوا،

مش كنتم بتقولوا إختشوا برضه؟

رغم الشعور بـ "الحرية" بعد تحرري من قيود يوسف، إلا أن كل شيء بات عندي بلا معنى أو روح لم أعد أثق في أحد، تناقض شديد بداخلي أضحك كثيراً ولا أعرف أي معنى للسعادة، أنتظر الموت ولكني أفعل كل ما يجعلني متشبثة بالحياة، أتساءل بيني وبين نفسي كثيراً "لماذا ما زلت على قيد الحياة؟" وفي داخلي يقين شديد أن هناك مفاجأة قدرية ما ستحدث لي لهذا ما زلت حيّة، ورغم انتظاري لتلك المفاجأة القدرية إلا أن جميع المحاولات للاقتراب مني كانت تنتهي قبل حتى أن تبدأ بجمل مثل "إنتي منظر بس ضحك وتهريج بس جواكي فاضي زيك زي البلياتشو نتفرج عليه وبس" - "اللي بيقرّب منك عايز

يكمل حياته معاكي وإنتي أصلاً رافضه يبقالك حياة" - "خلي
عندك ثقة أو عالقل جربي" ...

"أجرب! أتكلبش تاني! ليه محدش فاهم! التجارب دي للي فيه
حيل يجرب إنما أنا مفيش فيا حيل غير إني أجرب إني أستحمل
أعيش لحد ما أموت وبس".

حتى "فارس أحلامي المنتظر" لم يعد لي سوى خرافة ابتدعتها
مخيلتي لتخفف عني لا أكثر، ففي الواقع هذا الفارس ليس
سوى "خُدعة" توقع الحاملات في فخاخ من لا يستحق.

وفي يوم وأثناء بحثي عن كتاب أنشغل به، فكرت أن أقرأ كتاب
"light من غير رغي"، وجدت كتاب كريم أمامي فتذكرت ما
كنت قد وعدته به وهو أن أرسل له ما أعجبني بكتابه وما كنت
قد وصفته بأنه كان خيالي بعض الشيء، فالبطل في أكثر روايات
كريم يمكنه أن يكون فارساً من "فرسان الأحلام" لا رجلاً من
"رجال الواقع" .. و أثناء تصفحي لكتاب كريم للمرة الثانية بناءً
علي رغبته أو لرغبة قدرية ما، وجدت في إحدى قصصه جملة
أثارت تعجبي وإعجابي كثيراً :

نفسي تقعد تحكي لي حدوتة كل يوم .. مش بتعرف ؟ ..
هاعلمالك .. دي سهلة جداً .. طيب افتح كتاب ألف ليلة و
ليلة و اقرالي منه .. أصلي مش بعرف أعيش في الواقع .. مش

بتاعي .. مبهوء عليا .. مش شبيهي .. بحس بغربتي فيه .. عارف
إنت الحاجات دي عبيطة جداً جداً .. ومش بتكلف .. بس بجد
بحبها أنا جداً .. مجرد التفكير فيها بينعنشني .. بيخليني أبتسم.
"سيلنترو إسكندرية"

فوجدت نفسي ألتقط صورة لهذا الجزء من الكتاب، وأرسلها في
رسالة لكريم مع جملة "عجبتني عشان بسيطة" لم يكن يدور
في مخيلتي بعد أن قرأت تلك الجملة سوى "قد ايه الحاجات
اللي بتفرح بسيطة، بس مبقاش في حد بيعملها، برغم بساطتها
بقت مجرد خيال نشوفها في فيلم أو نقراها في قصة ونبتسم
وعينا بتدمع ونتحسر على اللي احنا فيه... وكسة!!" ...
وبعد أن زاد تركيز الأطفال في انتظار ما ستحكيه الجدة رنَّ
جرس الباب "إستنى إنت يا جدو هقوم أفتح" ..
ده الدليفري يا تيته..

- طب حاسبه يا مؤيد وإديله ١٠٠ جنيه لنفسه مع الحساب، يلا قوموا ناكل وأما نرجع نكمل..
- ياااااااه ١٠٠ جنيه تبس فاكرة يا زيزي..
- بس متفكرنيش، دنا مكونتش بشوف الـ ١٠٠ جنيه دي غير في العيدية، وأما كبرنا شوية كانت قيمتها قلت بس

شوية وست معدية بعيل صغير..

- أعمل إيه أعمل إيبيبيبيبه هدوس الواد الصغير، الواد هيموت وإنت هتتجسس، أدوسه ولا أعمل إيه..

- هو إنتي ليه معندكيش أوبشن غير إنك تدوسي اللي أدامك ما تلفي الدرکسيون كدا بعيد عنه وخلص وبعدين قلتك للمرة الألف إنتي ماشية على ٢٠ وساعات بتجيبني ٣٠ يعني لو في سلحفاة جنبنا هتسبقنا.. بصي عالأبو اليوم اللي قلتي عايزة تسوقي فيه انزلي يالا عشان ما نخسرش بعض. واللطيف كمان إنها لما كانت بتيجي تفرمل ما بتفرملش براحة، هي بتدوس الفرامل مرة واحدة وتلبسنا إحنا في إزاز العربية.

ضحك الأطفال بشدة ثم قال مؤيد: كنتي إستني وكنت هعلمك أما أكبر يا تيتة.. فقال له جده:

- لااااا ما أنت مشوفتش جدتك وهي بتسوق إنت جيت بعد ما بطلت عشان رجليها وجعاها دي ياما خبطتنا في

ناس ودفعتني فلوس فوانيس وإشارات اتكسرت دي
مرة خبطت عسكري مرور وكانت هتتحبس واتصلت
بيا وهي في القسم ولحقتها بعد ما حلفت للراجل إنها
هتبطل سواقة وبردو مبطلتش..

- ده عشان تتخض عليا بس إنما أنا كنت لهلوبة ولا إيه؟
- طب كملي يلا يا تيتة وبعد ما صورتني الكتاب بتاع
جدو..

الإلا فور ريد

والعشق أساساً مكتوبك من ساعة قطم التفاحة
لو أطول الحلم اللي ف بالك كنت أمسك فيه
وأتملي ف تفاصيلك جدا وأحفظهم صم
وأبنيك جوايا مكانك وأملاه حواديت
إزاي أنا أشوفتك متأخر مع إنك أقرب من روعي
الحاجة أصلها لما بتكثر طعمها بيروح
وعيوننا أما بتأخذ على شيء جماله بيهت أدامنا
أنا شوفت بنات غيرك ياما والقلب اتقطع ميت حته
إزاي تيجي إنتي وعلى غفلة فحضنك تاخديه
وكأنه عيل مستني وإنتي لحقتيه
بحبك أد ما كل الناس حبوا ع الأرض
بحبك أد ما كل اتنين اشتاقوا لبعض
وكل مشاعري بقت سنة وحبك بقى فرض

كانت هذه هي المرة الأولى التي أرسل فيها لكريم شيء علي الـ Facebook فلم يكن عندي في الـ Friends ولم أدخل علي صفحته الشخصية سوى مراتٍ قليلة لرؤية صورته دون سبب.

لا يجب أن تكون هناك أسباب لكل شيء، فالبحث عن أسباب لكل فعل نقوم به هو أمر سخييف للغاية، فمن الممتع أحياناً أن تتعامل مع الأشياء بمبدأ "الراديو"، الفرق بين الراديو أو الأغاني التي تختارها أنت هو أنك تترك للراديو حرية التصرف فيما ستسمعه، ستسمع ما يُذاع دون أن تشغل نفسك كثيراً باختيار الأغاني، نوع من الراحة والاستجمام، حتى وإن لم تعجبك الأغاني كثيراً، فأنت تستمتع بما لديك الآن.

أرسلت الرسالة لكريم وذهبت لأنام. لا أعرف لماذا استيقظت مرةً أخرى علي غير المعتاد وتلقائياً وجدت نفسي أنظر ما إن كان ردّ أم لا، وعندما فتحت رسائلي... "هل هلالك" كان ردّ كريم يدل علي أنه كان في انتظاري مثلما قال "هستناكي" ..

- في حاجات كثير عجبنتني بس قولت أبدأ معاك الكتاب من أوله.

- وإنتي يعني متجيش تسألني عليا إلا عشان الكتاب بس ؟
- هل لديك أسباب أخرى ؟
- يعني كان ممكن يبقى في أسباب أخرى لو إنتي عايزه يبقى في..
- زي ؟!
- زي إنك تعزميني على الغدا بكرة.
- ده طموح يا فندم..
- خلاص لو مش عايزة تعزميني أنا ممكن أعزمك..
- طب أستني كده أتفاجئ وأتكسف..
- اتفضلي خدي وقتك .. ها خلصتي؟
- إيه ده هو أنا لحقت شوفت إن العزومة مكنتش من قلبك..
- طب قولي بقي تحبي تتغدي فين بكرة؟
- إيه ده !! هو إنت خلاص هتشوفني بكرة..
- آه منا اعتبرتك وافقتي..

كانت هذه هي المرة الأولى التي أرسل فيها لكريم شيء علي الـ Facebook فلم يكن عندي في الـ Friends ولم أدخل علي صفحته الشخصية سوى مراتٍ قليلة لرؤية صورته دون سبب.

لا يجب أن تكون هناك أسباب لكل شيء، فالبحث عن أسباب لكل فعل نقوم به هو أمر سخييف للغاية، فمن الممتع أحياناً أن تتعامل مع الأشياء بمبدأ "الراديو"، الفرق بين الراديو أو الأغاني التي تختارها أنت هو أنك تترك للراديو حرية التصرف فيما ستسمعه، ستسمع ما يُذاع دون أن تشغل نفسك كثيراً باختيار الأغاني، نوع من الراحة والاستجمام، حتى وإن لم تعجبك الأغاني كثيراً، فأنت تستمتع بما لديك الآن.

أرسلت الرسالة لكريم وذهبت لأنام.

لا أعرف لماذا استيقظت مرةً أخرى علي غير المعتاد وتلقائياً وجدت نفسي أنظر ما إن كان ردّ أم لا، وعندما فتحت رسائلي... "هل هلالك" كان ردّ كريم يدل علي أنه كان في انتظاري مثلما قال "هستناكي" ..

- في حاجات كثير عجبنتني بس قولت أبدأ معاك الكتاب من أوله.

- وإنتي يعني متجيش تسألني عليا إلا عشان الكتاب بس ؟
- هل لديك أسباب أخرى ؟
- يعني كان ممكن يبقى في أسباب أخرى لو إنتي عايزه يبقى في..
- زي ؟!
- زي إنك تعزميني على الغدا بكرة.
- ده طموح يا فندم..
- خلاص لو مش عايزة تعزميني أنا ممكن أعزمك..
- طب أستني كده أتفاجئ وأتكسف..
- اتفضلي خدي وقتك .. ها خلصتي؟
- إيه ده هو أنا لحقت شوفت إن العزومة مكنتش من قلبك..
- طب قولي بقي تحبي تتغدي فين بكرة؟
- إيه ده !! هو إنت خلاص هتشوفني بكرة..
- آه منا اعتبرتك وافقتي..

- مردتيش ليه ؟

- مش برد على أرقام غريبة بليل، ثواني هو ده إنت!

- طب ردي...

كان آخر ما كنت أتوقعه أن يكون المتصل هو كريم لم آخذ وقت لأفكر في أي شيء منذ بداية حديثنا، لا أعرف حتى أكان يمزح أم لا...

- إنت جبت رقمي منين؟

- هي دي إزيك وحشتني عامل إيه يعني؟

- متهزرش بقولك جبت رقمي منين؟

- عايزة تعرفي جبتته منين!

- أيوه..

- يبقي قولي إنتي المكان اللي هنتغدى فيه بكرة..

- نعم!!! هو مين اللي خدعك أصلاً وقالك إننا هنتغدى

سوا بكرة..

- خلاص يبقى مش هقولك جبت رقمك منين..

- مردتیش لیه ؟

- مش برد علی أرقام غریبة بلیل، ثواني هو ده إنت!

- طب ردي...

كان آخر ما كنت أتوقعه أن يكون المتصل هو كريم لم آخذ وقت لأفكر في أي شيء منذ بداية حديثنا، لا أعرف حتى أكان يمزح أم لا...

- إنت جبت رقمي منین؟

- هي دي إزيك وحشتني عامل إيه يعني؟

- متهزرش بقولك جبت رقمي منین؟

- عايزة تعرفي جبتته منین!

- أيوه..

- يبقي قولي إنتي المكان اللي هنتغدى فيه بكرة..

- نعم!!! هو مين اللي خدعك أصلاً وقالك إننا هنتغدى

سوا بكرة..

- خلاص يبقي مش هقولك جبت رقمك منین..

- أنا زعلانة منك..
- خلاص بعد ما نتغدى بكرة هصالحك..
- بطل هزار بقى..
- على فكرة مبهرش أنا بكرة أجازة قوليلي بتخلصي شغل
إمتى بقى عشان أعدي عليكى ونروح نتغدى..
- لأ منا ببقى خارجة بلبس الشغل نستنى يوم أجازة..
- لأ ما إنتي هتاخدي معاكي لبس وهعدي عليكى وهتبقي
جاهزة أنا باجي فى معادي ومبحبش التأخير وهتصحيني
قبل معاد خروجك بساعة عشان ألحق أجيلك
ومتروحش عليا نومة.
- ولو مصحيتكش
- هصحى لوحدي وهعدي عليكى وهتكوني جاهزة
وهنروح نتغدى سوا..
- لم أكن أعلم لماذا لم تكن ردودي على كريم بها أي نوع
من أنواع الرفض للخروج معه حتى لو كانت على سبيل
التدلل لا أكثر، لم أعتد مني على رد فعل كهذا وخاصة

مع شخصٍ لا أعرفه، فأنا وبكل ما تحمله الجملة من
معنى "لو بتشقظ هاخذ وقت أكثر من كده" ..

- مش عايزة تنامي ..

- لا منا لسه صاحية ..

تكررت هذه الجملة كثيراً في مكالمتي مع كريم، والتي لم تنتهِ إلا
في الساعة صباحاً.

- الساعة بقت ٧ ..

- هتروحي الشغل ..

- آه يادوب بقى أقوم ألبس ..

- ماشي ربنا معاكي ..

- إنت هتعمل إيه؟

- هروح أنام وهستناكي تصحيني ..

- ماشي، سلام ..

- سلام ..

رن هاتفي برقم كريم بعد أن ارتديت ملابسني- مرةً أخرى،
فرددت مبتسمة:

- إيه نسيت حاجة؟

- آه مش جايلي نوم فقولت أخليني معاكي لحد ما
تروحي شغلك..

- ممممممم ماشي أمال هتنام إمتي؟

- أما تزهقي مني..

- خلاص خليك صاحي..

لم تنته مكالمتي مع كريم إلا قبل بدء عملي بخمس دقائق،
ظللت مبتسمة طوال اليوم ولا أعرف السبب، ولكنني كنت أعلم
أنه هو سبب تلك الابتسامة التي لا أعرف سببها. أنهيت عملي
سريعاً وقمت بتغيير ملابسني، وفي تمام الرابعة أتى كريم مرتدياً تي
شيرت ألمانيا.

- إنت لابس تي شيرت ألمانيا ليه هو النهاردة الماتش
بتاعها؟

- لأ بس هنتفرج على ماتش تاني..

- بس أنا مبحبش الماتشات..

- طب قوليلي خارجة معايا ليه؟

سؤال صعب، فأنا بالفعل لا أعلم لماذا وافقت على الخروج مع كريم، ولكني فعلت.

- عشان أعرف إنت جبت رقمي منين..

- بس كده..

- آه طبعًا.. وكمان أنا زعلانة منك عشان مرضيتش تقولي

في التليفون..

زعلانة أوي يعني..

آه..

- طب هاتي إيدك..

- نعم!

- خايفة مني؟

- لأ، بس عايز إيدي ليه؟

- لو واثقة فيا هاتيها..

- مmmmmmmmmmm

لم يترك لي كريم وقتًا للتفكير كما اعتدت منه، لم أشعر سوى بسن قلم يتحرك على يدي "متزعليش" محاطة بقلوب صغيرة، رسمها كريم على كفي و بابتسامة منه قالها "متزعليش، وعلى فكرة أنا خدت رقمك منك يوم المعرض فاكرة؟" ثم قال:

- هاتي إيدك الثانية..

- خلاص مش زعلانة..

- بقول هاتيها..

- هتكتب إيه طيب؟

" I Like You " كتبها كريم على يدي الأخرى.

- اقريها..

- ليه؟

- اقريها..

- I Like You

- I Like You Too

- يا مجنون!!!

- تعالي نقف عند السور شوية..

- لأ بخاف من الأدوار العالية..

- هتخافي وإنتي معايا؟

- مش عايزة أخاف..

- طب قومي..

لم يترك لي كريم الخيار في أي شيء حتى في ابتسامتي التي لم
تكن على وجهي سواها، لم أفكر في أي شيء سوى في اللحظة
التي أعيشها الآن.

- بتفكري في إيه؟

- ولا حاجة.

- عارفة يا زيزي أنا عايز إيه..

- إيه؟

- عايز حد أكون أنا مركز اهتمامه الوحيد أكون بالنسبة
له زي الشمس أنا اللي بعمله كل حاجة، وأي حاجة
غيري مجرد حاجات بتدور حواليا وبس، أنا غيور
وغشيم ومبتفاهمش في موضوع الغيرة ده، ومش عايز
اللي في حياتي يكون في حياته أي حد ثاني.

- هتحبسه جواك؟

- ليه متقوليش إني مش هخليه محتاج لحد غيري..

توقف عقلي عند هذه الجملة التي ظلت تتردد بداخلي كثيراً هي وكل الكلمات التي قالها كريم في ذلك اليوم الذي لم أريده أن ينتهي لا أعرف لماذا، ولكن كل ما كنت أعرفه جيداً أني مع هذا الشخص ومعه فقط ولأول مرة "قلبي فرحان من جواه".

قاطع كريم أفكاري قائلاً:

- إيه روحتي فين؟

- سرحانة..

- فإيه؟

- فيك..

- طب سرحانة فيا فإيه؟

- مش عايزة أحبك..

- عندك مشكلة إنك تحبيني؟

- عندي خوف إني أصلاً أحب!..

- خلاص لو خوفتي مني متحبنيش..

ثقة لا متناهية في كلام كريم وكأنه يعلم جيداً ما قد فعل بي، بل وكأن ما فعله بي هو ما أراده تماماً. أوصلني كريم إلى المنزل وودعني بجملة "أنا بكرة برودو أجازة أول ما تخلصي- شغل هعدي عليكي هوديكي مكان حلو وهيعجبك".

كل ما فعله كريم في هذا اليوم لم يكن يدل على شيء سوى أنه لو كان حقيقياً فـ "أنا هحبه" وكيف لي أن أعلم أنه حقيقي فحسب ما يتردد عنه أنه "بتاع بنات وأنا مش حمل وجع تاني.. يا رب".

انتهي اليوم على مكالمة هاتفية بيني وبين كريم.

- اتبسطي النهاردة؟ آه..

- مش حاسس إنها من قلبك..

- كريم..

- نعم!

- هو إنت بتاع بنات؟

- آه..

-

- بس ده لحد ما ألاقي البنت اللي تخليني بتاعها هي
وبس...

هل سيحدث هذا حقا؟

بعد أن انتهت الجدة من حكي هذا الجزء الشيق والمحوري من
القصة، نظر زياد إلى جدته، وقال بتلقائية أضحكت كل من كان
حولهم:

- أووووووووه، دا إنتي اتشقتي يا تيته!!

- آه يا حبيب تيته تقريبا تقريبا كدا، بس كان شقط

حلال يعني..

بعد ليلٍ كاملٍ من التفكير في كريم "جالي صداع" من هذا؟ من
عساه أن يكون ليقتحمني هكذا؟ كيف وأنا لا أعرفه ومن أول
لقاء أخبره أني "سأحبه"؟ لماذا أصدق ما قال؟ ولماذا هو دون
غيره؟ وهل سأحبه حقا؟ وإذا أحببته فهل سيصبح "بتاعي أنا
وبس"؟

أسئلة كثيرة لم تتوقف إلا عندما قابلت كريم، تلك الابتسامة التي لم تفارقني كلما نظرت إليه، وتلك "التكشيرة" التي لا تفارقه كلما نظر لي شخص آخر. أخذني كريم وذهبنا إلى جامع الحاكم بأمر الله بالحسين. تفاجئت جدا بالمكان، فالمتوقع من "بتاع بنات" أن يأخذني إلى ملهى ليلي "مش جامع". عندما دخلنا طلب مني كريم أن نصلي، لم أجد مني إلا أن أسأله "كريم هو إنت بتصلي؟! فقال: بصي- أنا ممكن أعمل كل الموبقات اللي في الدنيا إلا أني أفوت فرض". ذهب كل منا ليصلي، ظلت أنظر إليه حتى ابتعد. كنت أعلم أن الدعوة في وقت الأذان مجابة لم أخطط للدعوة ولكني لم أجد على لساني غيرها "كريم يارب".

المور ريد

- صليتي؟

- الحمد لله ودعيت كمان ومتسألش إيه الدعوة عشان

مش هقولك غير أما تتحقق.

- زيزي..

- نعم..

- بحبك...

- على اعتبار أني اعتبرتكَ وافقتي بصي- إنتي كده كده
هتحييني فلحد ما تقوليلي بحبك وده مش بعد مدة
كبيرة اعتبريني حبيبك ومتضيعيش وقتك.

لم يكمل كريم جملته حتى سمعنا أصوات الزغاريد تملأ المكان
و"عريس وعروسة وزفة كتب كتاب".

ضحك كريم بشدة قائلاً "دي علامة يا مارد".. ثم أخذني من
يدي لنتفرج سويا على كتب الكتاب وسط دهشة ممن وقفنا
بينهم "مين دول" ظللت مبتسمة وإذا بكريم يهمس في أذني
قائلاً: "يوم كتب كتابنا هتبقي أحلى منها على فكرة".. نبرة ثقة
تحمل الكثير من الوعود لن أنساها مهما حييت.

الأفكار فور ريد

منذ ٢٠١٤/٦/٢٠، بدأت حياتي تأخذ منحني آخر.

شكلاً مختلفاً تماماً عن سابقتها، منذ أن رأيتها، وقابلتها صدفة،
وقابلتها صدفة مرةً أخرى، ثم كلمتني لتعلق على ما قرأته
فيكتابي، ثم طلبي مقابلتها، الذي كان أمراً أقرب منه للطلب، لم
أعرف من أين جاءتني تلك الثقة، ربما اعتدت فعل هذه الحركة
كثيراً لأسبابٍ نفسية أكثر، ولكن هذه المرة كانت حقاً مختلفة،
شيء ما بداخلي كان يقول لي أن شيئاً مختلفاً سيحدث، كانت
دقات قلبي تتزايد على غير العادة، كان كل شيء وقتها على غير
العادة.

سيناريو غريب نوعاً ما، كنت نائمًا وعندما استيقظت أرسلت
هي لي، وعندما استيقظتُ أنا وجدت رسالتها، أحاسيس مختلفة
انتابتنني في تلك اللحظة، سعادة، واستغراب، وصمت تام، وعجز،
لم أدر ماذا سأفعل، بالطبع سأرد عليها، سأبادلها رداً بزد،
وسأكتفي، سأقف هنا، لم أعتد أن أبادر البنات بالحديث، على
الرغم من سمعتي التي تسبقني كالريح في تلك النقطة، إلا أنني
طالما كنت حريصاً، ومعها بالذات، كنت أشد حرصاً عن ذي
قبل.

اعترفت لها بحبي في لقائنا الثاني، ربما كان هذا نوعاً من الجنون، بل هو فعلياً نوعٌ من الجنون، ولم أخبر أي شخصٍ وقتها حتى لا يخبروني أنني أحمق ومتسرع، ولكنني كنت على يقين تام بأنني لم أتسرع، كل ما شعرت به وقتها أنها هي فتاتي المنشودة، التي بحثت عنها طويلاً، وكنت أعلم يقيناً أنني لم أعرف طباعها، وبالتالي لا يمكنني الحكم إن كنا سنصلح أم لا كي نخوض هذه العلاقة سوياً، ولكن شيئاً ما بداخلي أخبرني ألا أعطيها الفرصة كي تضيع مني، وهذه من المرات القليلة التي لا يخالفني فيها إحساسي.

يومها نظرت إلى السماء الواسعة، ورأيت الله، رأيت الله في عينيها الخائفتين من مستقبلٍ مجهول، من شخص يعرض عليها قلبه وأن يأسر قلبها وهي لا تعرفه جيداً، لا تعرف كيف سيكون معها بعد أسبوع أو بعد شهر أو سنة أو عشر- سنوات، هل سيتغير عليها كما فعل من سبقه، رأيت الله في قلبها الذي خضع لي منذ المرة الأولى واستكان بين يدي وكأنه كان ينتظرنني منذ سنين، رأيت الله في نجاتها من محاولة انتحار فاشلة، وكان الله أراد أن يعطيها فرصة ثانية كي نتقابل، بل أكاد أجزم أنه نجّاهَا كي يعطيني أنا فرصة كي أكون ما أحب، وما أنا عليه، أخبرتها أنني أحبها، ولم أندم للمرة الأولى.

بيجي بقى الحب هنا بعد ما الناس تتجوز وتعرف
بعض وتعاشر بعض، ده يبقى اسمه حب بجد، مهما
الواحد عرف خطيبته فترة الخطوبة عمره ما بيعرف
عنها كل حاجة ويفضل برضه في حاجات كثير مش
هيعرفها إلا بالعشرة، أصل يا أساتذة محدش يقنعني إن
بني آدم بشوفه ساعتين تلاتة كل يوم مثلاً في الشارع
هعرفه أكثر من بني آدم بشوفه كل ثانية وبصحى وأنام
في وشه كل يوم، ربنا عرفوه بالعقل.

فَعَقِبَ الْمُحَاوِرُ:
- طيب ده رأي الأستاذ حسام، حد عنده رأي مخالف؟

فَقَالَتْ سَلْمَى الَّتِي انْفَصَلَتْ عَنْ زَوْجِهَا مِنْذَ فِتْرَةٍ بَسِيطَةٍ
قَائِلَةً:

- أيوا أنا، على فكرة الكلام ده مش صح أوي، بص يمكن
يكون كلامك منطقي شوية مش هقول لأ وأكيد فيه
جزء صح، بس ما ينفعش إنك تعمم، التعميم في حد
ذاته غلط، مش كل الناس زي بعض، ولا كل التجارب
زي بعض، ومش معنى إنك ما عديتش بتجربة معينة

يبقى هي مش موجودة، لأن أنا حبيت من أول نظرة،
وكان حب قوي جدا، يمكن آه ما كملتش بس ده كان
لأسباب تانية ملهاش علاقة بالنقطة اللي بنتكلم فيها.

فتدخل المحاور قائلاً:

- بصوا يا جماعة، زي ما سلمى قالت التعميم أكبر غلط
ممکن بني آدم يرتبكه في حق الناس التانية، إنت عمرك
ما هتتمر بكل التجارب اللي في الدنيا، عشان كذا الناس
بتتعلم من بعض، اللي أنا بعدي بيه بحكيه لواحد
صاحبي فبيتعلم منه حاجة، والعكس صحيح، وكلنا كذا،
عشان كذا إحنا مختلفين، أرواحنا نفسها مختلفة،
طريقة حبها للأشياء وللناس مختلفة تماماً.

أما بالنسبة لموضوع الحب من أول نظرة فالموضوع ده بالذات
خارج كل القوانين الكونية اللي البشر عرفتها ولسة معرفتهاش،
مينفعش تقعد تحسبها زي ما بتحسب مصاريفك أول كل شهر،
الموضوع ده بالذات مينفعش يمشي حسب المنطق والعقل، لأنه
أصلاً بيبقى غير عقلاي وغير منطقي تماماً، بيبقى زي طيف
بيجي من السما يخطبك، يغمي عليك، تفوق من الخبطة تلاقى
نفسك بتحب، مين بقى راح فين، مين عمل إيه فمين، ده مش

بتكتشفه ولا عمر ك هتكتشفه، ولو حصل بيبقى بعد عمر
وسنين طوال أوي، في الحب من أول نظرة الكيمياء بتشتغل،
الروح بتتشعلق في روح تانية من غير ما تحس، القلب بيدق
فجأة من غير ترتيب، الحب من أول نظرة هو أجمل وأوحش
حاجة في الدنيا في نفس الوقت.

انتهت الجلسة عند هذه النقطة، لم أتحدث يومها لضيق
الوقت، ولكن لو سألوني لكنت قلت أني من أشد المؤمنين بالحب
من أول نظرة، ولكني مؤمن أيضا أنه ليس هو هذا الحب
العنيف الأزلي، ولكنه نوع من الانجذاب، بعض التغييرات التي
تحدث في خلايا الروح والعقل والجسم والتي تحدث مثلها لدى
الطرف الآخر، ليتقابلا عند نقطة ما، لتلتقي أعينهم دون سابق
ترتيب، ليتحدثا كثيرا دون أن يعرفا فيما سيتحدثان، ولماذا
يتحدثان أصلاً، تنتابهما رغبة في الجلوس سوياً لساعاتٍ طويلة
دون أن يملا، وكلما حان موعد الرحيل يختلقان شيئاً ما ليظلا
سوياً، وبعدها يمكن أن يصلا لهذا الحب الأزلي، ويمكن أن يفترقا
هذا الفراق الأزلي.

أسبوع من اللقاءات المتكررة، ولأول مرة أشعر وكأنه "كل يوم
بيعدي معاها أحلى من اللي قبله". كان عليّ أن أسافر
للإسكندرية لحضور إحدى الندوات التي سأشارك فيها، الكثير

بتكتشفه ولا عمرك هتكتشفه، ولو حصل بيبقى بعد عمر
وسنين طوال أوي، في الحب من أول نظرة الكيمياء بتشتغل،
الروح بتتشعلق في روح تانية من غير ما تحس، القلب بيدق
فجأة من غير ترتيب، الحب من أول نظرة هو أجمل وأوحش
حاجة في الدنيا في نفس الوقت.

انتهت الجلسة عند هذه النقطة، لم أتحدث يومها لضيق
الوقت، ولكن لو سألوني لكنت قلت أني من أشد المؤمنين بالحب
من أول نظرة، ولكني مؤمن أيضا أنه ليس هو هذا الحب
العنيف الأزلي، ولكنه نوع من الانجذاب، بعض التغييرات التي
تحدث في خلايا الروح والعقل والجسم والتي تحدث مثلها لدى
الطرف الآخر، ليتقابلا عند نقطة ما، لتلتقي أعينهم دون سابق
ترتيب، ليتحدثا كثيرا دون أن يعرفا فيما سيتحدثان، ولماذا
يتحدثان أصلاً، تنتابهما رغبة في الجلوس سوياً لساعاتٍ طويلة
دون أن يملا، وكلما حان موعد الرحيل يختلقان شيئاً ما ليظلا
سوياً، وبعدها يمكن أن يصلا لهذا الحب الأزلي، ويمكن أن يفترقا
هذا الفراق الأزلي.

أسبوع من اللقاءات المتكررة، ولأول مرة أشعر وكأنه "كل يوم
بيعدي معاها أحلى من اللي قبله". كان عليّ أن أسافر
للإسكندرية لحضور إحدى الندوات التي سأشارك فيها، الكثير

من التنظيمات والمواعيد والآراء المختلفة حتى تم إلغاء الحفل بالكامل.

كنت قد وعدت الإسكندرية بأني حتماً سأذهب، ولكن الندوة ألغيت، لم أدر ماذا أفعل وما هو التصرف الصحيح في هذا الوقت. تحدثت معها كثيراً وطلبت منها أن نسافر الإسكندرية معاً وأن هذا الوقت مناسب جداً كي نكون وحدنا في تلك المدينة الرائعة، سنجلس على البحر كثيراً ونتحدث أكثر، ستكون أول سفيرة لنا سوياً بعد أسبوعنا الأول معاً.

كتبت للناس أني سأكون موجوداً في سيلنترو بجوار مكتبة الإسكندرية وأني سأقابلهم، وسأوقع كتابي وسيكون وقتاً ممتعاً، لن أهتم بالمنظمين ولا الندوات وكل هذا، سأهتم بمن يهتمون بي فقط ومن هم حريصون علي مقابلي، سأذهب إليهم وأجلس معهم دون أي قيود أو رسميات.

تحدثت مع زيزي وقررنا في النهاية ألا تأتي معي وأن أذهب بمفردي، وكان السبب الوحيد أني سأنشغل عنها خاصة أني سأقابل بعض الأصدقاء هناك بعد لقائي في مكتبة الإسكندرية، ولن أكون قادراً علي الاهتمام بها بالشكل الكافي، المهم أننا في النهاية اتفقنا على ألا تأتي، لم تكن سعيدة وكذلك أنا، كنت أتمنى أن ترافقني في سفري الأول معها، وكانت تتمنى هي لو ترافقني

كي تكون حاجزاً بيني وبين الفتيات اللاتي سيأتين لمقابلتي .. إنها
الغيرة.

بالفعل، سافرت ووصلت إلي الإسكندرية متأخراً، جاءتني الكثير
من المكالمات من أشخاص أتوا لمقابلتي، ولكنهم رحلوا لأنني
تأخرت، شرحت لهم أن التأخير لم يكن بسببي وأنه لظروف
الطريق، بعضهم تفهم الأمر وبعضهم كان غاضباً.
ما إن وصلت حتى كلمتني زيزي للاطمئنان عليّ:

- حمدًا لله على سلامتكم..
- الله يسلمك كان نفسي تبقي معايا..
- هتتعوض إن شاء الله..
- ماشي أنا هروح أقابل الناس اللي مستنيني وهبقي
- أكلمك كل شوية..
- إستنى، غمض عيونك كدهو..
- كدهووو..
- أيون،، قولي شايف إيه ؟
- سواد..

من التنظيمات والمواعيد والآراء المختلفة حتى تم إلغاء الحفل بالكامل.

كنت قد وعدت الإسكندرية بأني حتماً سأذهب، ولكن الندوة ألغيت، لم أدرِ ماذا أفعل وما هو التصرف الصحيح في هذا الوقت. تحدثت معها كثيراً وطلبت منها أن نساfer الإسكندرية معاً وأن هذا الوقت مناسب جداً كي نكون وحدنا في تلك المدينة الرائعة، سنجلس على البحر كثيراً ونتحدث أكثر، ستكون أول سفريّة لنا سوياً بعد أسبوعنا الأول معاً.

كتبت للناس أنني سأكون موجوداً في سيلنترو بجوار مكتبة الإسكندرية وأني سأقابلهم، وسأوقع كتابي وسيكون وقتاً ممتعاً، لن أهتم بالمنظمين ولا الندوات وكل هذا، سأهتم بمن يهتمون بي فقط ومن هم حريصون عليّ مقابلتي، سأذهب إليهم وأجلس معهم دون أي قيود أو رسميات.

تحدثت مع زيزي وقررنا في النهاية ألا تأتي معي وأن أذهب بمفردي، وكان السبب الوحيد أنني سأنشغل عنها خاصة أنني سأقابل بعض الأصدقاء هناك بعد لقائي في مكتبة الإسكندرية، ولن أكون قادراً عليّ الاهتمام بها بالشكل الكافي، المهم أننا في النهاية اتفقنا على ألا تأتي، لم تكن سعيدة وكذلك أنا، كنت أتمنى أن ترافقني في سفري الأول معها، وكانت تتمنى هي لو ترافقني

كي تكون حاجزاً بيني وبين الفتيات اللاتي سيأتين لمقابلتي .. إنها
الغيرة.

بالفعل، سافرت ووصلت إلى الإسكندرية متأخراً، جاءني الكثير
من المكالمات من أشخاص أتوا لمقابلتي، ولكنهم رحلوا لأنني
تأخرت، شرحت لهم أن التأخير لم يكن بسببي وأنه لظروف
الطريق، بعضهم تفهم الأمر وبعضهم كان غاضباً.
ما إن وصلت حتى كلمتني زيزي للاطمئنان عليّ:

- حمدًا لله على سلامتك..

- الله يسلمك كان نفسي تبقي معايا..

- هتتعوض إن شاء الله..

- ماشي أنا هروح أقابل الناس اللي مستنيني وهبقى

أكلمك كل شوية..

- إستنى، غمض عيونك كدهو..

- كدهووو..

- أيون، قولي شايف إيه ؟

- سواد..

- أهو ده يا روجي نفس اللي هتشوفه أي واحدة تفكر
تتنحملك أو تتسهوك عليك أو تفكر إنها تفكر ذات
ليلة سوداء في مخيلتها إنها ممكن تقرب منك كدهووو
ولا كدهووو... ماشي..

- يالهوي هو أنا في حد يتسهوك عليا غير حبيبي وبس أنا
أقدر.

جاء الناس تباعاً، أولاد وبنات كثر، جلسنا جميعاً معاً نضحك
ونتحدث ونلتقط الصور.

على الناحية الأخرى كانت هي غاضبة للغاية عندما أرسلت لها
إحدى الصور التي التقطناها، كانت الغيرة قد بدأت تشتعل في
داخلها.

الغيرة بالنسبة لي تساوي الحب، لا أهتم كثيراً بالكلام عن أن
الغيرة قلة ثقة، ومبدئي دائماً هو:

"أنا لو مش واثق فيكي مش هفكر فيكي كزوجة من الأول،
وهصاحبك شوية وخلص الموضوع، الغيرة بنسبة لي على أد حبي
للي أدامي".

هذا هو مبدئي الذي لا يتفق معه الكثيرون، ولكن هذا هو أنا
وهذا هو ما بداخلي وما أؤمن به حقاً.

"ولما هي كانت قايلالك يا سي جدو إنها غيرانة، وقايلالك متكلمش بنات تقوم تتصور معاهم وكمان تبعثها الصور".

- على فكرة أنا كمان يا جدو مش موافقك على اللي إنت عملته، إزاي تبعثها الصور الحاجات دي في الـ hide كده عشان تعرف تتبسط مش يتنكد عليك.

نظرت له نور في غضبٍ، ثم ردت عليه الجدة قائلة:

- أحلى حاجة في أي علاقة الصراحة، حتى لو هتحي حاجات غلط إنت بتعملها، وحتى لو اللي قدامك هيعاقبك ده هيبقى أحسن بكتير أوي ما يعرفها من وراك وصورتك تتهز في نظره.

- ومين يسمع يا تيتة، يا ريت كل الرجالة زي جدو بس المهم احكي لي أما جدو بعثك الصور دي حسيتي بإيه؟

قبل سفر كريم بيوم قرر أن يضع صورة لي معه على موقع الـ "Facebook" لم أعترض، فكانت تلك هي الطريقة الوحيدة التي تمنع "النحانيح" عنه؛ لأن الكثير سيعلم أنه ارتبط.

- هحط صورتك معايا وأوقف حالك.

- أنا مش عايزة حالي يمشي غير معاك أصلاً.

لم أحسب لأي شيء سوى هذا، ولكن ما إن وضع كريم الصورة حتى انهالت عليّ الرسائل من أصدقائي من عينة:

"إنتي مجنونة!"

"كريم هشام يا زيزي! سيبتني كل الدنيا وملقيتيش غير كريم هشام!"

"يخربيتك ده بتاع بنات إنتي ناقصة".

"إنتي عاملة زي اللي خد على أفاه..

و فضل ياخد على أفاه..

و عارف إنه هياخد على أفاه..

و مجهز أفاه..

عشان ياخد تاني على أفاه.."

لم أردّ على أي رسالة، فلم أكن أريد الدخول في نقاش ليس لدي أي دليل للخوض فيه سوى إحساسي أن "كريم كويس" لا أكثر، فسمعتة وماضيه الذي يعرفه الكثير كان أول العوائق التي وقفت في طريقنا، ولكنني لم أكن أكثرث لها فكنت قد أخبرت كريم "إنّ زي ما ليك ماضي أنا كمان ليا، أكيد علاقاتك أكثر من

علاقاتي بس كل اللي هطلبه من ربنا قبل ما أطلبه منك أني أكون
آخر حد في حياتك وإنك تكون آخر حد في حياتي، وأنا واثقة
فيك، إنت رجعتني أتنفس تاني بس ده نفس أخير، لو خالص...
هموت!".

لم ينته الأمر عند هذا، فكانت أغلب التعليقات على صورتي مع
كريم:

"دي المزة الجديدة" ..

"كلها شهرين وتيجي اللي بعدها" ..

"ربنا يهديك بيني وتبطل لعب بينات الناس" ..

"يخربيتك إنت بتجيب المزر دي كلها منين" ..

ومن رأف بي في تعليقه، كتب "يا رب تكون الأخيرة بقى" ..

لم أكرث لكل هذه التعليقات، ولم أخبر كريم أيضًا حين وصلتني
تلك الرسائل حتى لا أضايقه قبل سفره، ولكن ما إن أرسل لي
صوره مع معجباته حتى استشاط غضبي ولم أفعل أي شيء
سوى مكالمته والبكاء كثيرًا.

الناس ...

الناس لعنة على بعضهم البعض ...

هذا هو ما تيقنت منه مؤخراً ...

من يكتب يهتم بآراء الناس عنه .. من يقل رأياً يهتم برضا الناس حتى يوافقونه وتزيد شهرته .. الناس هم المحرك الأساسي لأفعال الآخرين.

منذ مدة غير طويلة قررت كسر- هذه القاعدة واتباع قاعدة جديدة وهي "ظظ في الناس".

تقول الجملة المشهورة إن رضا الناس غاية لا تدرك، وأزيد قائلاً: إن مَنْ حاول رضا الناس فلن يُرضي الناس ولن يُرضي نفسه.

ماذا يهمك من الآخرين، فعندما تفرح لن يفرحوا مكانك، وعندما تحدث لك مصيبة لن يحزنوا بدلاً منك، ولن يعانون كما ستعاني أنت، فليقبلك الناس كما أنت، بعيوبك ومميزاتك، بأفضل ما فيك وأسوأ ما فيك، فمن أراد فأهلاً به، ومن لم يرد أن يتقبلك كما أنت فهذه مشكلته هو فلا أحد يجبر أي شخص على أن يحبه، ولكن أن تحاول إرضائهم وتكون أفعالك مبنية على أن تنافقهم حتى تنال رضاهم، فهذا هو أسوأ ما يمكن أن يفعله شخص بنفسه.

كلام الناس هو سبب فشل معظم العلاقات، فمعروف أن كثرة الكلام تفسد الأشياء، وكثرة التدخلات تدمر كل شيء، كلام الصديقات مع بعضهن البعض، وكلام الأصدقاء على السواء، دائماً ما اقتنعت بأن المشكلة بين حبيين يجب أن تظل بينهما، فإن خرجت فهذا هو بداية الفشل. ولذلك كنت سعيداً لأنها وأنا نتفق على هذا المبدأ، لا يعرف أحد ما بيننا، ولا يتدخل الآخرون في مشاكلنا، مشاكلنا تخصنا وحدنا، ليس من حق الآخرين أن يقولوا فيها رأياً، أو أن يتبرعوا بأن يحلوا مشكلة بيننا في حين أننا لم نطلب هذا من أحد، وهذا هو الأفضل لنا.

مر الوقت سريعاً حتى كان موعد عودتي، وموعد أول اختبار لنا، هل ما بيننا صادقاً بما يكفي أم لا، هل هو قوي حقاً أم لا، هل يستحق أن نعاني من أجله أم لا؟ اتصلت بي في طريق عودتي؛ لأني لم أتحدث معها منذ عدة ساعات.

عندما رددتُ عليها، كان أول ما سمعته صوت بكائها ...

- إيه يا بنتي حصل إيه؟
- هم بيعملوا معنا كدا ليه؟
- هم مين؟

الناس ...

الناس لعنة على بعضهم البعض ...

هذا هو ما تيقنت منه مؤخراً ...

من يكتب يهتم بآراء الناس عنه .. من يقل رأياً يهتم برضا الناس حتى يوافقونه وتزيد شهرته .. الناس هم المحرك الأساسي لأفعال الآخرين.

منذ مدة غير طويلة قررت كسر - هذه القاعدة واتباع قاعدة جديدة وهي "ظظ في الناس".

تقول الجملة المشهورة إن رضا الناس غاية لا تُدرك، وأزيد قائلاً: إن مَنْ حاول رضا الناس فلن يُرضي الناس ولن يُرضي نفسه.

ماذا يهمك من الآخرين، فعندما تفرح لن يفرحوا مكانك، وعندما تحدث لك مصيبة لن يحزنوا بدلاً منك، ولن يعانون كما ستعاني أنت، فليقبلك الناس كما أنت، بعيوبك ومميزاتك، بأفضل ما فيك وأسوأ ما فيك، فمن أراد فأهلاً به، ومن لم يرد أن يتقبلك كما أنت فهذه مشكلته هو فلا أحد يجبر أي شخص على أن يحبه، ولكن أن تحاول إرضائهم وتكون أفعالك مبنية على أن تنافقهم حتى تنال رضاهم، فهذا هو أسوأ ما يمكن أن يفعله شخص بنفسه.

كلام الناس هو سبب فشل معظم العلاقات، فمعروف أن كثرة الكلام تفسد الأشياء، وكثرة التدخلات تدمر كل شيء، كلام الصديقات مع بعضهن البعض، وكلام الأصدقاء على السواء، دائماً ما اقتنعت بأن المشكلة بين حبيبين يجب أن تظل بينهما، فإن خرجت فهذا هو بداية الفشل. ولذلك كنت سعيداً لأنها وأنا نتفق على هذا المبدأ، لا يعرف أحد ما بيننا، ولا يتدخل الآخرون في مشاكلنا، مشاكلنا تخصنا وحدنا، ليس من حق الآخرين أن يقولوا فيها رأياً، أو أن يتبرعوا بأن يحلوا مشكلة بيننا في حين أننا لم نطلب هذا من أحد، وهذا هو الأفضل لنا.

مر الوقت سريعاً حتى كان موعد عودتي، وموعد أول اختبار لنا، هل ما بيننا صادقاً بما يكفي أم لا، هل هو قوي حقاً أم لا، هل يستحق أن نعاني من أجله أم لا؟ اتصلت بي في طريق عودتي؛ لأنني لم أتحدث معها منذ عدة ساعات.

عندما رددتُ عليها، كان أول ما سمعته صوت بكائها ...

- إيه يا بنتي حصل إيه؟
- هم بيعملوا معنا كدا ليه؟
- هم مين؟

- الناس كلها ما حدش عايزني أكون معاك..
- طيب بالراحة عشان أعرف أفهم، ممكن تقولي لي حصل إيه بهدوء كدا..
- كذا حد اتصل بيا وعمال يقولي بلاش كريم، وإنتي إزاي تعملي في نفسك كدا، ده يلعب بالبنيات، ده ملوش أمان، إحنا نعرف عنه بلاوي، هو إنت وحش أوي كدا؟
- إنتي شايقة إيه؟
- أنا خايقة يا كريم خايقة أوي ومش عايزة حاجة غير إنك تطمني، أنا ببقى متطمنة وأنا معاك..
- بس أنا شخصيا ميهمنيش أكثر من كدا وبعدين إنتي عارفة إن آخر حاجة بهتم بيها الناس وكلامهم.

ظلت تبكي لفترة طويلة وأنا أحاول تهدئتها، نجحت في النهاية. لم يتوقف الأمر عند تلك النقطة؛ فمحاولات هؤلاء الأشخاص لم تتوقف عند هذا الحد، عرفت بعضهم والبعض الآخر لم ترد أن تخبرني عنهم لأنه قريبون مني نوعا ما.

لمدة أسبوع لم تسلم من الرسائل والمكالمات التحذيرية من الذئب البشري الذي تعرفت عليه وتريد الارتباط به...
"بلاش كريم".

"بينتي اسمعي هيرميكي زي ما رمي غيرك".

"اوعي يا زيزي، سمعته زي الزفت ومعروف إنه بتاع بنات"..

"إنتي صاحبتنا وإحنا خايفين عليكي، بلاش الواد ده بالذات"..

جمل كثيرة مشابهة ظلت تتردد على آذاننا وأمام أعيننا لفترة غير قصيرة.

اطمأن كل منا للآخر بعد هذا الموقف، تمسكت هي بي بشكل أذهلني شخصياً، واستطعت أنا طمأنتها، استطاع كل منا أن يثق في الآخر وفي حبه له، نجحنا في الاختبار الأول.

كنت خائفاً للغاية، كنت خائفاً أن تستمع لهم، أو يستطيعوا التأثير علينا بشكل أو بآخر، كنت خائفاً من أن ن فشل، إلا من هذه المحنة بسلام، وعلي الرغم من أننا لم نعرف بعضنا إلا من مدة قصيرة، ولكنني كنت على يقين أني أعرفها منذ مدة طويلة جداً، أعرفها منذ أن خلقني الله لها، ومنذ أن وعيت على الحياة وهي بداخلي، لم تذهب إلى أي مكانٍ آخر، كل ما في الأمر أنها كانت تكبر أكثر وأكثر، ينمو حبها بداخلي، يزداد يوماً بعد يوم، أمرٌ بالتجربة تلو الأخرى حتى أستطيع أن أميزها عن

غيرها عندما تأتي، هي مني وأنا منها منذ أمد بعيد، ولكن الوقت لم يكن قد حان بعد كي نلتقي، لم يكن الله قد أذن لنا بعد، وعندما حان الموعد التقينا، دون ترتيب أو تحضير، دون الكثير من "اللف والدوران"، فقط التقينا لنتم أمراً كان مفعولاً، لننفذ قدرًا كتبه الله علينا.

حمدت الله كثير أننا نجحنا في هذا الاختبار، لم يحدث ما كنت أخشاه، تمسكت بي، كانت على استعداد تام أن تخسر- جميع أصدقائها الذين تأزموا كثيرًا من دخولي في حياتها كي تحافظ عليّ وحدي، وكنت مستعدًا أن أثبت لهم جميعًا أنهم مجرد مجموعة من الحمقى والمتطفلين والأغبياء، فقط.

مرّ وقتٌ لا يذكر فيه الكثير، مجرد محاولات لكل منا كي يفوز بنسبة أكبر من قلب الآخر، لم يكن الأمر صعبًا فكل منا كان مرتاحًا للآخر، مما سهل علينا الكثير.

قابلتنا عدة عقبات، أبرزها كان طباع كلِّ منا التي لا يستطيع تغييرها، وكرة القدم.

كرة القدم بالنسبة لي هي عشق لا ينتهي، قد يصل الأمر أن أخرج من عملي مبكرًا كي أشاهد مباراة في الدوري الإنجليزي أو الإسباني، أو الحب الأكبر، الزمالك.

كنت ألعب في الزمالك عندما كنت صغيراً، وأكملت مسيرتي الكروية القصيرة في مركز الشباب المجاور لمنزلي، لعبت فترة كافية بأن تجعل حبي لكرة القدم جزءاً لا يتجزأ من شخصيتي، وكان هذا الأمر بمثابة عائق بيني وبين كل الفتيات اللاتي عرفتهن، رغم أنه يبدو تافهاً، إلا أنه ليس كذلك في الواقع.

أتذكر أول مباراة شاهدتها مع زيزي، كان الزمالك يلاقي الأهلي في كأس السوبر، ذهبت معها وصديقي وأختي، جلسنا لنشاهد المباراة، وعندما ضيع الزمالك كرة سهلة انفعلت بشدة وأوقعت الكوب الذي كان أمامي، فوجدتها تضحك بقوة ...

الأنا فور ريد

- إنتي بتضحكي علي إيه مش فاهم..

- ما لك يا كريم اهدى بتزعق ليه؟

- عشان أنا متعصب وإنتي بتضحكي، إيه اللي بيضحك في

اللي بيحصل؟

- اهدى طيب ما لك صوتك مسمع المكان كله، أنا آسفة

مش قصدي شكلك بس وإنت منفعل ضحكني، خلاص

آسفة..

منذ تلك اللحظة وهي تجيد التعامل مع انفعالاتي الكروية إذا
تصادف أننا نشاهد مباراة سويًا.
أما المشكلة الثانية، فكانت في شخصيتها، فهي حساسة للغاية،
حتى إني قلت لها ذات مرة:

- الحساسية اللي عندك دي مش أوفر، إنتي عديتي
مرحلة الأوفر دي بكتير.

كانت معترفة بأن لديها مشكلة، ولكنها لا تستطيع التغلب
عليها، فكانت تبكي لأقل الأسباب وأتفهها، تبكي بسبب وبدون،
حتى إني شككت أن غددها الدمعية بها مشكلة ما، حاولت أن
أفهم منها ولم يكن لديها مبرر سوى أنها شخصية حساسة
للغاية، لا تحمل أي كلمة قد تضايقها، أو أي ظلم قد يقع
عليها.

كنا نختلف سويًا في تعريف الأخطاء والظلم الواقع عليها، فما
كنت أراه عاديًا كانت تراه مشكلة كبيرة، ظل هذا الأمر يسبب
لنا المشاكل حتى وقت قريب للغاية.

بذلت مجهودًا كبيرًا حتى أستطيع أن أعالج هذا الأمر، أحيانًا
كنت أنجح، وأحيانًا أخرى كنت أشعر أني الفاشل الوحيد على
سطح الكوكب.

كانت قناعتى هي أن الناس يقبلون بعضهم البعض بعيوبهم ومميزاتهم دون أن يحاولوا تغيير أي شيء، فلا أحد يتغير إلا من رحم ربي، وتكون تلك التغييرات طفيفة، أما تغيير الطباع والصفات الشخصية فهي تظل راسخة طوال الوقت، لا يستطيع الواحد أن يهرب منها، وحتى إن نجح في هذا، فهي تلاحقه حتى تتمكن منه مرة أخرى، لتسبب له المشاكل من جديد.

لم يكن أحد منا يحاول تغيير الآخر، ولكن كنا نشعر أننا نستحق الأفضل، وهذه العلاقة تستحق أن تكون على أفضل صورة، ولذلك كنا نحاول **بشتى الطرق** أن نتجنب المشاكل، حاولنا كثيراً، ولكننا لم ننجح طوال الوقت، فأى علاقة مليئة بالمفارقات التي لا بد منها!

أما **المشكلة الأخرى**، فكانت عصبيتي، وعدم قدرتي على الاحتمال، فكان أسهل شيء عندي أن أصرخ في وجه الآخرين إذا فعلوا ما يزعجني، وكم حاولت هي أن تعالج هذا الأمر.

ويمكن أن أقول أننا نجحنا بنسبة كبيرة، نجحنا لا لأننا خارقين، ولكن لأن ما بيننا يستحق أن نبذل الكثير من أجله.

كنت عادة ما أسألها سؤالاً غيبياً، لا أعرف لماذا كنت أسأله أصلاً...

- تعرفي إنك لحد دلوقتي ما قلتليش بحبك..

- حد يقول لحد كدا؟
- لأ مش قصدي عارف إن دي جملة غلط بس مستغرب يعني..
- إنت عايزها تتقال عشان تسمعها وخلص ولا عايزها تتقال لما تطلع مني؟
- أكيد لما تطلع منك.
- خلاص سيبها تاخد وقتها، عشان لما هتتقال هتبقى أجمل مما تتخيل، وهتشوف زيزي بتحبك إزاي.
- تعرفي إنك الوحيدة اللي لما قلتلي سيبها تاخد وقتها ما قلقتش منك، ما حسيتش إنك بتقولها عشان لسة بتفكري أو بتقرري، أو بتقولها عشان تسكتيني بشكل شيك، إنتي بتقولها عشان إنتي عايزاها تبقى بجد مش أكثر.
- إنت كده بدأت تفهمني..

مرّ أسبوع آخر بعد أول لقاء مقصود بيني وبين كريم الكثير من الأحداث والأفعال التي لم أجد لها ردا في قاموسي سوى "ربنا يخليك ليا"، سألني كريم كثيرا لماذا لم أقول له أنني أحبه رغم أن جميع أفعالي لا تدل إلا على أنني بالفعل كذلك.. كان ردي دائما "عشان أما هقولك بحبك مش هتبقى زي أي بحبك اتقالت"، وبالفعل قررت أن أجعل لـ "بحبك" يوما خاصا، يوما يليق بكريم، يليق بما أشعر به تجاهه، ويليق بكل ما فعله هو في مدة قصيرة جدا من أجلي.

أحبيته ولم يكن هذا الحب سوى شعور طبيعي بعد كل ما كان يفعله كريم معي ويؤكد لي يوما بعد يوم أنه يستحق أنني أحيي من أجله كل ما كنت قد ظننت أنه قد مات بداخلي؟

"حييته، مش بس عشان حنين وطيب وبيستحمل حساسيتي الزيادة عن اللزوم وبيعمل كل حاجة عشان يخليني مبسوطة، أنا بحبه عشان أنا ببقى مبسوطة من قبل حتى ما هو يعمل أي حاجة كفاية إني أشوفه بيضحك، قلبي بيفرح... مبحسش وأنا جنبه غير إني عايزة أحضنه، أووووووي، أحضنه وبس، ساعتها لو مُت هموت وأنا قلبي بيضحك".

كان هذا ردي على ندى التي ردت عليّ وهي تضحك "قصدك هتموتي وقلبك عايش يا بنت المحظوظة".

بدأت أفكر في أشياء كثيرة، بعضها مكرر، وبعضها مجنون، وبعضها غير متوقع على الإطلاق أن تفعله "بنت" لم يكن يحركني سوى شعور الحب بداخلي، ولم يكن يوقفني سوى حب كريم لـ "الكرة" ضرتي الأبدية. فبعد أن رتبت كل شيء وحددت الموعد الذي سأخبر به كريم بتلك الكلمة التي ينتظرها "أسبوعين" تصادف أن يكون في نفس اليوم الذي ستلعب فيه ألمانيا مباراة الدور ربع النهائي في كأس العالم، وكان من رابع المستحيلات أن أخترع أي شيء يمكنه أن يمنع كريم عن مشاهدة ماتش لألمانيا، فلم أجد أمامي إلا أن أفتعل بعض المشاجرات الصغيرة بيننا حتى أجعل تلك المفاجأة أجمل من مشاهدة ماتش ألمانيا.

وفي يوم ٤-٧-٢٠١٤، كانت ألمانيا على موعد مع فرنسا في نهائيات كأس العالم، وألمانيا هو المنتخب المفضل بالنسبة لي في البطولات العالمية، وكان صديقي قد اشترى لي من الخارج تيشيرت منتخب ألمانيا، وكنت سعيداً به للغاية وأرتديه في جميع المناسبات بداعٍ وبدون.

كنا قد اتفقنا على أن نتناول الإفطار ثم نشاهد المباراة سوياً،
اتفقنا ورتبنا كل الأمور، وكانت الأمور بيننا غير مستقرة، وكنا قد
تساجرنا قبلها بعدة أيام وظلت العلاقة متوترة.

وبالفعل، ذهبت إليها بعد انتهاء عملها، أصرت على ألا نسير
بالسيارة، قالت لي إنها تريد أن تمشي على النيل قليلاً ...

- بينتي نتمشي إيه إحنا صايمين وتعبانين خرينا نروح
نشوف هنفطر فين ونقعد في مكان هيشغل الماتش
عشان أمانيا هتلعب.

- طيب يعني أنا نفسي أتمشي شوية..
- يوووووه طيب..

- ما لك في إيه؟

- مفيش..

- بيني احكي لي..

- يا ستي مفيش، إنتي يعني مش شايفة الدنيا بيننا عاملة
إزاي.

ظلت صامته حتى وصلنا إلى النيل، وقفنا فوق الكوبري وظلت تنظر إلى النيل، لطالما حكى لي عن عشقها للنيل، وكم كانت تقضي أوقاتاً جميلة على ظهر مركب شراعية لمجرد أنها في النيل، وكنت دائماً أقول لها إنه عبارة عن ترعة كبيرة بعد أن لوّثه الناس ولم يعد هو النيل الذي نتغنى به في كل المناسبات، ولكنني كنت أحترم ما تحب، هذا ما تعودنا عليه، أن نحترم ما يحبه الطرف الآخر حتى وإن لم يكن من ضمن اهتماماتنا، حتى إنني شاهدت "ستار أكاديمي"، وهو البرنامج الذي طالما اعتبرته "هايف"، حتى أشاركها ما تحبه فقط.

- طب إيه مش ناوية تتكلمي هتفضلي ساكتة؟
- وأتكلّم ليه؟

- يعني إيه ليه إنتي عارفة السكوت ده بينرفزني..

- سامع؟

- سامع إيه؟

- ركز كدا سامع الصوت ده؟

- آه دي أغنيتنا بتاعة شيرين "أنا كلي ملكك" جاية من

بعيد تلاقي أي مراكبي مشغلها ولا حاجة.

- دي أغنيتنا اللي سمعناها أول مرة اتقابلنا سوا، الصوت بيقترب.

- أيوا واخد بالي ممكن نسيبنا بقى من أم الأغنية وتركزي معايا عشان نشوف هنعمل إيه في اللي بيحصل ده وعشان كمان نـ...

وقبل أن أكمل حديثي، لفت نظري أن المركب تستدير لتعود تجاهنا، كانت هناك صورة كبيرة معلقة على واجهة المركب، لفتت نظري ألوانها وصورة الشخص المرسوم على تلك اللوحة، وكلما كانت المركب تقترب أكثر كانت دهشتي تزداد أكثر وأكثر.

B7bk Ya Kareem

Would you marry Me?

أي جمال هذا، أي مفاجأة تلك، من أين أتيت لتدخلي في حياتي وتغيريها ١٨٠ درجة بهذه الطريقة، كيف فعلت ما فعلتيه، كيف اخترقت حصون قلبي الذي أخذ عهداً على نفسه ألا يحب، كيف استطعت أن تجمعني أشلاءه من جديد، وأن تعيدي تكوينها مرة أخرى ليعود كما كان، حاولت الكثيرات أن تفعل مثلما فعلت، وكلهن فشلن في أن يعدنه بنصف ما كان عليه، أما أنتِ فملكتيه، جعلتيه عبداً لكي، ياتمر بأمرك ويفعل ما

يسعدك ويرضيك، لا يهمله في الحياة سوى أن يراكي سعيدة، أن يرى ابتسامتك التي تجعل الشمس تشرق في وجهه هو وحده، تلك الابتسامة التي قد تدمع عيناها عندما أراها من فرط سعادتي، أنت من تركت بنات الدنيا كلهن لأجلك، لأجل عينيك، أنت التي لم أمل منها يوماً، ولم أشعر أنني أحتاج لأي شيء أو أي شخص طالما أنك في حياتي، أنت التي قطعت حبل أفكارني، قطعت شرودي وذهولي عندما رأيت تلك الصورة معلقة علي المركب، مع تلك الأغنية التي نعشقها، أنت من قطعت هذا الصمت لتقول لي "بحبك" بصوت عالٍ سمعه كل من كان في الشارع، الأطفال، النساء، الرجال، حتى أمين الشرطة الذي كان ينظم المرور، كل شيء توقف عند تلك اللحظة، الكون كله توقف، الأرض توقفت عن دورانها، عيني تسمرت عليك، قلبي هو الشيء الوحيد الذي كان ينبض في تلك الحياة في هذه اللحظة، حتى مشاعري نفسها، توقفت عن كل إحساس في الحياة غير أنني أحبك فقط، أنت التي لم تخافي من أن يقول الناس عنك مجنوناً، أو متهوراً، أو غبية، أو متمرده، أوحتي "قليلة الرباية"، قلتيها بأعلي صوتك في وسط الشارع، قلتيها لي كأجمل ما يكون كما وعدتيني، لم أكن أتوقع أجمل من هذا، حتى في أحلى أحلامي، لم أكن لأصدق أن هذا يمكن أن يحدث يوماً.

لأول مرة أشعر بالخجل، شعرت أن الأمور كلها متداخلة، أول مرة أشعر أنني عاجز عن التصرف، لا أدري ما يجب عليّ فعله الآن، هل أحتضنك، أم أقبل شفتيكي، أم أهرب بكِ لِمَكَانٍ بَعِيدٍ لا يوجد فيه سوانا، ملحتِ دموعاً في عيني، فممدت يديك الحانيتين لتمحيها، لم تتركي لي الفرصة كي أفكر كثيراً، أمسكتِ بيدي ...

- تعالى معايا..

- على فين؟

- بلاش أسئلة، يالا..

مشيت خلفك كامل مسحور، وكأنك قمتي بعملية تنويم مغناطيسي، ولكنه تنويم بالحب، أو أنه تنويم بسبب وروعة ما فعلتيه، مشيت خلفك دون أن أفكر، لأول مرة أسلم نفسي وحياتي وروحي لشخص وأنا مطمئن، غير خائف، غير مهتم بما يمكن أن يحدث طالما أنني معك، نزلنا كي نصعد على متن نفس المركب، وجدت كل مَنْ على الشاطئ من مراكبية وزوجاتهن وأطفالهن ينظرون إلينا ويضحكون، لم أعرف السبب، حتى إنني كدت أن أتعارك مع أحدهم ظناً مني أنه ينظر إليك طويلاً، لم أفهم الأمر، ولكنني فهمت بعد ذلك، فهمت بعد أن سعدنا إلى

المركب، ووجدتك أمامي، تركعين وتخرجين من وراء ظهرك
"بوكيه ورد" في منتصفه علبة صغيرة، وتفتحيها أمامي وتخرجين
منها دبلة فضة، وتضعينها في إصبعي وأنتِ تقولين بصوتٍ
وابتسامة لن أنساها ما حييت:

- تتجوزني يا كريم!

لم أعي بنفسي إلا وأنا أقف لأحتضنك، وأبكي في نفس الوقت،
هذه هي المرة الأولى التي أبكي فيها من فرط سعادتي، والآن
عرفت لماذا كانوا ينظرون إلينا، كانوا يتمنون لو يفعلون مثلنا.

أنتِ الأولى والأخيرة، أنتِ الجميلة، أنتِ الرائعة والمبهرة
والمبهجة، أنتِ الوحيدة القادرة على أن تحتليني، وألا تُبقي في
أرضي مكاناً لغيرك، لم يسعني سوى أن أقولها لأول مرة بهذا
الصدق وأنتِ بين ذراعي..

"بحبك، وهتجوزك، ومش هتكوني أبداً لراجل غيري طول منا
عايش، بحبك"...

- Oh my God، تيته إنتي عملتي كدا فعلاً؟

- شوفتي بقي..

- بس المفروض الراجل اللي بيعمل كدا..

- الحب مبيعرفش مين يعمل إيه، اللي بيحس بحاجة
يعملها، الحاجات دي مفيهاش راجل وست، في إني بحبه
ونفسي أعمله حاجة حلوة يبقى هعملها، لا يهمني كلام
ناس ولا تعليقات حد ولا رأي أي بني آدم، طالما
مبعملش حاجة غلط ولا حرام "أنا بحب".

الإله فور ريد

كأي علاقة سليمة بها مشاكل، من الطبيعي أن تحدث المشاكل بسبب إختلاف الشخصيات والصفات والطباع، وإن لم نختلف لما اتفقنا.

دائمًا ما كنت أرفض أن أخوض علاقة مع شخصية تشبهني تمامًا، وفي حين يرى الكثيرون أن هذه علامة جيدة وصحية للغاية، وأنهم إذا دخلوا في علاقة مع شخصية تشبههم تمامًا فإنهم سينجحون، كنت أرى أن هذا أول طريق للفشل. الشخصيات المماثلة قد تنجح في أن تكون صداقات ناجحة، وليس علاقة بين رجل وامرأة.

ومن هنا كانت المشاكل، طبعاً لست معتاداً عليها، ونحاول التأقلم معها، وصفات هي لا تحبها وتحاول أن تتقبلها وتتعايش معها، أحياناً كنا ننجح وأحياناً أخرى كانت المشاكل تزداد لتفوق قدرتنا في حلها.

لكل منا بعض التجارب التي حدثت له سابقاً وسببت له عقداً كثيرة، وبالتالي كان من الضروري أن نحاول معالجة هذه العقد حتى لا تسبب لنا آلاماً وأوجاعاً مزمنة مستقبلاً، كانت كل مشاكلنا في البداية تتلخص في الغيرة الأزلية التي أعاني منها ولم أجد لها حلاً حتى الآن، وحساسيتها المفرطة التي كانت تسبب

لي صعوبة في التعامل معها، فكان عليّ أن أحسب كل كلمة قبل أن أتفوه بها، حتى ولو كانت كلمة عادية، قد تأخذها هي علي محملٍ مختلف.

وفي أحد الأيام، كنا نتحدث ليلاً على الهاتف ونشبت مشكلة صغيرة، وبدا من ردة فعلها أنني تفوهت بكلام جارح، بالنسبة لي كان الكلام عادياً وقد يصدر عن أي شخص في حالة من العصبية، وبالنسبة لها كنت أنا الشرير الذي أتى "مخصوص" كي يفترسها ويرحل، وفجأة وبدون مقدمات وجدتها تبكي، ظلت تبكي قرابة النصف ساعة دون أن أعرف السبب ...

"طب أقفل وأسيبها تهدي .. طب أفضل معاها .. طب ماهي مش راضية تتكلم .. طب هي بتعيط ليه أساساً هو أنا دوست على صباعها".

أفكار كثيرة كانت تراودني أثناء بكائها، حاولت تهدئتها ولكني فشلت تماماً، أدركت أن تحديات تلك العلاقة قد بدأت عند تلك النقطة، فعندما تبدأ المشاكل إما أن يتم حلها، أو تركها لتحطيم العلاقة وما تبقى منها للأبد.

كان بكاؤها قاسياً؛ فأنا لا أحب أن أرى أي شخص يبكي بحرقة، أكره أن أرى قطة جائعة في الشارع دون أن أطعمها، فكيف

وهي حبيبتى، تبكي دون أن أملك من أمرى شيئاً، دون أن
أتمكن من ضمها إلى قلبى كي تهداً.

نامت وهي تبكى..

ونمت وأنا حزين!..

وأتى يومٌ جديد.

أيقظتنى فى اليوم التالى كى أذهب لعملى كالمعتاد ...

- صباح الخير..
- صباح النور..
- إنتى لسة مضايقة؟
- لا مفيش حاجة..

الأفكار فور ريد

- لا كدا يبقى فى..

- أنا هبقى كويسة خلاص مفيش حاجة..

كانت ردودها قاسية عليّ، قررت ألا أعاملها كأى فتاة أخرى
عرفتها، ففى وضع مثل هذا كان رد فعلى هو "خلاص أما تبقى
كويسة نتكلم"، ولكنها ليست كغيرها، هى مختلفة، ولذلك
تستحق رد فعل مختلف، إن كنت أحبها حقاً.

حاولت أن أذهب لها قبل العمل، ولكنني لم أتمكن بسبب تأخري عن عملي أصلاً، ولذلك نويت أن أذهب إليها بعد العمل دون أن أخبرها وأحاول إسعادها بشكلٍ أو بآخر.

وفي منتصف هذا اليوم، حاولت الاتصال بها كثيراً فلم ترد عليّ، وحينما ردت أخبرتني أنها متعبة بشدة وستذهب إلى البيت، حاولت الاتصال بها فلم تردّ، لم أكن أعرف هل هي نائمة أم حدث لها مكروه، ولكنني كرهت أن أبقى هكذا دون أن آخذ أي ردة فعل، تداخلت الأمور كلها في رأسي، كيف أتركها حزينة وبسببي، وماذا سأفعل الآن وقد ذهبت إلى بيتها.

تركت عملي وجلست أفكر فيما يجب عمله، أفكار كثيرة تأتي وتذهب، ظللت أروح وأجيء في المكتب حينما داهمتني فكرة مجنونة، لا أعرف عواقبها ولكنها الفكرة الوحيدة التي شعرت أنها ستنجح، إما أن تنجح، أو أن تقضي على تلك العلاقة تماماً، سأذهب إلي بيتها وليكن ما يكون.

استأذنت من عملي ورحلت.

توجهت إلى بيتها وقلبي يدق بشدة، لا أعرف هل ما أفعله صواب أم لا، ماذا لو فتح لي أبوها، ماذا لو لم يردّ أحد، ماذا سيكون رد فعل أهلها تجاهها، فيما سيفكرون، هل سيعتبرونني مجنوناً أم أحمق أم طائشاً أم متهوراً أم "قليل الأدب"؟ ..

تساؤلات كثيرة ظلت تضرب رأسي في طريقي إلى بيتها، ولكنني
عزمت على أن أكمل الطريق إلى النهاية، وليكن ما يكون، وليكن
الله معي.

كانت قد حدثتني عن والدها كثيراً، ومما أخبرتني به أنه شخص
لا تضمن ردود أفعاله، فأحياناً يكون هادئاً ويتصرف بعقلانية،
وأحياناً أخرى يثور على أسباب لا تستحق، ومما ذكرته أيضاً أنه
لاعب كمال أجسام سابق، وضخم، وقوي للغاية، نوع الأشخاص
الذي قد يضرب خمسة أو ستة رجال معاً في آن واحد، وكلما
تذكرت كلما تسارعت دقات قلبي، وتراجعت قدمي خطوة
للوراء.

كنت قد عزمت أمري ونويت والنية لله، اتجهت ناحية باب
المنزل الخارجي، فلم أجده مفتوحاً فقلت في نفسي هذه علامة
من الله، سأرحل، وعندما استدرت لأرحل وجدت أحد سكان
العمارة يأتي من خلفي ويفتح الباب، فقلت هذه علامة أخرى،
سأدخل.

دخلت وطرقت باب المنزل وأنا خائف حقاً، ففي بلادنا تصرف
مثل هذا يعتبر غريباً وشاذاً وغير مقبول.

لم يفتح أحد من المرة الأولى، إذا هي علامة أخرى ...

"أنا حلو أوي كدا يادوب ألحق أجري وأبقى أتصل أقولها جتلك ومحدث فتح وكدا عداني العيب وأزح".

وأثناء التفاتي لأجري سمعت خطوات أقدام خلف الباب، وفجأة وجدت الباب يُفتح، وإذا بي أرى رجلاً ضخماً، قد يساوي حجمه أربعة أو خمسة أضعاف حجمي:

- سلامو عليكمو؟

- وعليكم السلام مين..

- حضرتك أنا زميل زيزي وعرفت إنها عيانة وجاي أتطمئن عليها..

- نعم!!

- أقصد الآنسة زيزي حضرتك..

- هي زيزي عيانة أصلاً؟!

- آه وربنا حتى أسألها..

- فعلاً؟!

- فعلاً..

- طب اتفضل بيني معلش لحظة أصحياالك، مش
هنعرف نضايفك عشان إحنا في نهار رمضان.

عند هذه اللحظة استطعت أن ألتقط أنفاسي، لم يضر-بني، لم
يحملني ويرميني خارج المنزل، طالما أننا وصلنا لتلك النقطة
فهذه بادرة جيدة.

استيقظت زيزي كما سمعت من خلف الستائر، وسمعتها تسأل:

- كريم مين يا بابا قصدك إبراهيم مديري في الشغل مثلاً؟

- يا بنتي لأ هو قال اسمه كريم؟

- أنا معرفش حد اسمه كريم..

مفور ريد

فقلت في سري:

"آه يا جزمة بقى بتخلعي مني ماشي"

خرجت وجلست بجواري وهي شبه نائمة، ثم أتى والدها وجلس
على الكرسي المقابل، فهمستُ لها قائلاً:

- هو إيه مش هيقوم؟

- يقوم فين إنت فاكر نفسك في أمريكا أكيد هيفضل قاعد
معانا..

فنظرت إليه قائلاً:

- عمو ممكن كوباية مائة..

- مائة إيه يا بني إنت مش صايم..

- آه صحيح ده إحنا في رمضان..

يئست من أن يتحرك من مكانه فلم يكن بيدي شيء سوى أن أسلم عليها وأخبرها أنني أحبها وأرحل في هدوء، ولأحمد الله على ما أنا فيه، وأني سأخرج من هنا سليماً معافى.

أفكار كثيرة راودتني عن ردة فعل والدها، لم أكن اطيع الانتظار حتى نتحدث ليلاً لأعرف ماذا حدث بعد رحيلي، وبعد أن خرجت أرسلت لي رسالة قصيرة:

"لو مكلمتكش بعد ساعة إبقى وزع علي روعي ببسي دايت".

لم يكن زياد يصدق ما يسمعه، كان كل شيء بالنسبة له مفاجأة، هي تتقدم له، هو يذهب إلى بيتها فجأة، إنها حتماً مجنونان، وهما كذلك بالفعل.

خرج كريم من البيت بعد أن ودعته بنظرة "إيه اللي جابك" وعقل لا يفكر إلا في ردة فعل والدي التي بدت غريبة "جدا".

صمت تام في المنزل، لم يُعقب والدي على فعلة كريم وكأنه معتاد على هذا، وبالنسبة لي لم يكن هذا الصمت مبشراً على الإطلاق، بل كان هدوء ما قبل العاصفة وإراقة دمائي وتوزيع قهوة على روح المرحومة، ظللت أروح وأجئ أمامه لمدة ربع ساعة وهو لا يتكلم ولم يكن يدور في مخيلتي حينها سوى جملة "يخربيتك يا كريم كنت خايف أزعل منك يوم أديني هموت وأنا زعلانة منك، للأبد"

وبعد نصف ساعة من الصمت التام، قررت أن "أقطع عرق وأسيح دمه" أو دمي وأبدأ أنا بالحديث مع والدي:

بابا..
- نعم..
- ساكت ليه؟

- مش عايز أتعبك عشان إنتي عيانة..

- الله يخليك والله ده كثير عليا..

- طيب..

- إيه يا والدي مالك بتكلمني كده ليه؟

- هي حصلت ولد يجيلك البيت يا زيزي؟

- طب وإنت مطردتهوش ليه؟ قصدي يعني دخلته البيت

ليه؟ يعني بص مش عارفة صيغة السؤال بس ليه؟

- وده زميلك؟

- بصراحة لأ ده واحد معجب بيا وأنا قولتله لأ وإني مش

عايزة أرتبط وطلب مني كذا مرة حتى نتكلم وأنا أبدأ

مش موافقة وقالني أتقدمك وأنا بردو أبدأ.. فتلاقيه قال

يحطني قدام الأمر الواقع وييجي البيت بقى، معجب

بيا هعمله إيه..

- وعرف العنوان منين؟

- عاااااااااااااه، يعني يا بابا أكيد سأل يعني وبعدين ما

المنطقة كلها عارفة بيتنا تقول بنت مسجل خطر

يخواتي..

- مmmmmممم، يعني إنتي مبتحبيهوش ولا بينكم

حاجة؟

- أنا!! إطلاقاً! مستحبييييل وبعدين أنا لو مرتبطة منا

هقولك يعني من إمتى وأنا بخبي عليك؟ هاه، هاه؟

- طيب..

للمرة الثانية كانت ردة فعل والدي مريية، أعلم جيداً أنه لم يصدقني فهو يعلم جيداً متى أكذب ومتى أكون صادقة ف"اللي ربي خير من اللي اشترى" كما يقولون.

كلمت كريم بعدها وحكيت ليه ما حدث بيني وبين والدي.. وبالطبع كانت ردة فعله "بعيني يا جزمة"

- وش يا بيبي..

طلب مني كريم بعدها أن أخبر والدي أنه يريد أن يتقدم لخطبتي وأن يأخذ رقمه ليكلمه، لم أصدق حينها وقلت أنه يمزح ولا أنسى رده حين قلت له:
- بطل هزار بقى!

- أنا مبهرش، أنا عايز أخطبك، أنا عارف إن معداش ما بيننا فترة كبيرة وإن لسه في حاجات كتير منعرفهاش في طباع بعض وحاجات أكثر لسه مش عارفين نتعامل معاها في عيوب بعض بس اللي أنا متأكد منه إن أي خطوة هتخليني أقرب منك أكثر عمري ما هتردد وأنا بمشيها.

لم أجد أي رد فعل مناسب لمثل هذا الموقف سوى البكاء،
فضحك كريم حينها قائلاً:

- حتى وإنتي مبسوطة بتعيطي، إنتي نكدية يا حبيبتي..

تحدثت إلى والدي حينها وأخبرته بالحقيقة وأنا أحب كريم وأنه
يريد التقدم لخطبتي وأنا موافقة، ولا ينقصنا سوى تحديد
ميعاد الخطبة "ولو فاضي ابقني تعالى"

- وحياة أمك!..

- وحياتك إنت ما إنت أبويا وأمي وافق بقى..

- يا زيزي ده مجنون..

- عادي يا بابا منا كمان مجنونة إيه المشكلة، وافق عشان

نخلفك مجانين صغننين يملوا عليك البيت ويقولوك يا

جدو مش نفسك يتقالك يا جدو..

- حبايب جدو..

- ها وافقت؟

- لأ..

اعترض والدي حينها على قراري بالخطبة من كريم، ونصحني بعدم التسرع مرةً أخرى، ثم قال لي:

- وقت ما أحس إنك فعلاً بتحببته وأتأكد إن هو كمان بيحبك ومش هيكون زي اللي قبله أنا بنفسى- هقولك هاتيه البيت عشان يخطبك وده مش معناه إني هسيبك على حل شعرك وتقعدي تتكلمي معاه عمال على بطال لأ طبعاً في حدود بس خطوبة وأفسخ يا بابا تاني "لأ" ..

تضايق كريم حينها من ردة فعل والدي، وشعر أن بها نوعاً من الإهانة وعدم الثقة، ولكن ما باليد حيلة "نستنى".

الإله فور ريد

الإله فور ريد

كعادة أي علاقة طبيعية منذ بدأت الخليقة أن تبدأ بالحب والرومانسيات ثم تتحول تدريجياً إلى روتين ثم برود ثم قرار الفراق أو البقاء مع اللا شيء.

ولكن في علاقتي أنا وكريم كان الأمر مختلفاً تماماً؛ إذ بدأت المشاكل قبل أي رومانسيات بيننا..

- أنت عصبي وغيور زيادة عن اللزوم..

- وإنتي بردو حساسة لدرجة أووفر..

الإلا فور ريد

صمت تام بدأ في التسرب في مكالماتنا سوياً، لم يكن لدي أي طاقة لتغيير ما يحدث، بدأت أشك أن كريم سيتحول ليوسف آخر وأنه ليس مختلفاً كما خُيل لي، كنت واثقة حينها أن القرار الصحيح هو أن أترك لكريم القرار إما أن يدافع عما بيننا أو يستسلم وينتهي كل شيء، ليس أنانية بل يقيناً بمقولة "إذا أردت شيئاً بشدة عليك أن تطلق سراحه"

والغريب فيما حدث أنني ما إن كنت أرى كريم حتى أنسى كل شيء وكأنه لم يكن، وعندما ينتهي اليوم ويعود كل منا لبيته ونتحدث عبر الهاتف حتى نعود لأدراجنا ويبدأ الصمت، والبكاء، والصراخ من جديد..

- أنا بقيت بكره مكالماتنا في التليفون بكرهها..

- قصدك إيه؟ بقيتي تكرهيني يعني؟

- بقيت أخاف منك، الخوف بداية الكره، مش معنى كده

إني لو فضلت خايفة هكرهك بس هكره أقرب منك،

هكره كل حاجة بتربطنا، زي ما بقيت بكره إننا نتكلم

في التليفون، وخايفة ييجي يوم أكره حتى أشوفك، إنت

وعدتني هتطمني لو خوفت منك وأديني خايفة، خايفة

أكمل ، خايفة أتوجع.

- هو إنتي مبقتيش عايزانا نتخطب زي الأول بنفس

الحماسة؟

- ممكن ما أردش.

كانت هذه هي الكلمات التي بدأت بعدها اللحظة الفارقة،
اللحظة التي قد تحسم مصير تلك العلاقة، إما استمرار أبدي، أو
نهاية لا رجعة فيها.

بدأت الأمور تسوء بيننا، لم أعرف تحديدا هل المشكلة مني أم
منها، ولكنني كنت مدرگا لحجم تلك المشكلة، وقناعتني التامة في
هذا الأمر أن الخطأ دائما مشترك، فلا يوجد شخصا مخطئا تماما
وآخر محقا تماما، هذه هي القاعدة التي أعيش بها، الشيء
المؤكد هو أن نسبة الخطأ قد تختلف، قد تخطئ بنسبة ٧٠%،
والطرف الآخر بنسبة ٣٠% مثلا، ولكن في النهاية لا يوجد شيء
مطلق.

كان التفاهم الذي بيننا بدأ في التراجع بشكل واضح، الكثير من
العصبية مني، والكثير من الصمت منها، أكثر ما كانت تكرهه
هو الصوت العالي أو العصبية، وأكثر ما كنت أكرهه هو
الصمت، ودائما ما كنت أومن بمبدأ أن الحديث يمكنه حل كل
المشاكل في الحياة ...

- هو إنتي ما لك متغيرة ليه؟

- إزاي؟

- يعني بقالك فترة مش زي ما كنتي الأول، هو إنتي
مبتحبنيش؟

- لأ.. بحبك

- أمال في إيه؟

- مفيش..

كان هذا هو شكل الحوار بيننا لمدة أسبوع تقريبًا، وهنا بدأت
قرون الاستشعار لدي في الاهتزاز وبقوة ١٠ ريختر، وبدأ عقلي
يصدر رسائل تلقائية وسريعة وموجزة ومنذرة بخطر حقيقي.

"العلاقة مهددة.."

زيزي في خطر..

كريم في خطر..

هتروحوا في داهية..

إلحق الدنيا قبل ما تبهوا منك..

البت هتضيع من إيديك..

إتلم وإعدل الدنيا.."

وكان هذه الرسائل صادرة عن إنسانٍ آلي.

وبعد مرور أول أسبوع على هذا الوضع، كنا قد اتفقنا على دخول السينما، وتقابلنا وذهبنا إلى السينما واتجهنا إلى KFC كي نتناول بعض الطعام، استأذنتها لأدخل الحمام، وما إن دخلت حتى أغلقت على نفسي ونظرت إلى المرأة، وبدأت في الحديث إلى نفسي:

"حدد إنت عايز إيه بالضبط، عايز تكمل ولا مش عايز، بتحبها لدرجة إنك متعرفش تعيش من غيرها ولا مش فارقة معاك كثير وزيتها زي غيرها"

وكانت الإجابة بالنسبة لي قاطعة، لا أريد سواها، لا أريد أن أرى ابتسامة سوى ابتسامتها، لا أريد أن أرى نفسي سوى في عينيها، لا أريد أن أقضي أيامي بدونها، لن أحتمل أن تكون لرجل غيري، ولن تملاً عيني وقلبي فتاة غيرها.

خرجت من الحمام وجلست في مواجهتها، نظرت إلى باستغراب:

- ما لك بتبصلي كدا ليه؟

- زيزي أنا مش عايز اللي بيحصل ده..

- يعني إيه؟

- يعني مش عايز العلاقة تبقى كدا، مش عايزها تبقى باردة، مش عايز مع مرور الوقت حاجة ما بيننا حلوة تروح والله ما هستحمل!..

صمت تام زاد من عصبيتي، ولكني تحكمت في نفسي:

- مالك ما بترديش ليه إنتي عارفة إن السكوت ده بينرفزني..

- أقول إيه؟

- بصي يا زيزي، هسألك سؤال، لو أنا دخلت امتحان وعارف كل حاجة صح، وخرجت من غير ما أكتب اللي أعرفه هاخذ إيه؟

- صفر.

- بالظبط كدا، لازم نتكلم، لازم نعرف نعمل حوار ما بيننا، لازم نتناقش، لازم تتكلمي عن اللي حاسة بيه، أنا هعرف مين اللي مضايقك واللي مزعلك لو مقلتيهوش، في حاجات ممكن أعرفها بإحساسي بيكي بس مش هقدر أعرف كل حاجة أنا لا ساحر ولا بنجم، صح؟

- طب ممكن نتكلم وتحكي كل حاجة مضايقاكي من أول ما عرفتيني لحد دلوقتي، لأن مش هينفع نكمل بالمنظر ده، لو بتحبينني وشايفة ليكي مستقبل معايا وعائزاني في حياتك الجاية لازم تتكلمي دلوقتي، أنا عارف ومقدر إنك مريتي بتجربة وحشة قبل ما تعرفيني كرهتك في جنس الرجالة كله ومبقتيش تحبي تتكلمي مع حد ولا تحكي اللي جواكي لحد، أنا فاهم ده كويس، وعشان كده بحاول أعالجه، ما بطلبش منك تتكلمي في كل حاجة، بس علي الأقل نحاول، نبدأ، اتكلمي براحة في نقطة نقطة، اللي تقدري أوكي اللي متقدريش تكلمي فيه هستني عليكي بس توعديني إنك هتحكيهولي لما تقدري، بس لو متكلمتيش دلوقتي صدقيني يومين وهنسيب بعض، مش بمزاجنا بس عشان مش هيبقي عندنا حلول تانية، ودلوقتي أدامك حلين يا تتكلمي معايا ونحل أي مشكلة بيننا ويبقى الكلام هو

طريقتنا في حل أي مشكلة، يا صدقيني مش هنستحمل
الطريقة دي كثير.

كانت هذه الجملة بداية لأمل جديد في إنقاذ ما بيننا، خرجت
الحروف من عين كريم دون أن تخرج من فمه، لم تكن تكرر
سوي كلمة واحدة "متسيبينيش" ظللت أفكر لدقائق قليلة،
تذكرت كل ما مررت به وكأنه يعرض في شريط سينمائي، ألم...
خذلان... فراق... لم أذكر أنني رأيت نظرة مثل تلك في عين أي
ممن تركوني، أدركت جيداً حينها أن "إذا أردت شيئاً بشدة،
إمسك فيه بإيديك وسنانك" كما قالت لي صديقة ذات مرة
وهي تحكي عن حبيبها الذي انتهى بينهم الحال منذ أكثر من
خمس سنوات وهي ما زالت وستظل تحبه، أذكر حال نبرة
صوتها وهي تبكي بحرقة وهي تقول "إياكي تسيبي اللي بتحبيه،
إياكي! مفيش أي حاجة في الدنيا بتعوضه، الحب اللي بجد
مبيجيش غير مرة واحدة إياكي تضيعيه! الناس كلها هتموت مرة
وإنتي هتموتي ألف مرة في كل لحظة بعد ما تبعدني عنه،
عارفة.. يا ريت يبقى موت، ده الموت أريح... كل الوجد اللي في
الدنيا ولا يبجي حاجة جمب إنك تتوجعي ومتلاقيش اللي
بتحبيه جمبك، لو مليون حد معاكي هتفضلي بردو تتوجعي؛ لأن

الوحيد اللي بإيده يخفف عنك الوجع ده مش موجود!".. كل هذا مرّ بمخيلتي وأنا أنظر لكريم في صمت.

خمسة دقائق مرت من الصمت التام، لم أتحدث بعد ما قلته، ولم تنطق هي بأي كلمة، كنت خائفاً مما ستقوله، أو بمعنى أدق كنت قلقاً، هل ستحاول أن تتغلب علي مخاوفها وأحزانها وآلامها كي تنقذ تلك العلاقة، أم ستستسلم وتقرر أن تسير في الطريق السهل، وهو أن ترمي كل شيء وراء ظهرها لتعود لحياتها السابقة، وبينما أفكر في كل الاحتمالات، وبدون سابق إنذار وكأنها تحكي آلام عمر كامل، آلام تحملتها كثيراً حتى لم يعد بإمكانها أن تسكت عليها أكثر من ذلك:

- أنا بحبك ومش عارفة أتخيل حياتي من غيرك بس في نفس الوقت مش قادرة أتخيل أني ممكن أعيد كل المشاهد القديمة تاني، إنت ما تعرفش اللي قبلك عملت فيا إيه وبهدلني إزاي، وإزاي كان ممكن يمد إيده عليا، وإزاي أنا كان ممكن أزعق فيه وممكن أشتمه من كتر اللي كان بيعمله، إنت ما شفتش أنا عشت إيه وعديت بإيه وحسيت إيه، كان كل حاجة فوق طاقتي، ومكنش حد واقف جنبني، كنت لوحدي، محدش كان بيساعدني،

كله كان بيدافع عنه هو بس، أدام الناس كلها يببين
نفسه أحسن واحد في الدنيا وبينني وبينه بيبقى أسوأ
حد ممكن عينك تشوفه، مش عايزة ده يتكرر ثاني!..

- - إنتي ليه بتقارنيني بيه، أنا مالي؟

- عشان الفترة اللي فاتت كنت بدأت تبقي زييه..

- من ناحية؟

- بقيت عصبي، بتقفش علي كل حاجة، مش بتستحمل

حاجة، مش عارف تتعامل معايا، أنا بني آدمة حساسة

لازم تبقي براحة معايا..

- طيب ما إنتي زي ما بتطلبي أعاملك بطريقة معينة أنا

كمان ليا حاجات بطلبها مبتعمليهاش، مبحبش السكوت

الكثير، الحساسية الزيادة دي مبتخلنيش أعرف أتعامل

معاكي بتخليني أمشي على قشر- بيض، مينفعش أعمل

ده معاكي إنتي بالذات، إنتي الوحيدة اللي لازم أكون

معاها براحتي، مينفعش أحسب حاجة وأنا معاكي.

- وأنا ما عنديش مانع أكيد ومش هحبك تبقي بتأخذ
بالك من كلامك أدامي بس مش معنى كدا إننا نجرح
بعض..

- أنا عمري جرحتك؟

- أيوا لما بتتكلم وإنت متعصب بتخبط في الكلام..

- ما أنا لما بتضايق بقول كلام مش قاصده، ممكن يضايق

بس إنتي عارفة إني بحبك ومش بقصد أجرحك، مش

مطلوب مني بعد كل خناقة أقعد أعتذر عن اللي قلته؛

لأني مش قاصده.

- بس أنا مبعرفش أتجاهل ده حتى لو مش قصدك، أنا

بني آدمة حساسة جدا حاول تفهم ده..

- إنتي مش حساسة جدا، إنتي حساسيتك دي فوق

المعدل الأوفر مش حتى الطبيعي، لازم نحل المشكلة

دي.

- حساسيتي الأوفر دي بسبب وجع أوفر بردو، وجع

خلاني أخاف من كل حاجة، مبستحملش حد يبجي عليا

أو يزعقلي وأنا معملتش حاجة غلط بحس إني بتظلم
وأنا مبحبش أتظلم.

وعند هذه النقطة أمسكت يدها وقبّلتها وأنا أكمل حديثي
قائلاً:

- زيزي أنا بحبك مش عايز أخسرك، مش حابب أمشي-

خطوة تانية في حياتي من غيرك، مش عايز بنات غيرك،

مش عايز أشوف غيرك أساساً، عايزك تملي عيني وقلبي

وحياتي وروحي، ممكن ولا لأ؟

- ممكن متوجعنيش تاني!

- هسألك سؤال وتردي بصراحة، إنتي فكرتي نأجل

الخطوبة؟

- نأجل! أنا فكرت إننا مش هنكمل أصلاً!..

- طيب أنا مش هعاتبك على الكلام ده، بس أنا اللي

هقولهولك إني هحاول أرجع كل حاجة، هحاول أرجعك

ليا تاني من غير كلام كثير، هتشوفي ده من تصرفاتي لو ما

عملتش ده اعلمي اللي إنتي عايزاه، اتفقنا؟

- توعدني..
- أوعدك هحاول أحافظ عليكى على أد ما أقدر، بس توعديني تحاول تصلحي م اللي بيضايقني، ممكن؟
- حاضر..

- هترجعي كويسة؟

- لو إنت عرفت ترجعني كويسة هرجع وهبقي أحلى مما إنت متوقع، لأنى بحبك..

- والله وأنا بعشق أهلك.

كانت هذه هي أهم محادثة أجريتها في حياتي، أهمها وأكثرها حسماً، أنهيتها وأنا سعيد للغاية، شعرت أنى حققت إنجازاً مهماً، هذه هي المعركة الأهم في حياتي، إما أن أفوز بها، أو أن أخسرها وأخسر معها ما تبقى من قلبي، وفزت.

بعد أن انتهى كريم من قصته كان الأولاد في غاية الانبهار، لم يصدقوا أن هناك من يحب لهذه الدرجة، أن هناك من يعيش مع شخص واحد عمراً بأكمله ويظل حبه بنفس الدرجة التي كان عليها من لحظاته الأولى.

أتى أولادهم من الخارج وهم يضحكون ويمرحون، كانوا سعداء بعد أن قضوا يوماً جميلاً بالخارج ...

- إيه يا بابا الولاد تعبوك..
- أبداً ولا تعبوني ولا حاجة، بالعكس قعدنا اتكلمنا كثير..
- ممم وقلتم إيه بقي؟
- حكّلتهم حدوتة هيفضلوا فاكرينها سنين جاية مش هينسوها أبداً، ودلوقتي يا ريت بقى تسيبوني عشان ورايا مشوار..

- رايح فين يا بابا لوحدك؟

- لا مش لوحدى.

دخل كريم إلى الغرفة حيث كانت زيزي على وشك أن تنام ...

- إيه يا زيزي حد ينام بعد الحدوتة الحلوة دي دنا قوت
هدخل الأقيكي مغيرة هدومك ولابسة لنا حاجة
شفتشفي ومشغلة لنا مهرجان كده من زمن المهرجانات
الجميل اللي كنا بنرقص عليها زمان، فاكرة..

- أنا عمري ما نسيت أي حاجة بيننا، لو الزمن عدى عليا
ونساني اسمي حتي مش هنسي- ملامح عشرتنا سوا
وأيامنا سوا كلها..

- طب احكي لي فاكرة إيه تاني!

- لسه هحكي تاني..

- وتالت إحنا ورانا إيه؟

- طول عمري بحب أحكيك عنك عشان أشوف ضحكة
الرضا على وشك، الابتسامة اللي بتحمد ربنا إننا عرفنا
سوا نعمل اللي ناس كثير مقدرتش عليه، وقالوا عليه
أحلام ومفيش منه في الواقع، فاكر...

فاكر الدنيا كانت وحشة إزاي قبلك ومكنش فيها حاجة
حلوة، أما كان كل اللي قبلك وجع وكنت واصله لمرحلة من

اليأس إني مبقيتش عايزة أعيش لأني مكنتش شايفة إن في
حاجة تستاهل أعيش عشانها، كنت مستسلمة لعمري اللي
كان بيضيع مني، وكنت فاكرة إني هعيش وأموت زي ما أنا
وعمري ما هحقق اللي حلمت بيه، كنت بحاول أنتحر وربنا
مكنش عايز ياخدني وكنت بعيط وأقوله ليه مبتاخذنيش
وأتاري الرد متحوشي في علم الغيب إنه سايبني عشان
عارف إنك جاي، عارف إنك جاي تعوضني عن حنية أمي
اللي ملحقنتش أشبع منها ومامتك اللي عمري ما كنت
أصدق إن يقالي حما حنينة كده وأهلك وحنيتهم ووقفتم
جمبنا اللي عوضوني عن العيلة اللي اتفركشت والبيت اللي
مكنش موجود، ملتنا وسطهم وملتي في حضنك عوضتني عن
سنين عشتها لوحدني.

فاكر كام مرة شوفتك صدفة وكل واحد فينا ماشي ف طريق
بعيد عن الثاني وبحكمة ربنا يقطع طريق كل واحد فينا
عشان يجمعنا ف طريق لينا وأول مرة طلبت فيها تقابلني
وأنا وافقت من غير ما أفكر، رغم إن ده عمره ما كان مبدئي
ولا طريقتي بس جيت وقابلتك، كلامك ليا يومها وإننت

بتتكلم عن إننا هنفضل مع بعض وإني هحبك وإزاي كنت
واثق من نفسك وإنت بتقول الكلام ده، الجامع اللي قولتلي
فيه بحبك ودعوتي اللي اتحققت بيك، فاكر إزاي قولتلك
بحبك.

فاكر كل الناس اللي وقفت قصاد الحب ده ومكنتش عايزاه
يكمل، كل الكلام اللي اتقالى عنك وأنك وحش وبتاع بنات وإني
مينفعش أكمل معاك وانك هتدمرني. أنا مسمعتش لكلام حد
ومشيت وراك ووثقت فيك ومصدقتش ولا حاجة عليك، مع
إنك إنت نفسك اكدتهالي بس قلبي كان ماكدي انك هتتغير
عشاني وإتغيرت.
فاكر أما كنت خايف من رد فعل مامتك عني واستغربت انها
من اول مقابلة حبتني، اول خناقة بيننا وعشان تصالحني طبيت
عليا في البيت، وخليتني أقول لبابا إنك عايز تخطبني وشرط إنك
تجيب شقة ومكنش معاك فلوس كتير وقولنا هنجيب أي
حاجة.. وسبحان الله ربنا سهلها وأهلك وقفوا جمبنا.. وكلمتك
ساعتها أما قولتلك أنا مش عايزة حاجة من الدنيا غيرك، وقولتلي
"عشان كده أنا عايز أكفيكي عن الدنيا كلها" وكفيتني.
فاكر اما خوفنا بابا يطلب منك حاجة تاني وف قراية الفاتحة
قالك أطلب قولتله أطلب قالك هطلب منك تحطها في عينيك "

ومن قبلها ولحد دلوقتي معملتش غير كده " شيلتني جوه
عينيك وقلبك وكنت ليا في عز زعلك مني أماني وحمائتي حتى
من نفسك، وكام مرة خطوبتنا اتأجلت وكنت بتخاف وبتزعل
وكنت بقولك انها لو اتأجلت ١٠٠ مرة أنا مش هكون لحد غيرك
ومش هسيبك.

فاكر إنت كنت بتتعصب وبتتضايق من كل حاجة إزاي واما
عرفت ان ده بيزعلني اتغيرت عشاني وأما كان بيحصلي مشكلة
وأقولك عايزة أبقى لوحدي فتصمم تفضل معايا ومتسيبنيش
غير وأنا بضحك وتقولي "هاه كده أحسن ولا لوحذك".

فاكر أما كنت خلاص بستسلم ان علاقتنا تنتهي ومسكت فيا
وقولتلي انا بحبك وعائزك ومش هسيبك لحد ثاني .. من ساعتها
مستسلمتش عشانك وعشان بحبك وعشان اللي جوايا ليك
مستحيل كان هيعرف يكون لحد ثاني عمري ما كنت هعرف
أحطك فمقارنة مع أي راجل في الدنيا؛ لأنه كان هيخسر لأن
مفيش راجل فحنيتهك وطيبتهك وجدعنتك ووقفتهك جمبي مفيش
راجل بيسمع ويقول معلش ويطبطب حتي وهو حمول الدنيا
فوق كتافه، راجل يعمل اللي يبسط مراته قبل اللي يبسطه
ويسألها دائماً "مبسوطة"، أنا حتى لو كنت زعلانه اهتمامك بأني
أفرح كان ببسطني، مفيش راجل زيك في عيني دنا لما كنت
بدعي في صلاتي حتى لولادنا كنت بدعي يلاقوا قلب يشبه

لقلبك ولو أني عارفة إنه مفيش
فاكر...

أنا مش فاكرة حاجة غير الحاجات اللي ما بينا وقد ايه بحمد
ربنا انك متخليتش عني أما أنا ضعفت ولا أنا صدقت عليك
كلام ومشيت وإن كل واحد فينا كان قد الكلام اللي عيوننا في
أول يوم اتقابلنا وعدت بيه..

أنا فاكرة وهفضل أفكر طول عمري إن دعايا بقي بيك ومعاك
وليك "كريم يا رب" يجمعني بيك ف جنته زي ما جمعنا في
دنيته ويكملنا بعقلنا وبجناننا وباحتياجنا لبعض ولهفتنا لبعض
نفضل أشقيا ومجانين ومفيش في ملامح مشاعرنا حاجة تتغير
ويحافظ علينا ويحمينا من أي عين أو حسد ويا رب اللي
يحسدنا ربنا يعوضه زينا عشان يدعيلنا..
أنا فاكرة وهفضل أفكر "كريم وزيزي" اللي بيتقالوا مع بعض
وربنا أبداً ما يفرقهم أبداً من بعض..

النهاردة بقالنا ٤٦ سنة ده مش بس عمر اللي ما بيننا ده عمري
أنا كمان؛ لأن اللي قبلك عمري ما حسبته من يوم ما عرفتك، يا
رب قد اللي فات من عمرنا وجاي تعيش متهنني ومبسوط
ومرتاح معايا يديك في حياتي راجل حافظ عليا ووقف جمبي
وعمره ما اتخلي عني وعوضني عن تعب العمر كله، كل سنة

وأكون لك عوض عن كل وجع في حياتك، وسند يقويك، وضحكة
لشفافيك، وقلب يحضنك ومتطلعش منه أبدًا.

- أقولك إيه بعد الكلام الحلو ده..
- الكلام ده ولا حاجة جمب حلاوة سنين عمري اللي
قضيتها جمبكر.
- طب قومي إلبسي يا زيزي..
- ألبس إيه دلوقتي؟
- هنروح مشوار كدا
- فين؟
- من إمتى لما بعملك مفاجأة بقولك هنروح فين؟
- طول عمري ماشية معاك وأنا مغمضة..
- يبقى قومي إلبسي يالا..

ارتديا ملابسهما وأمسك بيدها ونزلا على السلم ببطء يليق
بعجوزين مثلهما، خرجا إلى الشارع، لم يخرججا من المنزل منذ
مدة طويلة، أمسك يدها وعبر بها الطريق، استقل تاكسيا

وطلب منه أن يذهب إلى كوبري قصر النيل، كان السائق ينظر إليهما من المرأة وهو يضحك ...

- ما لك يسطا بتضحك على إيه؟

- لا بس يعني مستغرب الصراحة، إثنين في سنكم ولسة بتمسك إيدها، مبتحصلش دي..

ضحك كريم وزيزي في نفس الوقت، وهو ينظر إليها نفس النظرة التي كانت منذ ستة وأربعين عاماً ...

- واخديني على فين يا كريم؟
- ممكن تستني وهتشوفي، مش ناوية تبطلي العادة دي بقي..

- كوبة عليك..

ضحك بقوة بعد الكلمة الأخيرة، فهي الكلمة التي اعتادت أن تقولها له منذ سنين طويلة، ولم تفارقها أبداً. نزلت من التاكسي- واتجه ناحية سور النيل، أمسك بيدها ونزل بها عدة درجات ناحية المراكب الموجودة بجوار الشاطئ، طلب منها أن تصعد إلى المركب، ثم اتجه ناحية المراكبي...

- خد الفلاشة شغلنا الأغنية دي..

- عليها إيه دي يا جدو..

- "أنا كلي ملكك".

- يااااااه بتاعة شيرين عبوهاب، دي من الكلاسيكيات،

زمن الفن الجميل، مش أغاني اليومين دول.

- ممكن تشغلها من غير كلام كتير.

"أنا كلي ملكك أنا كل حاجه حبيبي فيا بتناديك

أنا مش بحبك الحب كلمة قليلة بالنسبة ليك"

- فاكرة، أول أغنية نسمعها سوا من زمان أوي..

- مقدرش أنسى!..

"إنت فرحة جت لعندي بعد عمر من التعب

في السعادة اللي بعيشها يا حبيبي إنت السبب"

- النهاردة ٢٠-٦، أول يوم اتقابلنا فيه..

- مكنتش ناسية، وكنت متأكدة إنك مش ناسي، وكنت

مستنية مفاجأتك ليا، زي كل سنة..

"ضحكتك عقلك جنونك و الحنان اللي في عيونك

هو صف إيه و احكيلك إيه"

- فضلتى أجمل حاجة في حياتى، من أول ما دخلتها لحد
دلوقتي..

- وإنت عمرك ما خبيت ظني فيك، وفضلت زي ما أنا
كان نفسي تكون دائماً..

"معاك بضحك و بفرح مبقتش خايفة

و إزاي هخاف وأنا بين إيديك"

- عمري ما إتطمنت غير معاك..

- كل يوم عدى ما بينا لو مكنش جنبنا بيزيد فيه عمري ما
كنت هسمحله يقل.

- حتى وإحنا عندنا ٧٢ سنة..

- طول ما لسة فيا نفس طالع وداخل هفضل أحبك..

"ساعات بخيالى بسرح قبل لما بحلم كل حاجة ألاقها فيك"
يخرج من يده خاتماً فضياً صغيراً، ويركع على ركبتيه أمامها،
ويلبسها الخاتم في إصبعها، ثم يمسك يدها ويقبلها.

تبكي فرحًا، دموعًا لم يرها إلا وهي في شدة سعادتها معه، أو
شدة حزنها منه ..

"و السنين هتفوت و تمشي

منك إنت أنا مش همل

بوعدك يا حبيبي عمري

شوقي ليك ما في يوم يقل"

- إنتي أجمل حاجة ممكن تحصل لبني آدم في الدنيا..

- أنا جميلة عشان عينيك هي اللي شايفاني..

جلس بجوارها، لف ذراعه حول كتفها، وضمها إليه، وأغمضا
عينيها، فلا يريان شيئًا، ولا يسمعان شيئًا، سوى قلبيهما، ولا
يشعران إلا بجسديهما سويا في ضمة وخصن يطول إلى ما لا
نهاية.

ينظر المراكبي إلى النيل، يتأمل العجوزين، مشهد استثنائي لا يراه
كل يوم، عجوزان فوق السبعين، يعيشان لحظات من هم في
العشرين، قليلون هم من يعيشون لهذا السن وهم يحبون
بعضهم البعض كما لو كانوا في أيام الحب الأولى، أخرج هاتفه
واتصل بزوجته التي خاصمها منذ يومين لسبب لا يذكره ...

- ألو

- بحبك..

"هبقى فرحك وقت حزنك

في التعب تلاقيني حزنك

كل يوم من عمري ليك"

ففور ريد

ففور ريد

اكتب عنها ف كل قصيدة إن شا الله الاسم

علم كل مكان بتروحه بشكل عنيتها

اشرب قهوة كأنك آخر مرة هتشرب

شم ريحتها ف ريحة البن عشان يحلو

سيب ملامحها تغطي ملامحك واسرح فيها

فاكر أول ماسكة إيد .. جسمك قشعر

أو بوسة ف لحظة حب .. وشك نور

أول حزن ف وقت الخوف .. عشان تظمن

أول ماتش بلاستيشن .. سبتها تغلب

أول مرة دموعها بتترزل .. حبها كان لسة بيتكون

فاكر إيه ف حياتك تاني مربوط بيها؟

روحك ..

يمكن ..

طيب اوعى تفرط فيها

للتواصل مع الكتاب :

كريم هشام

Facebook Account:

<https://www.facebook.com/kareem.hesham.1988>

Phone Number:

01064220012

زيرى سيف النصر

Facebook Account:

<https://www.facebook.com/zeezee.cindrella.5>

لَوَيْهٖ هَشَامٌ

يُو-تِيرِنُ



TURN



لَوَيْهٖ هَشَامٌ



يُو-تِيرِنُ

تِلْكَ هِيَ حَقِيقَةُ



مَقَامٌ لِلنَّشْرِ وَالتَّوَزِيعِ

يُو-تِيرِنُ

بومها نظرت إلى السماء الواسعة، ورأيت الله،
رأيت الله في عينها الخالفتين من مستقبل
مجهول، من شخص يعرض عليها قلبه وأن بأسر
قلبها وهي لا تعرفه جيدا، لا تعرف كيف
سيكون معها بعد أسبوع أو بعد شهر أو سنة أو
عشر سنوات، هل سيتغير عليها كما فعل من
سبفه، رأيت الله في قلبها الذي خضع لي منذ
المرّة الأولى واستكان بين يدي وكأنه كان
ينظرنني منذ سنين، رأيت الله في نجاحها من
محاولة انتحار فاشلة، وكان الله أراد أن يعطيها
فرصة ثانية كي تتقابل، بل أكاد أجزم أنه نجحها
كي يعطيني أنا فرصة كي أكون ما أحب، وما أنا
عليه، أخبرتها أنني أحبها، ولم أدم للمرّة الأولى.

لَوَيْهٖ هَشَامٌ

TURN

